

BIBLIOTECA NAZ.

Vittorio Emanuele III

L

B

31

NAZI

L. B. 31





2/ VITA  
S. LIBORII  
EPISCOPI,

CALCVLO LABORANTIVM

PATRONI,

*E veteribus MS. eruta, & commen-  
tario historico illustrata*

A IOANNE BOLLANDO

*Collegij* E SOCIETATE IESV. *LaSerna 1651.*



ANTVERPIÆ

Apud IOANNEM & IACOBVM  
MEYRSIOS.

ANNO M.DC.XLVIII.



ILL<sup>MO</sup>. ET REV<sup>MO</sup>. DOMINO  
FABIO CHISIO  
EPISCOPO NERITONENSI,  
S. D. N.,  
INNOCENTII X.  
PONT. MAXIMI

Ad conuentū Monasteriensem,  
pro pace vniuersali consti-  
tuendā, cum potestate LE-  
GATI A LATERE,  
NUNTIO APOSTOLICO,



*Exiguam hanc, IL-  
LUSTRISSIME  
PRÆSVL, patere  
in lucem edi, Tuo di-  
catam nomini, lucu-  
brationem, de Vitâ, Translatione,  
Miraculis sanctissimi Episcopi Li-*

BORII, Patroni laborantium calcu-  
lo, dati olim VVestphalis, ad pacis  
cum Galliâ securitatem. Quæ tria in  
personam dignitatemque Tuam scitè  
congruere, inficiari nemo potest.

Nam primum LIBORII virtu-  
tes ita moribus exprimis, ut vel  
hanc iam antè habuisse præ oculis  
Vitam, ad cuius normam Tuæ exige-  
res modum, vel Tuam certè, ab eodem  
Diuino Spiritu conformatam, in hoc  
veluti speculo nunc intuiturus credi  
meritò possis. Etenim si quibus verbis  
LIBORIVM vetus scriptor cele-  
brat, eadem planè in Te velim usur-  
pare, intelligent, quicumque Te no-  
uère, nihil à me supra verum exag-  
gerari.

Ille non ignobili ortus pro-  
fapiâ, ab ætate primæuâ matu-  
rum in bonis actibus cor gere-  
bat, adeò verò sese humilem &  
quic-

quietum & timentem sermones Domini exhibebat, ut merito super illum Spiritus sancti gratia requieuisse credatur, quæ illum ad sacerdotij dignitatem, ad regimen fidelis populi nutriebat. Hæc illius animo flagrantissimum discendi studium inspirauerat, quatenus celestium fluentis arcanorum, ipsius præcordiorum intima salubriter implerentur. Cunctarum ferè sibi utilium scientiam Scripturarum satagebat intentus auditor acquirere. Nec deerat sagacis ingenij vigor, largam bono studio efficaciam subministrans. Denique simul cum processu temporis, probitatis ac sophiæ proficiens incrementis, ita in breui maturitatem virilis ornabat ætatis, ut acceptus apud

omnes , & tam honore quàm  
amore dignus haberetur. Nec  
mirum; quippe quem nulli elat-  
io proteruum , nulli asperum  
liuor, nulli contemptibilem fe-  
cit ignauia; sed humilitas etiam  
infimis coaptaret, caritas cun-  
ctis exhiberet affabilem & con-  
formem. Postquàm Clero asso-  
ciatus, ac officijs est functus Ec-  
clesiasticis , ampliùs totum se  
Diuino cultui visus est manci-  
pare. Studebat namque cunctos  
actus cogitatusque suos ad ra-  
tionis normam dirigere , cir-  
cumspectus ac prouidus, docil-  
isque & cautus existere, aduersa  
vel prospera æquanimiter ferre,  
animam supra temporalis peri-  
culi metum fortiter agere ; ha-  
bere de Dei bonitate fiduciam,  
securitatem, constantiam, tole-  
ran-

rantiam, firmitatem; in nullo  
legem moderationis excedere.  
Hinc modestus & abstinens,  
castus & honestus, parcus & so-  
brius, ante Deum & homines  
permanebat. Iam verò in illo  
propositum æquitatis iustitiæ-  
que seruandæ quis vnquam di-  
gnè valeat explicare? Quis eius  
circa innocentiam, humanita-  
tem & CONCORDIAM stu-  
dium, quis erga pietatem & reli-  
gionem enarret affectum? Ei ad  
docendum suppetebat linguæ  
disertitudo, ad doctrinam ex-  
emplis firmandam vitæ rectitu-  
do, ad exorandum pro subditis  
Deum meriti magnitudo. Sus-  
cepto verò sacerdotio, nihil ex  
studio sanctitatis, quam prius  
exercuerat, dereliquit: sed tan-  
quàm lucerna super candela-

brum posita, ita ille Diuinâ luce  
repletus, quò in eminentiore  
constitutus est loco, cò latiùs in  
Dei collatæ sibi gratiæ notitiâ  
refulgebat. Neque illum tantæ  
dignitatis honores solitæ reli-  
gionis mutare fecerunt mores,  
nec Ecclesiasticorum occupa-  
tiones negotiorum quidquam  
ex quotidianâ Diuinæ laudis &  
placationis seruitute prætermi-  
tere coëgerunt. Ob hoc nullius  
momenti spatium otiosè transi-  
gere volens, semper erat utili-  
bus intentus actibus, nunc le-  
ctioni Diuinarum Scriptura-  
rum operam impendens, nunc  
orationi prolixiùs incumbens,  
interdum etiam rerum exteriorum  
dispositioni, prout suo  
conueniebat officio, prudenter  
consulens atque prospiciens.

*Hæc*



hec autaque ac LIBORIO scri-  
ptor antiquus. Quæ si de FABIO  
CHISIO prædicem vniuersa, mini-  
mè verebor, ne quis me Tibi, ILLV-  
STRISIME PRÆSVL, suspice-  
tur assentari voluisse: qui verissimæ  
laudationis testes habeam, quotquot  
Tecum Monasterij egerunt, Regum  
Rerumque publicarum totius Euro-  
pæ Feciales, Italos, Hispanos, Francos,  
Allobroges, Burgundiones, Germa-  
nos, Belgas, etiam eos qui necdum in  
sacrorum communionem cum Roma-  
nâ Ecclesiâ rediêre, Tuæ tamen inte-  
gritatis ac sapientiæ, quam non incu-  
riosè contemplati sunt, non dissimu-  
lant apud gentiles suos præconia. Ne-  
que ipse inficiari potes, ab harum vir-  
tutum, quas recensui, studio, nullam  
vitæ Tuæ partem abhorruisse: ut vel  
idcirco acceptam Tibi S. LIBORII  
Vitam fore confidam, quod earum  
virtu-

virtutum exempla, etsi iam à Te occupata, propositura sit.

An verò illud negabimus accipi in omen Liborianæ laudis potuisse, quòd simul in Germaniam veneras, acutissimis calculi doloribus torqueri cœpisti? siue ille sedentarij studij, cui à primâ ætate, eruditionis amore, insueueras, fructus fuit; siue id cæli rigor potuit, aut sidus aliquod: vt iam tum præsentires, quibuscum mortalibus diu multumque versari Te deinceps oporteret; quibus, ad omnem licet cultum humanitatis & naturâ factis, & optimarum artium tractatione perpolitis, rigor tamen quidam Martius in ferrum ac saxa videtur animos hisce temporibus glaciasse. At postquàm Tibi, ingenti plurium dierum cruciatu, excisa interanea illa est petra, medicis ipsis constantie Tue miraculo attonitis; ne quando renasci,

ut subinde solet, feralis illa glareâ pos-  
sit, lenius, Tuâque pietati congruen-  
tius, in S. LIBORII patrocínio, pa-  
ratum Tibi præsidium erit. Quis scit,  
an non etiam ipsius deprecatione,  
quod Tuam operam VVestphaliæ sibi  
credita salutarem nouerat fore, ea ti-  
bi tam feliciter sectio curatioque eue-  
nit?

Aliud exinde plures iam annos, la-  
bore planè Sisyphio, voluendum Tibi  
saxum fuit: ut hostiliter dissidentes  
Christianorum Principum ac populo-  
rum mentes ad concordie studium fle-  
eteres, diuque exoptatam orbi resti-  
tueres pacem. Hic Tu etiamnum,  
quod alteri Episcopo olim inculcabat  
Apostolus, instas opportunè, im-  
portunè, arguis, obsecras, incre-  
pas, in omni patientiâ & doctri-  
nâ: ita tamen, ut queri Tibi fortasse  
nonnumquam cum Psalmistâ iure li-  
ceat:

ceat: Habitaui cum habitantibus Cedar: cum his qui oderunt pacem, eram pacificus.

Hoc quoque S. LIBORII habes. Multa ille, dum viueret, aspera perpeſſus, Gallias identidem irrumpeſſibus à Germaniâ ac populantibus Barbaris; ſuffulſit tamen virtute ac ſapientiâ Eccleſiam, Catholicos confirmauit, templa plurima erexit, rudes inſtruxit, omnes ad pietatis ſtudio inflammauit: ac demum quadringentis ferme & quinquaginta poſt mortem annis in VVeſtphaliâ (quæ pars occidua ac validiſſima veteris Saxoniæ) eſt tranſlatus, ad ſtabiliendam eius prouinciæ tranquillitatem, religionis orthodoxæ integritatem, cum Francorum gente amicitiam. Cùm enim victricibus Magni Caroli armis domiti Saxones; datam Chriſto fidem ſæpius fallerent,

tum

tum naturæ quadam imbecillitate & inconstantia identidem ad auitos ritus respectante, tum demonum astu continuisque illecebris, tum denique vicinorum Sclauorum ac Danorum instigatu; curauit sapientissimus Antistes Baduradus, S. LIBORII Reliquias, vt publicæ pietatis incitamentum, arrham quietis, aduersus Barbaros præsidium, pignus firmæ cum gente Francorum amicitie, imò cuiusdam cum ipsis Galliarum Ecclesijs (vt appellarunt) fraternitatis; Ludouici Pij Imperatoris auctoritate, S. Aldrici Præsulis munificentia, Cenomanorum populi assensu, plurimarum Urbium festiuâ gratulatione, Saxonum incredibili concursu, ad urbem suam Paderbornam transferri.

Neque nunc minor est illius amicitie fraternitatisque restituendæ necessi-



2/ VITA  
S. LIBORII  
EPISCOPI,

CALCVLO LABORANTIVM

PATRONI,

*E veteribus MS. eruta, & commen-  
tario historico illustrata*

A IOANNE BOLLANDO

*Collegij* E SOCIETATE IESV. *LaSorbome 1651.*



ANTVERPIÆ

Apud IOANNEM & IACOBVM  
MEVRSIOS.

ANNO M.DC.XLVIII.



1740 12

1740 12

1740 12

1740 12

1740 12

1740 12

1740 12

1740 12



1740 12

1740 12

1740 12



ILL<sup>MO</sup>. ET REV<sup>MO</sup>. DOMINO

FABIO CHISIO

EPISCOPO NERITONENSI,

S. D. N.

INNOCENTII X.

PONT. MAXIMI

Ad conuentū Monasteriensem,  
pro pace vniuersali consti-  
tuendā, cum potestate LE-  
GATI A LATERE,  
NUNTIO APOSTOLICO,



*Xiguam hanc, IL-  
LVSTRISIME  
PRÆSVL, patere  
in lucem edi, Tuo di-  
catam nomini, lucu-  
brationem, de Vitā, Translatione,  
Miraculis sanctissimi Episcopi Li-*

BORII, Patroni laborantium calculo, dati olim VVestphalis, ad pacis cum Galliâ securitatem. Quæ tria in personam dignitatemque Tuam scitè congruere, inficiari nemo potest.

Nam primum LIBORII virtutes ita moribus exprimis, ut vel hanc iam antè habuisse præ oculis Vitam, ad cuius normam Tuæ exigeres modum, vel Tuam certè, ab eodem Diuino Spiritu conformatam, in hoc veluti speculo nunc intuiturus credi meritò possis. Etenim si quibus verbis LIBORIVM vetus scriptor celebrat, eadem planè in Te velim usurpare, intelligent, quicumque Te nouère, nihil à me supra verum exaggerari.

Ille non ignobili ortus proficiâ, ab ætate primæuâ maturum in bonis actibus cor gerebat, adeò verò sese humilem & quic-

quietum & timentem sermones Domini exhibebat, ut merito super illum Spiritus sancti gratia requieuisse credatur, quæ illum ad sacerdotij dignitatem, ad regimen fidelis populi nutriebat. Hæc illius animo flagrantissimum discendi studium inspirauerat, quatenus cælestium fluentis arcanorum, ipsius præcordiorum intima salubriter implerentur. Cunctarum ferè sibi utilium scientiam Scripturarum satagebat intentus auditor acquirere. Nec deerat sagacis ingenij vigor, largam bono studio efficaciam ministrans. Denique simul cum processu temporis, probitatis ac sophiæ proficiens incrementis, ita in breui maturitatem virilis ornabat ætatis, ut acceptus apud

omnes , & tam honore quàm  
amore dignus haberetur. Nec  
mirum; quippe quem nulli elat-  
io proteruum , nulli asperum  
liuor, nulli contemptibilem fe-  
cit ignauia: sed humilitas etiam  
infimis coaptaret, caritas cun-  
ctis exhiberet affabilem & con-  
formem. Postquàm Clero asso-  
ciatus, ac officijs est functus Ec-  
clesiasticis , ampliùs totum se  
Diuino cultui visus est manci-  
pare. Studebat namque cunctos  
actus cogitatusque suos ad ra-  
tionis normam dirigere , cir-  
cumspectus ac prouidus, docil-  
isque & cautus existere, aduersa  
vel prospera æquanimiter ferre,  
animam supra temporalis peri-  
culi metum fortiter agere ; ha-  
bere de Dei bonitate fiduciam,  
securitatem, constantiam, tole-  
ran-

rantiam, firmitatem; in nullo  
legem moderationis excedere.  
Hinc modestus & abstinens,  
castus & honestus, parcus & so-  
brius, ante Deum & homines  
permanebat. Iam verò in illo  
propositum æquitatis iustitiæ-  
que seruandæ quis vnquam di-  
gnè valeat explicare? Quis eius  
circa innocentiam, humanita-  
tem & CONCORDIAM stu-  
dium, quis erga pietatem & reli-  
gionem enarret affectum? Ei ad  
docendum suppetebat linguæ  
disertitudo, ad doctrinam ex-  
emplis firmandam vitæ rectitu-  
do, ad exorandum pro subditis  
Deum meriti magnitudo. Sus-  
cepto verò sacerdotio, nihil ex  
studio sanctitatis, quam prius  
exercuerat, dereliquit: sed tan-  
quàm lucerna super candelabrum

brum posita, ita ille Diuinâ luce repletus, quò in eminentiore constitutus est loco, cò latius in Dei collatæ sibi gratiæ notitiâ refulgebat. Neque illum tantæ dignitatis honores solitæ religionis mutare fecerunt mores, nec Ecclesiasticorum occupationes negotiorum quidquam ex quotidianâ Diuinæ laudis & placationis seruitute prætermittere coëgerunt. Ob hoc nullius momenti spatium otiosè transigere volens, semper erat vtilibus intentus actibus, nunc lectioni Diuinarum Scripturarum operam impendens, nunc orationi prolixius incumbens, interdum etiam rerum exteriorum dispositioni, prout suo conueniebat officio, prudenter consulens atque prospiciens.

*Hæc*

hæc autaque à LIBORIO scri-  
ptor antiquus. Quæ si de FABIO  
CHISIO prædicem vniuersa, mini-  
mè verebor, ne quis me Tibi, ILLU-  
STRISIME PRÆSVL, suspice-  
tur assentari voluisse: qui verissimæ  
laudationis testes habeam, quotquot  
Tecum Monasterij egerunt, Regum  
Rerumque publicarum totius Euro-  
pæ Feciales, Italos, Hispanos, Francos,  
Allobroges, Burgundiones, Germa-  
nos, Belgas, etiam eos qui necdum in  
sacrorum communionem cum Roma-  
nâ Ecclesiâ rediêre, Tuae tamen inte-  
gritatis ac sapientiæ, quam non incu-  
riosè contemplati sunt, non dissimu-  
lant apud gentiles suos præconia. Ne-  
que ipse inficiari potes, ab harum vir-  
tutum, quas recensui, studio, nullam  
vitæ Tuae partem abhorruisse: ut vel  
idcirco acceptam Tibi S. LIBORII  
Vitam fore confidam, quòd earum  
virtu-

*virtutum exempla, et si iam à Te occupata, propositura sit.*

*An verò illud negabimus accipi in omen Liborianæ laudis potuisse, quòd simul in Germaniam veneras, acutissimis calculi doloribus torqueri cæpisti? siue ille sedentarij studij, cui à primâ ætate, eruditionis amore, insueveras, fructus fuit; siue id cæli rigor potuit, aut sidus aliquod: vt iam tum præsentires, quibuscum mortalibus diu multumque versari Te deinceps oporteret, quibus, ad omnem licet cultum humanitatis & naturâ factis, & optimarum artium tractatione perpolitus, rigor tamen quidam Martius in ferrum ac saxa videtur animos hisce temporibus glaciasse. At postquàm Tibi, ingenti plurium dierum cruciatu, excisa interanea illa est petra, medicis ipsis constantie Tue miraculo attonitis; ne quando renasci,*



*ut subinde solet, feralis illa glareâ pos-  
sit, lenius, Tuâque pietati congruen-  
tius, in S. LIBORII patrocínio, pa-  
ratum Tibi præsidium erit. Quis scit,  
an non etiam ipsius deprecatione,  
quod Tuam operam VVestphaliæ sibi  
credita salutarem nouerat fore, ea ti-  
bi tam feliciter sectio curatioque eue-  
nit?*

*Aliud exinde plures iam annos, la-  
bore planè Sisyphio, voluendum Tibi  
saxum fuit: ut hostiliter dissidentes  
Christianorum Principum ac populo-  
rum mentes ad concordie studium fle-  
eteres, diuque exoptatam orbi resti-  
tueres pacem. Hic Tu etiamnum,  
quod alteri Episcopo olim inculcabat  
Apostolus, instas opportunè, im-  
portunè, arguis, obsecras, incre-  
pas, in omni patientiâ & doctri-  
nâ: ita tamen, ut queri Tibi fortasse  
nonnumquam cum Psalmistâ iure li-  
ceat:*

ceat : Habitaui cum habitantibus Cedar: cum his qui oderunt pacem, eram pacificus.

*Hoc quoque S. LIBORI habes. Multa ille, dum viueret, aspera per-  
pessus, Gallias identidem irrumpen-  
tibus à Germaniâ ac populantibus  
Barbaris; suffulsi tamen virtute ac  
sapientiâ Ecclesiam, Catholicos con-  
firmauit, templa plurima erexit, ru-  
des instruxit, omnes ad pietatis stu-  
dium inflammavit: ac demum qua-  
dringentis ferme & quinquaginta  
post mortem annis in VVestphaliâ  
(quæ pars occidua ac validissima ve-  
teris Saxonie) est translatus, ad stabi-  
liendam eius provincie tranquillita-  
tem, religionis orthodoxe integrita-  
tem, cum Francorum gente amici-  
tiam. Cum enim victricibus Magni  
Caroli armis domiti Saxones; da-  
tam Christo fidem sapius fallerent,  
tum*

tum naturæ quadam imbecillitate &  
inconstantia identidem ad auitos ri-  
tus respectante, tum dæmonum astu  
continuisque illecebris, tum denique  
vicinorum Sclauorum ac Danorum  
instigatu; curauit sapientissimus An-  
tistes Baduradus, S. LIBORII  
Reliquias, vt publicæ pietatis incita-  
mentum, arrham quietis, aduersus  
Barbaros præsidium, pignus firmæ  
cum gente Francorum amicitia, imò  
cuiusdam cum ipsis Galliarum Eccle-  
sij (vt appellarunt) fraternitatis;  
Ludouici Pij Imperatoris auctori-  
tate, S. Aldrici Præsulis munificen-  
tia, Cenomanorum populi assensu, plu-  
rimarum urbium festiuâ gratulatio-  
ne, Saxonum incredibili concursu, ad  
urbem suam Paderbornam trans-  
ferri.

Neque nunc minor est illius ami-  
citiae fraternitatisque restituendæ ne-  
cessi-

cessitudo; cùm tot iam annos, in infi-  
nitâ hominum cæde, excidijs urbium,  
vastationibus regnorum, victrix  
triumphet impietas, Ultimi Septem-  
trionis potentiâ subnixa: ac pericu-  
lum sit, ne omni Christianæ Reipub.  
robore ac veluti sanguine exhausto,  
peruadendum crudelissimo Turcarum  
tyranno prostituat, quod superest Eu-  
ropæ. Propterea Te VRBANVS VIII.  
primùm, dein INNOCENTIVS X.  
Pontifices Maximi, Liboriano quo-  
dam, vt ita loquar, fato, in eandem  
Vestphaliâ legarunt, vt inuicem  
rursus consocias cõiuratas in mu-  
tuam perniciem nationes. Aderit hîc.  
quoque, ne dubita, LIBORII auxi-  
lium, ad suorum Saxonum salutem  
intentî. Prouehet ille conatus Tuos,  
qui etiam Vestram, hoc ipso tempore,  
nouo beneficiorum suorum splendore  
illustrauit Italiam. Quique saxa in  
ipsis

*ipsis hominum coagulata corporibus  
dissoluit, duritiem tandem emolliet  
animorum.*

*Accipe igitur, ILLVSTRIS-  
SIME PRÆS V L, obseruantie in Te mee  
tenue pignus, libellum hunc, virtutes  
S. LIBORII, antiquitas descriptas,  
Translationem, Miracula continen-  
tem. Illud voueo, vt quibus auspicijs  
Antistitum ac Regum, quâque popu-  
lorum alacritate ac fructu, ante annos  
DCCCXII. hoc ipso die v Kalend. Iu-  
nij, Paderbornam primùm eius allatæ.  
Reliquiæ sunt; ijsdem breui illius ac  
reliquorum cælitum legitima venera-  
tio, aduersus sacrosanctum Numeri  
pura religio, prouinciarum tranquil-  
litas, Tuis laboribus asserta, sancia-  
tur. Ita Deum ac Sanctos precor,*

*ILL<sup>MA</sup>. ET REV<sup>MA</sup> D.T.*

*humillimus cliens*

*IOANNES BOLLANDVS.*

††

.PIO

# PIO LECTORI.



Ria mihi breuiter monenduses, Pie & Beneuole Lector: Cuius consilio & auctoritate inductus hunc scripserim libellum: quâ methodo: quem ad finem.

Illustriss. D. *Peregrinus Carlenus* Abbas *S. Mariae* Amerinus, dum Monasterij, Westphalię primariâ vrbe, agitatæ plures per annos pacificationis causâ versatur, ad nephriticos, quibus cruciabatur, dolores leniendos, præsentem *S. Liborij*, Cenomanorum in Galliâ Episcopi, ac Paderbornensium Patroni, opem expertus, aliquas eius Reliquias à Canonicis Paderbornensibus obtinuit: quæ Ameriam deportatæ, solenni pompâ ab Episcopo eius vrbis *Gaudentio Polo*, magnâ populi vniuersi gratulatione, exceptæ, sparsâ celeriter per Vmbriam vicinasque prouincias famâ, multis & pietatis incitamentum, & re medium istiusmodi ægritudinum extiterunt. Dein edo-

ctus

Quis idem *Carlenus*, collectas à me plurimorum Sanctorum res gestas, earumque iam partem publicatam; rogauit vt *S. Liborij* Acta sibi trāsmitterem. Quod eodem ferè tempore me quoque poposcit Excellentiss. *D. Franciscus Nerlius*, Valderij Comes, summi Mantuæ Magistratus Præses, Ducissæ *Maria* viduæ Regenti à consilijs interioribus, Sereniss. Ducis Mantuani ad eosdem tractatus pacis vniuersalis Legatus. Plenipotentarius. Vtrique vt obtemperarem, examinare *S. Liborij* Acta cœpi. Cumque ex Illustriss. Episcopo Neritonensi *Fabio Ghispi*, ad eundem Monasteriensem conuentum Pontificis Nuntio, didicissem, magnam recens in Italiâ aduersus Sanctum hunc excitatam pietatem; statui, vt pluribus gratificarer, eodem hortante atque omnem operam conferente *Carleno*, Vitam hanc seorsim vulgare, quæ ad xxiii. Iulij inferenda, maiori nostro operiretur.

Hæc occasio descriptionis. Methodus verò quæ in editis à nobis antehac voluminibus. Præmitto disserta-



tionem in nouem distributam paragraphos, è quâ constet, quò is seculo vixerit, quo decesserit die, quo eius agatur in Ecclesiasticis officijs memoria: Vita à quo, quando scripta; vnde edita à nobis: Quando Reliquiæ Paderbornam, per quos, quâve pompâ allatæ: quàm infelici omine ab hæreticis illinc asportatæ, mox recuperatæ, nouoq; ornatu decoratæ; pars *Carleno* Abbati donata. Tum Vitam eius quadruplicem, ac geminam Translationis historiam, subiugio, primigenio veterum Auditorum stylo: in capita tamen, Lectorum commodo, diuisa est, si quæ prolixior erat narratio. Addidi breues annotationes, quibus vel variantes in manu exaratis codicibus lectiones indicantur, si quæ alicuius momenti sunt, præsertim in proprijs locorum hominumque nominibus; vel alia obscuriora illustrantur. Vitæ ac Translationi, narrationem subnecto Reductionis Reliquiarum, à viro nobili descriptam, qui eam curauit. Tum tabulas Monasterij confectas, Ecclesiæque Amerinæ Acta recito, è

s. † †

qui-



quibus constet, veras *S. Liborij* Reliquias Abbati *Carleno* legitimè à Paderbornensibus Canonicis donatas, & piè honorificequè exceptas Ameriæ. Post hæc recens beneficium *Romulo Cerighello* Amerino Centurioni ab *S. Liborio* præstitum, ex ipsiusinet *Romuli* ad *Carlenum* Abbatem epistolâ, breuiter commemoro: simile item aliud *Ioanni Clementino* Amerino turmæ equestris Ductori collatum. Ad extremum Hymnos aliquot veteres subnecto, ad *S. Liborij* laudem scriptos, canique solitos; oden Sapphicam ante annos cxx. compositam; ac quina epigrammata, quæ quidam è Societate nostrâ in *S. Liborij* honorem cecinit, cum Ameriâ transiret Lauretum proficiscens, dequè illius ad nephriticorum dolorum allevamentum efficaci patrocinio cognouisset.

Illud porrò specto præcipuè, ut Dei, qui in Sanctis suis honoratur, gloria amplificetur: ac plurimi auxilium *S. Liborij* experiantur, in eâ prefertim, quam dixi, ægritudine. Ad cuius curationem adeo multâ, pau-

cis annis , quibus ea tentari cœpi,  
suggesta mihi remedia sunt, vt, si de-  
scribere breuiter omnia velim , non  
exiguum confecturus mihi videar vo-  
lumē. Ad hos enim & cōsimiles mor-  
bos quiuis ferē Medicū se profiteretur,  
veteri Babyloniorū more, quem nar-  
rat in Clio Herōdotus. Neque possum  
inficiari, nonnulla ad eos saltem le-  
niendos prodesse: sed nullum lenius  
certiusve Diuinā ope, Sanctorum pa-  
trocinio conciliatā. Quod pluribus  
firmare testimonijs exemplisque nil  
attinet. Plurima hoc in genere fe-  
runtur *S. Drogonis*, qui in Seburgo  
Hannoniæ vico, haud longē ab vrbe  
Valencenis, xiv. Iunij colitur, mira-  
cula. *S. Benedictus* quoque, vti Leo  
Ostiensis lib. 2. Chronici Casin, c. 44.  
auctor est, *S. Henrico* Imperatori, acri-  
bus tunc doloribus vexato, apparuit,  
& dixitque fore, vt primo manē tres si-  
mul emitteret grandiusculos lapides, &  
ex tunc dolore isto numquā ultrā deti-  
neretur. Responditque nocturno viso  
euenus: quo ille motus, vnāque *Pé-  
legrinus* sanctissimus Colonia Agrip-  
pinæ Archiepiscopus, plurimis opu-

lentissimiſque donarijs Caſinenſe  
cœnobium ornarunt: quę Leo idem,  
& in Elogijs Abbatum Caſinenſium  
commemoratur Marcus Antonius Sci-  
pio Placentinus.

Celeberrimum porrò, quod ad  
iſtas calculi curationes attinet, *S. Li-  
borij* nomen. Neque fruſtrà illius, mi-  
hi crede, quicumque huic obnoxius  
es malo, auxilium implorabis. Qui-  
bus autem potiffimùm actionibus  
virtutum tibi eum fas ſit conciliare,  
tua tibi pietas dictabit. Audeo polli-  
ceri, ſi vel Orationem Dominicam  
ac Salutationem Angelicam ad eius  
honorem quotidie recitaueris, cum  
eâ, quam §. 5. damus, veteri precatio-  
ne, non cariturum te fructu præſen-  
taneo tantillæ deuotionis.

Vale Lector, & pro me quoque  
Diuum precare.

## FACULTAS SUPERIORVM.

**C**Um aliquot Societatis nostræ Theologi  
Clegerint, edique posse censuerint, *Vitam*  
*S. LIBORII, Cenomanensis in Galliâ Episcopi,*  
*urbis Paderbornæ in VVestphaliâ Tutelaris, & cal-*  
*culo laborantium Patroni, quam è veteribus Mss.*  
*codicibus erutam, commentario historico illustrauit*  
*Ioannes Bollandus è Societate IESU;* Ego Ioan-  
nes Baptista Engelgraue eiusdem Societatis  
per Flandrobelticam Præpositus Prouincia-  
lis, potestate ad id mihi ab admodum R. P. N.  
Vincentio Carafa Præposito Generali factâ,  
concedo Ioanni Meursio Typographo An-  
tuerpiensi facultatem, eandem vitam excu-  
dendi. In cuius rei fidem, hâs littéras officij  
mei sigillo munitas, meâque signatas manu  
dedi. Ipris, Kalendis Maij MDCXLVIII.

Ioannes Baptista Engelgraue.

---

## APPROBATIO CENSORIS.

**C**ommentarium hunc de S. Liborio à  
R. P. Ioanne Bollandò è Societate Iesu,  
nusquam Catholicæ fidei aut bonis mori-  
bus contrarium, prælo dignum censui 7. lu-  
lij 1648.

Guil. Bolognino S. T. L. Can.  
& Lib. Censor Antvr.

DE S A N C T O  
L I B O R I O

EPISCOPO CENOMANENSI

I N G A L L I A,

T V T E L A R I V R B I S

P A D E R B Ö R N Æ

I N W E S T P H A L I A,

aduersus nephriticos & calculi  
dolores


P A T R O N O,

C O M M E N T A R I V S H I S T O R I C V S

I O A N N I S B O L L A N D I

E S O C I E T A T E I E S V.

§. I. S. L I B O R I I *natalis, etas.*

1.  *Virtus Cenomanorum in  
Galliâ Antistes fuit S. Libo-  
rius, quem Gesta eius, qua in-  
frâ ex veteri ms. Cenoma-  
nensi dabimus, obijſſe tradunt*

*v. Idus Iunij: quo die Vitam illius refert Rena-  
tus Benedictus; licet Vita à Ioanne Morello*

A

Cano.

S. Liborij  
natalis 9.  
Iulij.

Canonico Cenomanensi collecta (quam Gallicè Renatus edidit) habeat, quarto Idus Iulij in pace quieuisse: quod incuriâ fortasse librarij factum. Andreas Saussaius in supplemento Martyrologij Gallicani, v. Idus, *sive die 11. Iulij, ita illius meminit*: Hoc ipso die Cenomanis S. Liborij Episcopi, cuius consecrata perpetuæ venerationi memoria sacris in fastis locum habet die 23. Iulij, quâ die dictum est de eo, post mortem in Germaniam ad Paderbornensem civitatem, tutelæ gratiâ, translato. Eodem die Philippus Ferrarius in generali catalogo SS. Cenomanis in Galliâ, S. Liberij Episcopi eiusdem urbis. Idem alibi quoque Liberium appellat, uti & Galestinus, Felicius, mss. quædam: at Claudius Robertus in Galliâ Christianâ, Liberium & Liborium.

celebritas  
23. Iulij,

2. *Prolixior Vita, sub Bisone Episcopo Paderbornensi scripta, atque ea quæ in 2. parte Legendæ an. 1483. extusâ extat, asserunt obÿsse x. Kalendar. Augusti, sive xxiii. Iulij. Quo die de eo ita habet Romanum Martyrol. cui & alia congruunt*: Cenomanis in Galliâ, S. Liborij Episcopi & Confessoris. Constantius Felicius: Liborij Episcopi in Cenomanis. Appendix ad Martyrol. Adonis: Eodem die S. Liborij Episcopi civitatis Cenomanensis & Confessoris. *Vetus ms. Martyrol. Monasterij S. Martini Treuiris: Paderebornæ Liborij Episcopi & Confess. ms. Florarium, vetus Martyrol. Colonix an. 1490. editum, & alia mss. Vsuardi nomine*

*nomine insignita:* Apud Cenomannicam ciuitatem depositio S. Liborij Ep. & Confessoris. Hic quinquagesimo ordinationis suæ anno, ad Patrem & patriam transijt feliciter ex hoc mundo. Carthusiani Colonienſes *in Addit. ad Vſuard.* Cenomannis S. Liborij Ep. & Confessoris, multæ sanctitatis viri, quem Episcopatus sui anno quinquagesimo defunctum B. Martinus Turonensis sepeliuit. Galesinius *autem:* Apud Cenomanos S. Liberij Episc. & Conf. qui B. Martini Episcopi Turonensis æqualis, Diuini cultus propagator egregius extitit, veræque in Christo religionis Doctor ac magister, quàm plurimos ab erroribus maleque agendi consuetudine auocauit. Canisius *denique:* Item Cenomannis S. Liborij Episcopi & Conf. qui magnæ vir sanctitatis, multos ab errore & peccatis conuertit, Deique honorem ac cultum latè propagauit. Cùm Episcopatum 50. annis laudabiliter administrasset, obdormiuit in pace, atque à S. Martino Episcopo Turonensi sepultus est. Quiescit nunc Paderbornæ. *In primâ editione, aliquantò breuius, eadem ferè perstringit.*

3. Ferrarius XXI. Iulij eum refert, ac Molanum citat, qui eius ad illum diem non meminit, sed XXI. Iulij ita habet: Cenomanis depositio SS. *non 21.* Pauacij & Liborij Episcoporum & Confessorum. At S. Pauacius XXIV. Iulij colitur.

4. Quo seculo vixerit S. Liborius perspicuum est, ut qui sit à S. Martino Episcopo Turonensi.



#### 4 VITA S. LIBORII PATRONI

vixit secu-  
lo 4.

mandatus sepultura: hunc autem constat, Cæsarior  
& Artico Coss. siue iuxta Æram vulgarem,  
anno Christi 397. obiisse: licet alij dissentiant, abs-  
que solido argumento. Quo verò anno decesserit Li-  
borius, non est disertè expressum. Si, quod in Vitâ è  
Ioannis Morelli codice descriptâ traditur, inq, ti-  
tulo secunda Vitæ, id verè ab antiquioribus acce-  
ptum est, vixisse temporibus Constantini &  
Valentiniani Imperatorum; etsi XLIX. annis  
Ecclesiæ dicatur præfuisse, non potest ultra annum  
385. superstes extitisse; aut saltem 389. si Constan-  
tino iuniore regnante ad Episcopale solium  
euectus est. Sed fortassis non Constantini legendum  
sensesbit quispiam, sed Constantij, qui anno 361.  
decessit.

quando eius  
decessores?

5. Porro si, quod in huius Vitâ dicitur, imme-  
diatè successit S. Pauacio, atque hic, quod in ipsius  
quoque Vitâ traditur, S. Iuliano, primo Ceno-  
manorum Antistiti, comes adiutorque datus à  
Romano Pontifice; consequens est, S. Iulianum  
non esse à S. Clemente missum in Gallias, nedum à  
S. Petro; sed vel Decio & Grato Coss. vti XXVII.  
Ianuarij Letaldus Monachus ad eius Vitam in  
epistolâ ad Aueſgandum Ep. scribit, S. Gregorij  
Turonensis sententiam secutus, vel fortasse paucis  
annis antè sub Philippo Augusto, aut etiam (quod  
Antonio Coruasserio in Historiâ Episcopopo-  
rum Cenomanensium placuit) sub Gordiano.  
Nam si non est in Tabulis Episcoporum Ceno-  
manensium error, etsi numquàm Sedes vacarit,  
collocato S. Iuliani exordio circiter Consulatum  
Decij



Decij & Grati, annum videlicet Christi 250. se  
 inde numerentur Sedis S. Iuliani anni 47. men-  
 ses 3. dies 10. S. Turibij anni 5. mensis 1. dies 11.  
 S. Pauacij anni 43. S. Liborij 49. perueniemus ad  
 annum 395. & satendū erit hunc neque Magni, ne-  
 que iunioris Constantini temporibus Episco-  
 pum fuisse. Verū illud haud satis credibile, S. Pa-  
 uacium S. Iuliano adiutorem datum, atque  
 cum eo ad prædicandum in Archidiacona-  
 tus officio directum, postea in Gallijs annos 95.  
 & quod excurrit, superuixisse. Sed de S. Pauacio,  
 quem quidam Panatium appellant, 24. Iulij: de  
 S. Turibio agemus 16. Aprilis. De etate S. Liborij  
 ac Sedis tempore Baronius in Notat. ad Marty-  
 rol. 23. Iul. Sedit annos 49. temporibus Valen-  
 tiniani, Gratiani, & Theodosij Augustorum,  
 Verū ab anno 364. quō imperare cepit Valenti-  
 nianus, ad 395. quō Theodosius decessit, consi-  
 ciuntur anni solū 31. Et prius decessisse S. Libo-  
 rium inde liquet, quōd S. Martinus S. Victorem,  
 vel Victurium II. eo tempore quō mortuus est videtur cir-  
 S. Liborius, decem solū annos natū, deinceps edu- ca an. 383.  
 carit, adultumq; sacerdotio ipse iuuitarie, minimum obijt.  
 14. post annis: vnde consequens videtur an. 383. aus-  
 etiam antè, decessisse Liborium.

## §. II. S. LIBORII Vita.

6. **T**ernas S. Liborij Vitas damus, per breues, è  
 mss. codicibus Ecclesię Cenomanen-  
 sis, beneficio Ludouici Cellotij nostri, acceptas.

*Tres eius**breues Vitæ,*

Citantur ea, ni fallor, à maioris Vitæ scriptore, his verbis cap. 1. n. 5. Non tamen desunt etiam certa de eius meritis apicum monimenta. Habentur etiam Gesta Pontificum eiusdem, cui præfuit, Ecclesiæ Cenomanicæ, simplici eloquio, & absque omni næuo figmenti, fidelī narratione contexta: in quibus non plena aliquis eorum vitæ series replicatur, sed quis cui successerit, cuius meriti fuerit, quot annis Ecclesiam rexit, breuiter etiam annotatum. Huius verò sacri ac pretiosissimi viri Liborij etiam transitus, ex hac valle lacrymarum ad societatem semper verè beateque gaudentium ciuium supernorum, quo contigerit ordine, latiùs indicatur. Extant & aliæ de eius ortu & vitâ litteræ strictim exaratae. De his iterum cap. 5. n. 18. Tradunt quoque litteræ superiùs memoratæ, multa quidem S. Liborium in hac vitâ fecisse miraculâ, sed multò plura postmodum ad sepulchrum eius fuisse diuinitus ostensa, licet ob multitudinem suam nominatim expressa non sint.

*ex MSS. hic edita:*

7. Primo igitur loco Vitam breuem damus ex veteri ms. Legedario Ecclesiæ Cenomanensis. Deinde aliam ex vetusto item ms. de Vitis Episcoporum Cenomanensium, in Thesauro eiusdem Ecclesiæ recondito; cui Vitæ hic est titulus: Gesta Domni Liborij Cenomanicæ vrbis Episcopi, qui fuit temporibus Constantini & Valentiniani Imperatorum. Tertia descripta est è libro manu exarato Ioannis Morelli Canonici Cenq-

Cenomanensis, in quem Vitas Episcoporum Cenomanensium anno 1572. retulit. Ea ex prioribus duabus contexta; ab ipsone Morello; an potius ab antiquiore alio, haud nobis compertum. Hanc certe, à Petro Viello Gallicè versam, edidit Renatus Benedictus, ut iam monuimus.

8. Dein subiiciemus prolixiorem aliam Vitam grauitè & bonâ fide conscriptam, ut censet, alia maior, qui primus eam edidit, Surius, Molanus quoque & Galestinus. Auctor Saxonem, id est, Westphalum, se fatetur l. 2. cap. 2. n. 7. De gentè nostrâ, hoc est, Saxonicâ, inquit. Et cap. 8. n. 37. & maxime Saxones nostri. Ex lib. 1. cap. 5. n. 18. conijcere quopiam licet Canonicum fortassis Ecclesiæ Paderbornensis fuisse: Quod nos facile, inquit, credimus, ex his quæ oculis nostris videre meruimus postquam ad nos sacrum translatum est corpus. Quando eam scripserit Vitam ac Translationem, inde est manifestum, quod Bissoni, quarto Paderbornensi Episcopo, eam dicant, ut patet lib. 2. cap. 1. n. 1. Bisso autem quando sederit, ita statui potest: B. Hathumarus obiit anno 815. aut 816. ut infra patebit: Baduradus sedisse dicitur annis ante annos 48. Ei ergo an. 863. vel sequenti successit Luitharius, qui an. 865. ut 3. Februarij ex Vita S. Ansharij, & 4. ex S. Remberti perspicere est, ipsum S. Rembertum Archiepiscopum consecrauit. Luithario annos 26. tribuunt Gobelinus Persona, Auctor Vitæ S. Meinweri s. l. unq. aliq. Verum ij B. Hathumarum mortuum ponunt an. 804. mendose. Luithario Bisso successit, cui Vita

*dicata, tempore Arnulphi Imp. qui an. Christi 900. imperij 13. obiit. Auctorem hunc ita citat, eiusq. aetatem indicat Gobelinus cap. 38. Ad hunc locum (Paderbornam) Karolus sæpè diuertit; quoniam, ut scribit quidam, qui postea in eodem loco, tempore Arnulphi Regis vitam duxit religiosam, hic locus viris omni nobilitate generis animique semper insignibus abundabat. aliâque subdit, quæ hic Auctor habet* lib. 2. cap. 2. n. 4. *Vnde verò quæ litteris mandauit, ipse acceperit, indicat lib. 2. cap. 3. n. 10. Clericorum verò, quibus id negotij commendatum est, præcipuus erat quidam Presbyter, Ido cognomine, qui omnem suæ profectiois historiam, & signa quæ in eâ diuinitus ostensa perspexerat, partim viuâ voce intimata, partim litteris breuiter annotata, ad nostram fecit venire notitiam. Hunc Anonymi Auctoris insignem Commentarium accepimus ex ms. codice monasterij Corfendoncani Canonorum regularium in Brabantia, contulimusque cum Surijs & aliâ posterius adornatâ Paderbornæ nuper, ad alterius codicis fidem, editione.*

*Paderborna:*

*alia alibi Vita.*

9. *Ex hac breuiatam S. Liborij Vitam è Bodocensis in Westphalia cœnobij manu exarato Passionali nobis descripsit Ioannes Gamanus noster: quæ eadem, vnâ cum Translatione extat in 2. parte Legendæ anno 1483. Colonia, dein 1485. Louanij excusâ. Succinctè S. Liborij Vitam è Surio expressere Franciscus Haræus, & Zacharias Lippelous, atque in Gallicano Marty-*

Martyrologio ad 23. Iulij Andreas Saussajus.  
Fusus de eo agit in Gallicâ Episcoporum Ceno-  
manensium Historiâ, Antonius Coruasserius  
Curtellius Cenomanus, insigni vir eruditione  
& iudicio.

§. III. S. LIBORII *Translatio.*

10. **D**OCTOR Gobelinus Persona Decanus  
Bilsfeldensis & Officialis Paderbor-  
nensis, qui ante 240. annos scribebat, in Cosmo-  
dromio, *etate 6. cap. 41. de S. Liborij Transla-* *Translatio*  
*tione ista habet :* Anno imperij Ludeuici *reliquiarum*  
XXIV. translatus est S. Liborius de ciuitate *eius an. 836.*  
Cenomanicâ Galliæ, in quâ quondam ipse *facta:*  
fuerat Episcopus, ad Paderbornam Westpha-  
liæ; Aldrico Cenomanensem & Badurado  
Paderbornensem regentibus Ecclesias. Hic  
Aldricus fuit accusatus apud Gregorium Pa-  
pam IV. vt habetur 2. quæst. 6. *Decreto nostro.* Et  
quidam Clericus Ecclesiæ Paderbornensis,  
Ido nomine, conscripsit miracula, quæ vidit  
in Translatione S. Liborij, & habentur scripta *ab oculatis*  
in Ecclesiâ Paderbornensi supradictâ. Et Er- *testibus de-*  
conradus Diaconus Ecclesiæ Cenomanensis *scripta,*  
scribit eadem miracula, prout ea se vidisse te-  
statur: & ipse scribit, quòd Legati Episcopi  
Baduradi, pro Reliquiarum sanctarum rece-  
ptione missi Cenomannicam, principales fue-  
runt, Folodagus Aduocatus Episcopi Badu- *per Legatos*  
radi, Meinulphus Archidiaconus, Adelberrus *cuncta.*

Presbyter, Aldricus Diaconus, & Drudwinus Subdiaconus: & quòd Meinulphus in Ecclesiâ S. Vincentij Cenomanensi vouit monasterium sanctimonialium fundare in honorem B. Mariæ & S. Liborij, in loco qui dicitur Bodicon.

11. *Eadem tradit Krantzius, Metropolis lib. 1. cap. 28. qui Folodigium vocat, quem Gobelinus Folodagum; Erconredum, quem hic Erconradum. Addit Baduradum, quòd mitâ deuotione in Sanctum Dei Liborium ferueret, eius reliquias petijisse; Aldricum, siue quòd meritis esset præuentus à Badurado, siue quòd minoris eas fieri in prouinciâ cerne- ret, protinus annuisse. quas caussas neque ex Gobelino, neque ex Historiâ Translationis à coætaneo scriptâ, accepit Krantzius. Postremò hac adiicit: Celebris est memoria eius vsque hodie in Ecclesiâ Paderburenensi; quod crebra in populum beneficia contestantur ac merentur. Ideò autem S. Meinulphum votum ait fundandi monasterij nuncupasse, vt prosperare dignaretur Deus legationem eorum. In Vitâ S. Meinulphi, quam v. Octobris dabimus, nulla huius voti ab eo apud Cenomanos nuncupati mentio fit: vt vel inde conijcere liceat, eam Vitam à Gobelino Personâ non esse conscriptam, quod tamen Surius in manuscripto codice se reperisse scribit.*

12. *Consignata est non vno die in Martyrologiis huius Trâslationis memoria. Nam xxviii. Aprilis ita habet vetus Kalēdarium Ecclesiæ Paderbor-*  
*nensis:*

*miraculis  
illustrata:*

*ea eleuata  
28. April.*

nenſis: Inuentio corporis S. Liborij. *Antiquum item Breuiarium typis excuſum*: Tranſlatio S. Liborij. Plenum officium. ms. Florarium: Floriani Martytis Tranſlatio, & Liborij Epifcopi & Confefſ. *Colitur S. Florianus iv. Maij. Vetus Martyrol. Coloniae editum an. 1490.* Cenomanis Tranſlatio S. Liborij Ep. & Conf. in Paderbornam. *At Carthuſiani Colon. in Addit. ad Vſuard.* Apud Paderbornam Tranſlatio S. Liborij Epifcopi Cenomanenſis & Conf. Caniſius denique: Item Padelbornæ eleuatio S. Liborij Epifc. Cenomanenſis in Galliâ, & Confefſoris, de quo plenius xxiii. Iulij. *Eo igitur die leuati de mauſoleo ſacri artus, vt loquitur coætaneus ſcriptor. Nam ad vrbeni Cenomanicam quinto Kalendarum Maiarum die venêre Legati Paderbornenſis Antiſtitis, vt habet ms. Corſendoncanum; non quarto, vt libri editi. Sequenti die facta eleuatio eſt. Kalendis*

*Cenomania eueſta 1.*

13. Tandem die quinto Kalendarum Iunia-

*Maij.*

rum, quo tunc ſacta Pentecoſtes ſolemnitas agebatur, ad deſideratam diu Paderbornenſem Eccleſiam peruenerunt. *Conſentiunt inuicem hi chronologici characteres: Annus Chriſti 836. Indiſtio 14. dies Pentecoſtes 28. Maij, cum Paſcha fuiſſet 16. Aprilis. Annus verò Ludouici Pij Imp. 24. non à morte Caroli Magni Patris, quæ contigit an. 814. duci debet, ſed ab anno præcedentis, quo Auguſtus eſt iubente patre proclamatus. licet maior Vita, annum Ludouici ponat 23. nimirum*

*Paderbornam allata 28. Maij.*

*rùm*



rùm à morte patris. Ad diem verò 28. Maij, siue  
vi. Kal. Iunij, Carthusiani Colonienſes in Ad-  
dit. ad Vſuard. iſta habent. Apud Paderbornam  
Translatio S. Liborij Episc. Cenomanenſis &  
Conf. Conſentii Molanus, Floraniũ, & pauld-  
aliter Martyrol. Colon. In Paderbornã ad-  
uentus S. Liborij Ep. & Conf. Cãnisiũ eodem  
die: Item Padelbornã Translatio S. Liborij  
Episcopi Cenomanenſis & Confessoris: quæ  
Translatio magnis miraculis diuinitus illu-  
ſtrata, & certis eximie ſanctitatis argumentis;  
cũ corpus eius ab Cenomanorum vrbe Pa-  
delbornam deſectum eſt à ſecundo Padel-  
bornenſi Episcopo Badurano. De eo pluri-  
bus 23. Iulij. Andreas Sauſſaius in Martyrol.  
Gallicano, ita ſcribit: Eodem die Translatio  
S. Liborij Episcopi Cenomanenſis, quando  
ſacrum eius corpus Paderbornam delatum  
eſt: in quã auectione multa ſigna, quæ reſul-  
ſere, ſanctitatis eius & gloriæ certiffima ar-  
gumenta exhibuere.

*Hiſtoria  
Translat.  
per ſcripto-  
rem Saxo-  
nem, non ta-  
men Idonẽ,*

14. Translationis Hiſtoriam, & miracula  
in eã facta, Ido Preſbyter partim viuã voce  
intimata, partim litteris breuiter annotata, ad  
viri religioſi, qui Vitam S. Liborij, vt dictum antè,  
conſcripſit, fecit notitiã peruenire. Non arbi-  
tramur ſcriptum illud Idonis extare; nedum illud  
ipſum eſſe, quod hĩc damus; id Baroniũ existi-  
maſſe, perperam aſſeruit, qui tertiam Suriĩ editi-  
onem adornauit. Diſerte ita ſcribit Baroniũ ad an.  
836. n. 12. Ab eo (Idone) qui accepit, ſiue ſcri-  
ptis



ptis, siue viuâ vocetradita, simul iungens, in dicto de eius Translatione libello contexuit.

15. *An extet, quam Erconradus Cenomanensis Diaconus conscripisse Translationis Historiam traditur, cum miraculis à se visis, haud scimus. Breuiorē nacti sumus ex veteri Legendario Ecclesiae Cenomanensis, quam ferè sequitur Coruasserius. Ea tamen non videtur ab oculato teste scripta, cum ipsum Baduradum (quem Baduratum vocat) Cenomanos eâ causâ profectum tradat, quod alter scriptor planè exactissimus negat. Ideò hallucinatus fortasse est Auctor ille, quod cum audisset Eleuationi reliquiarum duos adfuisse Episcopos, crediderit alterum fuisse Baduradum, qui David erat S. Aldrici Coëpiscopus. Neque is Baduradi Legatorum nomina prodit, ab Erconrado tamen olim expressa, si Gobelino Krantzioque fides.*

16. *Meminit huius Translationis Wernerus Roleuincius lib. 3. de situ & moribus Westphalorum cap. 8. his verbis: Benedictus quoque Badueradus, secundus Episcopus Paderbornensis, diuinâ reuelatione confortatus, solenniter transtulit corpora SS. Liborij, Panacij, Turibij, Gundanisoli, Episcoporum Genomanicæ ciuitatis, ad suam Ecclesiam cum multâ gloriâ miraculorum. Et sanè breuior Translationis Historia num. 5. multas aliorum Sanctorum reliquias, vnâ cum S. Liborij corpore, Paderbornensibus à S. Aldrico datas tradit. Ac verò, ut alter Auctor cap. 4. num. 12. testat-*

*Reliquia vnâ allata SS. Panacij, Turibij, Gundanisoli Epp.*

tur, erant in eodem loco aliorum quoque membra Sanctorum; in sarcophagis honestè reconditorum, maximè Episcoporum ciuitatis illius. Ex ijs fortasse particulas sanctus Antistes Legatis donauit: nam si corpora integra, non id siluissent scriptores. Die xxv. Iulij Cenomannis S. Iuliani Translatio celebratur: at trium illorum consignata pridie in Martyrologijs memoria. Ita enim habent Carthusiani Colonienfes in Addit. ad Vlsuard. & vetus Martyrol. Colonia editum an. 1490. Cenomannis depositio SS. Pauacij, Turribij, & Gundanisoli, Episcoporum præfatæ vrbis & Confessorum. At MS. Florariū SS. In Paderbornâ depositio sanctorum Episcoporum & Confessorum Cenomannensium, Panarij, Turribij & Gundanisoli. Agitur S. Thuribij natalis xvi. Aprilis, S. Pauacij xxiv. Iulij, vbi fusiū de eorum rebus gestis. At Gundanisolus in Catalogis Episcoporum Cenoman. apud Claudium Robertum, Ioannem Chenu, Antonium Coruasserium, notus non est, neque in Saussaij Martyrol. Gallicano.

& S. Valerini.

17. Idem, qui suprâ citatus, Gobelinus in Chronica Padebornensis diœcesis cap. 9. ijsdem ferè verbis quibus in Cosmodromio, huius Translationis meminit, sed S. Valerinum addit, alibi planè ignotum: Anno, inquit, Ludouici Pij xxiii. translatus est S. Liborius, & S. Valerinus de ciuitate Cenomanicâ Gallia, &c.

§.IV. *Fraternitas Ecclesiarum Cenomanica & Paderbornensis.*

18 *S*pectat illud quoque ad S. Liborij honorem, quod inter Ecclesias Paderbornensem ac Cenomanensem sacrum fœdus iñtū est perennis amicitia, sub communis Patroni tutelâ, auspicioque, ut utrimque publicarum precum, atque efficacia ad Diuina dona promerenda, qua in omni inest virtutum Christianarum exercitatione, communio esset. Eam tunc à S. Aldrico sancitam societatem, siue, ut vulgò appellant, fraternitatem, ita Paderbornensis historicus indicat c. 5. n. 24.

*Fraternitas inter Canonicos Paderbornenses,*

Dehinc inter vtriusque Ecclesiæ, Cenomanicæ videlicet & præfatæ Paderbornensis, congregationes, firmatâ caritate perpetuæ fraternitatis, ad patriam eis redeundi licentiam dedit. Qualis ab exordio per quatuor secula, & ultra, congregatio Paderbornensis extiterit, coniicit ex Gobelini verbis potest, qui cap. 64. de Bernardo IV. Episcopo XXI. qui circa an. 1227. Episcopatum adeptus, 28. annis tenuit, ita scribit: Sub

*tunc regulares,*

huc observantia regularis inter Canonicos eiusdem Ecclesiæ viguit: & sub eo immutatio facta videtur de regulari observantiâ ad statum Canonicorum secularium. Idem habet in Chronicâ ms. Ecclesiæ Paderbornensis, ubi Bernardum tradit solū 18. annis sedisse. De ea-

*& Cenomanenses,*

dem fraternitate scriptor Cenomanicus hæc

*tradit:*

*tradit: Sanctæ fraternitatis fœdus inuicem percutiunt, & sub sacro oculo suarum orationum suffragia communicant.*

*renouata  
an. 1205.*

19. *Sub Bernardo III. Episcopo (qui Ottonis IV. Imp. anno 6. Christi 1203. aut 1204. Bernardo II. successit, rexitq; eam Ecclesiam annis 19. uti idem Gobelinus tradit) Canonici Paderbornenses Cenomanos rogarunt, ut fœdus illud fraternitatis secum olim initum confirmarent, missâ iis Historiâ Translationis S. Liborij, & commemoratis Ecclesiæ suæ initijs, quæ allato isthuc sancti Præsulis corpore constabiles fuerint. Ipsorum epistolam non vidimus: vulgatum nuper, cum S. Liborij Vitâ, Cenomanorum Responsum, hic visum est dare. Ex eo sit manifestum, quibus in rebus sita illa fraternitas esset: nimirum ut feruor mutuæ caritatis de igne sancti Spiritus olim accensus, quotidie conualesceret, flagraret ardentius & ignesceret; ut seruantes mutuò vnitatem Spiritus in vinculo pacis & fraternæ dilectionis, vnam sanctam communionem, prout fieri posset, & remp. haberent, consilij, auxilij, substantiæ, voluntatis. Epistola Cenomanensium ita habet:*

*de cā Cenomanensium epistola.*

*L. Lanibers-  
ro, ut con-  
stat ex cata-  
logo præ-  
positorum  
Paderborn.*

20. *Reuerendis in Christo Dominis, suis carissimis Fratribus & amicis Dei gratiâ, Præ-  
posito & Decano & Capitulo maioris Ecclesiæ Paderbornensis, N. Decanus indignus, & Capitulum Cenoman. salutem in Domino, & sinceram cum deuotis orationibus & obsequijs caritatem. Summo Patri Deo, & eius Vni-*

Vnigenito cum Spiritu principali, honor & gloria & gratiarum actio plenius referatur, cuius Vnigenitus plenus gratiæ & veritatis apparuit Matri nostræ Ecclesiæ primitiua; & de plenitudine eius, quam fons vitæ in plurimas deriuauit areolas, qui fueramus prius steriles, fœcundati simul nunc tam loco quàm animo fideles, accepimus vniuersi. Hoc certè nascentis Ecclesiæ rudimenta polcebant, vt granum sinapis in arborem magnam surgeret; & fermentum mulieris in tribus farinae satis absconditum nouam conspersionem altius eleuaret. Sic granum frumenti mortuum fœnerauit. Sic Ioseph Ægyptum nobili Israëliitarum semine augmentauit. Quando sapientia Dei humanitus corporata radicauit in populo honorificato, & in electis populis Christianis mittens radices, vineam suam nouis agricolis tradidit, & non iam labruscas à patriciis, sed botros Cypri à fidelibus accepit custodibus, & ex eis bibit vinum dignum Dilecto, labiis & dentibus ruminandum. Ex tunc verè vineæ florentes dederunt odorem suum. Sed quæ est ista speciosa inter alias, spirans ad nos odorem suauitatis? Ecce odor eius, sicut odor agri pleni, quem benedixit Dominus. Quænam, inquam, est ista tam prudens inter filias, suo tam humilis, nostro tam sublimis iudicio? Quomodò tam prudenter primordia sua meminit, & singula recolit incrementa? Etiam quando erat paruula &

vbera nondum habens, & cū stillarent montes dulcedinem, & colles fluerent lac & mel, tam diu lactabatur, donec vidit sterilem habitare in domo matrem filiorum latantem. Sic carissima soror nostra, à primis exorsa cunabulis, ordine progreditur: & primò vnitas cordis & animæ in multitudine credentium, & rerum omnium communitas recensetur, quando sub Apostolico duodenario, septenario Leuitico ministrante, illa prior Christiana fraternitas linguâ & manu, alternis panibus, pascebatur. Cuius siquidem de medio caritatis fulgur egrediens, & scintillæ quasi feris candentis, simili zelo plurimas Ecclesias accenderunt: & sic est inter eas insolubilis germanitas confirmata, vt vnanimes passionum & consolationum participes permanerent, siue locali confinio contigua, siue spatiofis terrarum tractibus separata.

21. Sic prudentissima soror nostra Paderbornensis Ecclesia, stylo altiloquo & continuato sermone, matris suæ primitiæ Ecclesiæ statum feliciorē commemorat, vt sororē commoneat, vt corda patrum in filios conuertat, vt quod consuevit facere ipsa doceat, quasi vtens voce & vice veræ lucis, quæ illuminat omnem hominem, dicat: Ignem veni mittere in terram, & quid volo, nisi vt ardeat? Est reuerà sororis nostræ humilitas multis laudibus prosequenda, quæ suos ita dissimulat titulos, ita à se excelsa abstulit, quæ

præco-

Aspectus

/n

/t

coturnato  
indican. q.

Canonicos

/s Paderbor-  
nenses pa-  
tria sua con-  
uersione hu-  
militer com-  
memorata,

Ioan. 1. 9.

Luc. 12. 49.

/od

præconia sua alienis adscribit; & aliena incommoda suis excusat commodis & abnubit, vt illud sibi competeret: Laudet te alienus Prou. 27. 2.  
& non os tuum. & alterum non deesset: Iu- Eccli. 5. 18.

stifica magnum similiter & pusillum. Vos ~~ra~~ /et-  
uerà, Patres Paderbornenses, magni estis vno /enim /reuer  
& eodem pignore /nos pusilli. Vos honore /.

nostro Diuinitas dignata est, quo forsitan fuimus nos indigni. Nostro vos estis deaurati *pro corpore*  
thesauro. Nos verò, transmigrante ad vos glo- *S. Liborij* /.

rioso Confessore nostro & Episcopo Libo-  
rio, quasi luce aurèa, sumus forsitan obscura-  
ti. Verumtamen per diuinam gratiam nostræ  
Cenomanensi Ecclesiæ id solaminis est re-  
lictum, vt in eius Confessorem Liborium  
& nostrum prædicare semper debeamus &  
vestrum. In nobis cœpit, sed vos ipse perfecit.  
Nos sanctificauit in terris, vobis cælestis  
prælidet. Nobis ad tempus est datus, vobis  
sine tempore destinatus. Nos corporali præ-  
sentiâ destituit: sed vtrisque numquam deerit  
dono beneficij spiritualis. Quid igitur facie-  
mus sorori nostræ die isto, quando alloquen-  
da est? Summum Patrem, à quo cœpinus, à Cenoma-  
cum timore & reuerentiâ filiali pariter col-  
laudemus in B. Liborij meritis gloriosis, cuius *nensibus ac-*  
sacratissimum corpus, Cenom. Ecclesiâ con- *cep-*  
cedente, posteaquàm Paderbornensis soror *ad stabili-*  
nostra carissima sibi meruit, spiritualis effecta *mentum*  
est / & Saxonica circa id locorum durities *fidei* /  
emollita. Hiems infidelitatis transijt: imber



persecutionis abiit & recessit: flores virtutum  
& miraculorum apparuerunt, & vox turturis  
audita est in terrâ illâ: maximè quando vir-  
tus mirifica eximij Confessoris astruxit, quid-  
quid fides Christiani dogmatis allegavit. Vo-  
bis igitur, Paderbornenses, honor iste præci-  
puus, & peculiaris gloria consecratur, qui Pa-  
trem nostrum tanto celebratis honore, stu-  
dio colitis, affectu intimo complectimini, ut  
dicatis: Inueni, quem desiderabat anima mea;  
tenui illum, nec dimittam. Cedit etiam ad cu-  
mulum laudis vestræ, quod pro pignore tan-  
to, cum vobis plurimas debeamus humiles  
gratias / nobis soluitis / affectum / propensius  
exhibetis / & offertis obsequium; nec verbis  
ostendi, sed rei executione flagitatis aliquan-  
do exhiberi.

22. Epistolaris continentia deinceps, quod  
nos valdè audire delectat, annexuit, prospere  
permanere, nec fuisse translatam Sedem ve-  
stræ Cathedralis Ecclesiæ, de quo rumor le-  
uis nobis quæstionem mouerat & conque-  
stum. Quo iam vestrâ assertionem destructo, au-  
ditui nostro dedistis gaudium & lætitiā in  
laudibus Saluatoris. Ad extremum verò quasi  
fimbrijs aureis vestræ epistolæ iam ponendis,  
acceptabiles & honestæ petitiones vestræ  
quod sint apud Dominum innotescunt. Nihil  
enim aliud quàm quod animarum salutem, &  
honoris Diuini inseruiat, postulant / intendunt /  
ut feruor mutue caritatis, de igne sancti Spi-  
ritus

ergo / t / u

Cant. 3. 4.

gratias egis-

/ : 10.  
/ : 1. / : 1.  
/ : 1. / : 1.

/ a / u

ac petiisse  
confirmari  
fœdus fra-  
ternitatis,

/ aut /



ritus olim accensus, quotidie conualeſcat, flagret ardentius & igneſcat; vt ſeruantēs mutūd vnitatem Spiritus in vinculo pacis & fraternę dilectionis, vnā ſanctā communionem, prout fieri poterit / & rempublicā habeamus, conſilij, auxiliij, ſubſtantię, voluntatis. Insuper & epistolā veſtrā, cui ſicut magiſtrę & domi- nę hęc noſtra humilis ancillatur, & librū ve- ſtrum de Trāſlatione eximij Liborij, in noſtris memoriter reponamus archiuis. Tertio & vl- timo instantius & obnixius ſupplicatis: vt na- talitium diem magni Patris noſtri Liborij & Patroni ſolenni cantu & cultu celebriter il- luſtremus.

23. Quibus ſiquidem poſtulatis gratiſſimo & libentiſſimo concurrentes aſſenſu, gratias etiam vobis ſubiſcimus pleniores, deuotiſſi- mo vobis animo reſpondentes, quod aquę nullę noſtram erga vos poterunt extinguerē caritatem, nec flumina obruent eam, quam Deus verus ſtabiliat ſupra petram. Veſtram verò epistolā, vel ſanctiſſimi libellum Liborij, nulla delebit obliuio, nec obliſſerabit anti- quitas, ſed in domo Domini, & apud noſtros poſteros permanebūt. Et iuſtus Liborius, qui apud nos floruit, Domino largiente, cultu ampliore florebit, & multiplicabitur in domo Domini beatiſſimi Apoſtoli Iuliani. Cui ſcili- cet quartus glorioſus ſucceſſit Liborius, duo- bus alijs, viris quoque Apoſtolicis, interme- dijs, Thuribio Archipreſbytero, & Pauacio

ac miſſā hi- ſtoriā Trāſ- lationis!

S. Liborij petiſſe ve- eum cele- brarent:

quod, gratijs viciffima actus,

ſpondent ſe facturos,

ſet / et / ſci

Archidiacono / Cenomanensi Cathedræ per  
 ordinē præstitutis. Hic enim Iulianus primus  
 Cenomanorum Apostolus, velut Abraham  
 Patriarcha, pater sequentium Præsulū & Ce-  
 nomanensium gentium in Christo, quadam  
 functus auctoritate Apostolicā, vsque in ho-  
 diernum diem extitit & existit missus, comi-  
 tantibus illis, à B. Clemente Petri Apostoli  
 successore. Vnde fraternitati vestræ humiliter  
 supplicat Cenomanensis Ecclesia, soror vestra  
 quatenus librum de vitâ ipsius eleganter exa-  
 ratum, reuerenter & memoriter apud vos in  
 perpetuum habeatis; & Apostoli nostri bea-  
 tissimi Iuliani natalitium diem, sexto Kalen-  
 das Februarij, solenniter celebretis; vt qui cla-  
 rus signis & miraculis regno Franciæ suffra-  
 gatur, lux quodammodo Paderbornensi Ec-  
 clesiæ & populis Saxonie (sicut per ipsum &  
 propter ipsum facere magna potēs est Domi-  
 nus) abundantius suffragetur. Nosque & vos,  
 suffulti tantis intercessoribus utrique Ecclesiæ  
 combinatis, Diuino munere geminato eorum  
 suffragio, vtramque stolam possimus facilius  
 à Domino consequi in tempore retributio-  
 nis, Amen. Valere in Domino, & manere in  
 dilectione nostrā. Data anno Domini mille-  
 simo ducentesimo quinto, pridie Kalendas  
 Octobris.

Qua in Pader-  
 bornensi Ec-  
 clesiæ archiue  
 asservatur, sigillo  
 in cera viridi, ab 4 sericij funiculis appensa.

2. Hactenus epistola / Regebat tunc Cenoma-  
 nicam Ecclesiam Hamelinus Episcopus, qui  
 imminētis belli ac direptionis metu, anno 1201.  
 corpus

in cera viridi, ab 4 sericij funiculis appensa. No. 1662  
 Editioni prima ex collata, et inuēta auctoritate emendata.

corpus S. Iuliani Episcopi Castellum-Dunum  
 transtulit, validam urbem & operibus & situ edito,  
 ut nomen ipsum indicat: nam (ut ad 1. Februarij  
 inonuimus, antea à Duchesnio, Catellio alijsq;  
 obseruatum) quarumcumq; vrbiuin nominibus Du-  
 num vox addita, quod montem sonat aut collem, ea  
 alto loco posita fuerunt. Hamelinus porro biennio  
 post, sopitis iam tumultibus, Cenomanos venera-  
 bile depositum reuexit, solenni pompâ, multis mira-  
 culis decoratâ, uti auctor est Antonius Coruasle-  
 rius. Idem fortassis Canonici Cenomanenses  
 biennio post, recenti adhuc memoriâ, illius publicam  
 venerationem suasere Paderbornensibus.

recens mi-  
 racula illu-  
 stratum;

25. Excitati hac adhortatione, fraternitatisq;  
 fiduciâ Paderbornenses, post annos octo & tri-  
 ginta aliquas ipsius quoque S. Iuliani reliquias pe-  
 tere ausi, alijs sæpè negatas, à B. Gaufrido II. Episc.  
 (de quo 111. Augusti agemus) & Capitulo Ce-  
 nomanensi obtinuere, propter eam, quam diximus,  
 fraternitatem, ita testantibus Cenomanis in  
 epistolâ, quam 27. Ianuarij ad Vitam S. Iuliani  
 publicauimus: Nec tamen, inquiunt, alienari du-  
 cimur, quod per venerabilem virum, Domi-  
 num videlicet Suederum Canonicum ve-  
 strum & fratrem nostrum, de supradiâs re-  
 liquijs vestræ mittimus Ecclesiæ, quam pro-  
 priam reputamus. Meminere in eadem epistolâ  
 sæpius illius antiquæ fraternitatis: Eò quòd vos,  
 inquiunt, societatis nostræ nō immemores nos  
 per litteras & nuntium visitastis. ac deinde ve-  
 stræ namque & nostræ Ecclesiæ fraternitatis

cuius postea  
 is misere re-  
 liquias;

24 VITA S. LIBORII PATRONI  
vnitatem, quam deuotis brachijs amplexa-  
mur, desiderio desideramus perpetuo, mu-  
tuoque ac irrefragabiliter obseruari.

*similem in-  
eunt socie-  
tatem cum  
Andega-  
uensibus  
an. 1256.*

26. *Eiusdem societatis meminit vetus Regi-  
strum Ecclesiæ Cenomanensis, in quo hac ha-  
bentur:* Initum est fœdus, seu societas, inter  
Cenomanensem & Andegauensem Eccle-  
sias, Theobaldo Luxemburgio Episcopo Ce-  
nomanensi, Sixto IV. Pontifice Maximo, Fri-  
derico III. Austrio, Imperatore Romano, &  
Ludouico XI. Francorum Rege: vt patet ex  
litteris de die decimâ tertiâ mensis Aprilis  
post Pascha, anno Domini millesimo qua-  
dringentesimo secundo. Quæ quidem socie-  
tas inter easdem Ecclesias iam antè inita fue-  
rat, vt videre est in antiquis diplomatibus;  
quæ habentur in libro albo, anno scilicet Do-  
mini 1256. Similis societas est cum Ecclesiâ  
Patrobrunensi in Saxoniâ, quam inierunt  
DD. Aldricus Cenomanensis & Baduradus  
Patrobrunensis Episcopi anno Domini 836.  
Ludouico Pio Imp.

*27. Hac ibi. Apographum ad nos missum habe-  
bat, litteras de eâ cum Andegauensibus socie-  
te exaratas fuisse anno millesimo quadringen-  
tesimo secundo, quod cum ceteris non congruit:  
restituendum millesimo quadringentesimo se-  
ptuagesimo secundo. Nam Sixtus IV. an. 1471.  
9. Aug. Pontifex creatus est, anno Friderici III.  
32. Ludouici XI. Galliæ Regis II. Theobaldus  
anno circiter 1468. factus Episcopus, obiit Kalen-  
dis*

dis Septembris an. 1477. Erat tunc Andegauensis Episcopus, cùm illa renouata societas est, Ioannes de Bellâ-valle, vt videre est apud Claudium Robertum. Cùm verò primùm facta fuit an. 1256. Ecclesiam Cenomanensem post B. Gaufredum gubernabat Guilielmus Rolandus; Michaël Auis Andegauensem.

§.v. S. LIBORIUS *calculo laborantium*  
*Patronus.*

28. **Q**Vâ religione atque alacritate populorum inuectus Paderbornam Liborius est, eadem deinceps palàm ac priuatim honoratus, vocatusq; in vota. Neque spem deuota sibi gentis, accolarumq; pietatem destituit, quin Numini ea sibiq; probari frequentibus miraculis testaretur. Fidem facit Auctor antiquus, qui Vitæ illius lib. 1. c. 5. num. 18. cùm multa Cenomanis ad eius sepulchrum edita dici prodigia retulisset, ista adiicit: Quod nos faciliè credimus, ex his quæ oculis nostris videre meruimus, postquàm ad nos translatus est corpus. At lib. 2. c. 9. n. 40. Cum tali honore, inquit, sacratissimum corpus in Ecclesiam delatum; & in loco in quo hætenus requiescit, collocatum est. Vbi quantis postmodùm miraculis effulserit, quanta sanitatum dona præstiterit, alibi dicenda reseruamus.

*Miracula  
Paderbornæ  
facta,*

29. An ea alio deinde libello sit complexus, aliúsve post ipsum, nobis haud constat. Sed cùm ciuitas Pa-

derbornensis, *ut in Vita S. Meinweri Episc.*  
*v. Iunii memoratur, anno Christi 1000. Otto-*  
*nis III. 17. Indict. 13. incendio vastata sit, quo &*  
*deperditæ;* nobile principalis Ecclesiæ Monasterium,  
 præcipui operis & decoris, à Karolo Magno  
 fundatum, à beatæ verò memoriæ Badurado  
 Episcopo consummatum, & xiv. Calendas  
 Nouemb. dedicatum, cum libris, priuilegijs  
 plenarijs, alijsque Ecclesiæ ornamentis con-  
 flagrauit; facile euenire potuit, *ut ea quoque mira-*  
*cula, si mandata litteris erant, perirent. Quæ verò*  
*postea contingere, vel omnino scripta non sunt, vel per-*  
*recentiora:* dita, vel vspiciam ignorabilibus scrinijs abdita. Nam  
 Albertus Krantzius Decanus Hamburgens-  
 sis, qui 600. post scriptorem illum annis vixit,  
 Metropolis lib. I. cap. 28. *vti supra §. 3. nu. II. dixi-*  
*mus, testatur celebrem eius ad sua vsque tempora*  
 memoriam existisse, quod crebra in populum  
 beneficia contestantur, inquit, ac merentur.

*Liborij fre-*  
*quens ibi*  
*nomen:*

30. Hinc clarum eo tractu Liborij nomen, quod  
 quamplurimi gerunt, appellanturque Teutonicè Bor-  
 ris, aut ad blanditiâs, præsertim cum adhuc paruuli  
 sunt formâ diminutiua, Boirisker. Neque enim  
 S. Borissus, Wlodomiri Magni Russorum Re-  
 gis filius in ijs regionibus notus. Dicatum eius nomi-  
 ni in Collegio Societatis I E S V Paderbornæ  
 oratorium, siue sacellum est; atque sub Cathe-  
 dralis basilicæ turri akate. Ad venerandas eius  
 reliquias magna hominum confluit Paderbor-  
 nam multitudo, tum aliâs per annum, tum præser-  
 tim quibus diebus ea per urbem circumferuntur, ac  
 solennes

*altaria ei*  
*dicata:*



solennes habentur supplicationes. In his verò sup-<sup>reliquia cir-</sup>  
plicationibus ante feretrum, cui eius reliquiæ <sup>cumlata,</sup>  
rum theca <sup>imposita est,</sup> cauda pavonis ab Sa-  
cerdotum aliquo gestatur. Cuius ritus, haud alibi  
(quod quidem meminimus) observati, assequi adhuc  
causam non potuimus. Specie quadam magnifi-<sup>ricu singu-</sup>  
centiæ, à maioribus usurpatū coniectant sagaciores <sup>lari,</sup>  
quidam: alij à quopiam euentu manasse. Neque cāssa  
est, cur illud siue auitæ simplicitatis, siue celebris  
olim facti, eatenus iam obliterati, monumentū ab-  
rogetur. Fuere porro Reliquiæ S. Liborij antea in <sup>in eleganti</sup>  
clusa intra capsam ex ære affabre factam, tumbæ <sup>capsa,</sup>  
ferè specie, atque inauratam, ornatamq; circum à Coss. go-  
duodecim Apostolorū argenteis statuis. Eam statū  
in supplicatione Consules aliique primarij è Se-  
natu (vri hīc Antuerpiæ statuam Deiparæ) ge-  
stare consueverunt. Verum nuper Lutheranā discipli-  
nā deprauati, id omne, velut indecorum aut supersti-  
tiosum, excussere; quibusdam viris pjs mala, quæ his  
annis plurima vrbi euenere, palam ominantibus. Eā  
autem tumbā à Christianio Brunswicensi ab-  
latā ac laceratā, vt infra dicemus, alia ex argento,  
pretiosa & elegans restituta. Reliquia eius aliqua iam <sup>Reliquia</sup>  
olim collégio S. Castoris apud Confluentes donata, <sup>Confluentia,</sup>  
& ex Christophori Bravveri nostri libro xv. Anna-  
lium Treutresum patet, vbi anno MCCVIII. factam  
eius basilicæ dedicationem refert, inq; Reliquiarum,  
quæ in maiori altari continentur, catalogo, ista ha-  
bet. De Sudario S. Thomæ Ep. & M. Cantua-  
riensis, & S. Liborij Episcopi, & aliorum mul-  
torum Sanctorum.

patrociniū,  
contra cal-  
culi dolores:

id indicans  
imago:

V Wernerus  
Archiepisc.  
Mogunt. sa-  
natus.

31. Nephriticis potissimum doloribus reme-  
dium, S. Liborij patrocinio, queritur. Quam ad-  
rem S. Benedicti opem alij implorant, qui S. Hen-  
rico Imperatori in somnis calculi dolores, quibus  
cruciabatur, in perpetuum abstulit: alij S. Drogo-  
nis, cuius in Seburgo vico iuxta Valencenas cor-  
pus asseruatur, Celeberrimum, in huius curatio-  
ne morbi, est S. Liborij nomen, vt infra pluribus pa-  
tebit. Eam ob causam ita illius effingunt imaginem,  
vt pedum dextrā teneat, lēuā librum, cui ali-  
quot calculi superpositi.

32. Praesens S. Liborij auxilium expertus olim  
Wernerus Archiepiscopus Moguntinus, qui,  
vt scribit Serarius noster, ab anno 1260. ad 1284.  
sedet, atque auctor Germanis Principibus, Ru-  
dolphi Hasburgici ad Imperium enehendi fuit.  
De eo ista habet Gobelinus cap. 67. Eo tempore  
Wernerus Archiepiscopus Maguntinus visi-  
tans reliquias S. Liborij in Paderborn, meritis  
eiusdem Sancti, ibidem à calculo liberatus  
est. Vnde contulit, manus portigentibus ad-  
iutrices ad reformationem ipsius Ecclesiae  
Paderbornensis, de prouinciā Maguntinā exi-  
stentibus, xl. dies indulgentiarum, anno  
MCCCLXXVII. Cœperūtne primum ex eo tempore  
contra calculi molestias inuocari S. Liborius, quia  
eum veneratus leuamen senserat Wernerus: au-  
quia iam ante subuenire oā aegritudine laborantibus  
soleret, ad illum deprecandum is accesserit, haud eg-  
nè decernimus.

33. Antiphona extat & precatio in vetustis-  
sima



*sinis rituum sacrorum Breuarijs, quâ S. Liborij  
aduersus hac mala auxilium exoratur. Eam censent  
Paderbornenses ex Galliâ cum omni Ecclesia-  
stico, quo is colitur, officio, allatam; vt istic antea  
nephriticorum dolorum curatione celebrem ex-  
stitisse oporteat: cuius rei nulla apud Coruasse-  
rium mentio. Antiphona porro in antiquis tum  
manu exaratis tum excusis libellis precum, ita re-  
fertur:*

*vetus ad  
eam rem  
oratio.*

Ad S. Liborium Episcopum, à calculosis  
specialiter honorandum, Oratio.

Christi Præsul egregius

Pro nobis hic Liborius

Oret Deum altissimum;

Ne pro culpâ peccaminum,

Morbo vexemur calculi;

Succurrant nobis Angeli,

Et post vitæ certamina

Ducant ad vera gaudia.

✠. Ora pro nobis pie Pater Libori.

✠. Vt à calculi mereamur doloribus liberari.

Collecta. Deus, qui B. Liborium, Pontificem  
tuum, aliàs innumeris gloriosum miraculis,  
speciali in medendis arenarum & calculi pas-  
sionibus privilegio decorasti; præsta, quæsu-  
mus, vt ipsius meritis & intercessione, his  
alijsque malis eruti, gaudijs perfrui merea-  
mur æternis. Per Christum Dominum no-  
strum. *Variat nonnihil, quæ nuper cum eius ima-  
gine cusa est oratio. Nam Responsorium ita  
habet: Vt à calculi doloribus mereamur erui.*

Col-

Collecta verò: Deus, qui B. Liborium Pontificem alijs innumeris clarum miraculis, specialiter in medendis vrinarum & calculi doloribus privilegio decorasti; tribue, quæsumus, ut, eius meritis & intercessione, ita ab ijs & alijs malis eruemur, ut gaudijs perfrui mereamur æternis. Per Christum Dominum nostrum, Amen. *Brevior aliquando Collecta, è vetusto Breuiario Treurenensi, inferius recitatur in Historiâ secundæ Translationis, per Ioannem Carolum Erlewinium descripta.*

*§. VI. Capta à Christiano Brunsvicensi  
Paderborna: ablata S. LIBORII  
Reliquia.*

*Christianus  
Brunsvi-  
censis pro  
Palatino  
exule mo-  
uet arma:*

34. **N**emo Germanorum hæreticorum pro Frederici Comitis Palatini, & regno Bohemiæ, quod iniuste occuparat, & mox proprijs ditionibus exturbati, defensione, arma sumpsit turbulentiore, simulq; infeliciores conatu, quàm Christianus Frederici Ulrici Ducis Brunswicensis frater, episcopatus Halberstadiensis Administrator. Erat huic magnanima indoles, tam excelso digna genere; verum eadem nimis facilis, aptaq; circumueniri, præsertim cùm apud Batavos, sub quibus militaris artis tirocinium posuerat, aliè Calvianorum præceptiones, & religionum ac iuris despicientiam imbibisset, ut iam tum apud hæreticam plebem, dictæ assuetam, Furiosus Episcopus audi-

audires : quod agnomen illi deinceps apud Belgas Germanosque adhasit.

35. Hic ergo anno Christi MDCXXI. equitum ac peditum non exiguas copias in VVestphaliâ ac vicinis locis collegit: salutatoq; Mauritio Principe <sup>serras Mo-</sup> Arausicano, fœderatarum Belgij provincia- <sup>guniini in-</sup> rum Gubernatore, & consiliis ab eo (vt creditum <sup>uadit:</sup> fuit) acceptis; Octobri mense per Hassiam versûs Palatinatum contendit, Mansfeldio copiarum Palatini ductori opem laturus. In Archiepiscopi Moguntini ditiones primâ irrupit, captoq; per fraudem Anicœnoburgo oppido, latè cedes colonis, pagu ignes, vastitatem agris intulit; vt erat ipse temerarius, miles eius crudelis, & omni ignarus disciplina.

36. Verùm aduenteante cum validâ manû An. repulsus, holtio Comite, inde profugere coactus, retro in VVestphaliâ flexit: vbi Lipstadium, progenti- <sup>VVestpha-</sup> bus Hispanicum presidium ciuibus, cepit, mox & <sup>liam vastat:</sup> Sufatum. Tum per diœcesim Paderbornensem ac Monasteriensem latè rapinis ac cadibus grassatus, minora alia oppida & arces, ipsamq; tandem Paderbornam occupauit, die xxix. Ianuarij anno <sup>Paderbornâ</sup> MDCXXII. tradentibus eam ciuium primoribus <sup>captâ,</sup> hereticis. Hic ille Iudæorum primâ bonis publicis, ciuium etiam (qua merces esse prodicionum solet) à quibus in urbem erat admissus ascitusq; aedes expilari à milite fuit. Tum in Cathedralem ba- <sup>ecclesiâ</sup> filicam ingressus, maiorum pretiosa donatia & <sup>expilata</sup> ornamenta diripuit, ipsamq; cui S. Liborij inclusa ossa erant, captam, de quâ suprâ egimus. Hanc illo

ille complexus (an ut præsentem Diuum irrideret, quemadmodum nonnulli tunc interpretabantur, an iuueniliter fortuna sua applaudens, non quero) fertur certè quidem salutasse, & quòd se tanto tempore expectasset, gratias egisse: eam deinde confregit, & nummos ex materiâ cudi iussit. Gaspar Ens aliq̃ Scriptores, statuam S. Liborij ex solido auro direptam ab eo tradidère: quam Iulius Bellus in Laureâ Austriacâ, & Ioannes Petrus Lotichius Rer. Germanicarum lib. xi. pondo LXXX. pendisse asserunt: & hic quidem addit, Brunswicensem statuæ humero auulso, truncum reliquum curasse in monetam conflare. Qua, Paderbornensibus ignorata, vnde illi acceperint, haud scio.

37. Ita Halberstadius, aut potiùs, qui eius facilitate abutebantur, nefarij eius commilitones, in res sacras; nec mitiùs in rerum sacrarum curatores defensoresq̃, Ecclesiastici ordinis viros, furorem exercuerunt. Et Canonici quidem ingenti pecuniâ multati. Aduersùs Patres Societatis IESV (quam hæretici, quippe ad ipsorum retegendas fraudes, ac flagitia reprimenda, datam à Deo militiam, præcipuè persequuntur) crudelitatem illi suam acuerant: quam ne totam effunderent, ipse fortassis potissimùm S. Liborius vr̃bis patronus, calesce certè auxilium, intercessit. Hermannus Bauingius, Collegij atque Academiæ, illic à Theodorico Furstenbergio Episcopo constituta, Rector, (qui etiamnum, dum hac scribimus, in viuis est, optimus senex) gnarus qui hæreticorum furor, quàm fetale in sacros

S. Liborij  
capsam con-  
fringit;

non sta-  
tuam:

Patrum So-  
cietatis IESV.

sacros homines eorum odium esset, Theologiae  
 Philosophiæque auditores & Professores, ali-  
 quot diebus antè, ad alia Societatis domicilia, va- <sup>aliqui antea</sup>  
 rijs portis vijsq; dimiserat, agrè quidem elapsos è ci- <sup>urbe egressi,</sup>  
 uium manibus, vrbis portas custodientium, & hanc  
 Duci pradam reservare cupientium, beneuoli in il-  
 lum animi pignus. Ipsemet deinde Rector, suorum in viâ malè  
 consilio coactus, cum aliquot socijs, vrbe quoque ex- <sup>multatis</sup>  
 cessit. At non euasit pradonum, quos fugiebat, ma-  
 nus Nam Saltzuffelæ, amico oppido, in Comitatu  
~~Lippstadt~~, à Godscalco Herwinckelio Hal- <sup>/sterbergē</sup>  
 berstadij centurione captus, & conuiiente hæ-  
 retico senatu, grandi lytro multatus; eo dein per  
 amicos prestito, per varia pericula, demum Mona-  
 sterium peruenit.

38. Haud paullò grauiora perpetienda fuère ijs,  
 qui Paderbornæ in collegio remanserant, apud  
 ipsum S. Liborij corpus: nam hoc ceteraq; Eccle-  
 siæ maioris & aliarum spolia, in collegium no- <sup>alij domi</sup>  
 strum conuehi Halberstadius iusserat. Erant istic <sup>reperi,</sup>  
 Sacerdotes aliquot senio doctrinâq; conspicui; ac  
 Fratrum Coadiutorum, qui externa opera ob- <sup>toquo exce-</sup>  
 erunt, vnus, artis culinaria, pinfendiq; vnicè peritus; pro.  
 quod ei collegioque saluti fuit: siquidem Hal-  
 berstadius eius operâ ingentoq; delectatus, colle-  
 gium ei (si fas est) donauit. Ceteri catenis vincti, <sup>carceri</sup>  
 Lipstadium abrepti ad dirum carcerē: vno dimisso <sup>mancipati,</sup>  
 cum publici com meatu litteris, vt multorum mil-  
 lium summam, vita captiuorum sociorum seruande,  
 flammisq; à collegio, scholis, templo arcendis  
 conquireret. Et corrogauit ille quidem religiosâ sim-  
 plici-

placitate daleros mille : quibus Lipstadium allatis, irritata potius illarum harpyiarum, quàm sedata est fames. Iterum ergo emissus, non sine presenti vitæ discrimine Monasterium venit : ubi varijs frustra tentatis, iussus est tandem à Rectore suo istic subsistere, quidquid in captiuos ac domum hostibus permittere visum Deo esset.

39. Et domus quidem, excussis fenestris, direptoq;  
*arumnisq;* omni domestico instrumento, præter bibliothecam,  
*macerati in* qua in cistas compacta aduentu Catholici militis,  
*castris:* abripi non potuit, seruata est : illi cum S. Liborij corpore per varia circumducti, tandem ad Hochstum oppidum, profligato Halberstadij exercitu, cum prædâ Ducis in Casareanorum venerunt potestatem. fame, nuditate, squallore confecti, ac vermibus vndique obsiti, & Moguntiam dimissi sunt: cum prius victores lytri, quod ab ijs exigebatur, ius in se solenniter transtulissent, ad actionem hostium, si quæ aliquando intentaretur, elidendam; ac dein id ipsis lytrum condonassent. Sed hæc quadrimestri post gesta. Nunc ad Ducem reuertamur.

40. Halberstadiani eo, quem diximus, successu elati, quæ iam in religiosos homines ac sacra per Westphaliâ perpetrarant, publico symbolo illustre, atque orbi, quo ea animo fecissent patefacere voluere. Nummos enim cuderunt ex auro argenteoque, insolenti planè & execratâ formâ : nam facie vnâ manus expressa erat, velut protensa è nubibus, strictum gladium vibrans, circum CHRISTIANI adscripto nomine: in auersâ parte feralis epigraphæ inerat: DEI AMICVS, MYSTARVM HOSTIS.

§.VII. *Christianus Brunsvicensis aliq̃  
sacrilegi puniti: recuperata  
S. LIBORII reliquia.*

41. **V**Indicem superba crudelitas dexteram  
Numinis prouocabat, qua Duci paucis post  
mensibus manum brachiumq̃ abstulit, mox & vi-  
tam, ingenti aliquoties suorum clade, vt resipisceret,  
admonito. Nam cum maiorem quam ante exerci-  
tum constasset, non magis auro emptum, quam spe  
præda ac rapinarum illectum, in quo etiam No-  
bilitas Anglicana ad 300. capitum numerum reper-  
ta est; Ferdinandus Bauarus Elector Colo-  
nienſis, idemque Paderbornenſis & Monaste-  
rienſis Episcopus, vt prædonem è suis ditionibus  
mature excuteret, Anholtium è Palatinatu cum  
expedito milite euocauit, cui & copias suas aliquas  
iunxit. Ed quoque ab Ilabellâ Clarâ Eugeniâ  
Catholici Regis amirâ, Belgicarum prouinciarum  
Gubernatrice, missus cum delecto exercitu Henri-  
cus Bergius. Sed hunc vt domum reuocaret Mau-  
ritius, ne is vel Halberstadtum fortassis opprime-  
ret, vel præcipites eius conatus moraretur, Henri-  
cum Fredericum fratrem suum iussit cum ali-  
quot equitum, ac peditum millibus, Diliâ amne Lo-  
nanium inter ac Mechliniam traiecto, prædas per  
Brabantiam agere, ipsiq̃ aded Bruxellæ terrorem  
ostentare. Et processit vtrumque consilium: nam cum  
plures pagos Nassouius incendisset, suos agrestes præ-  
dâ onustos, quarto die Bredam reduxit, quod & co-  
pias aliunde è præfidiis Spinola, qui Bruxellæ tunc

*Brunsvi-  
censis fuga-  
sus ab An-  
holtio &  
Bergio.*



erat, & ipsum è Westphaliâ Bergium reuocâ-  
 rat. Illius tamen metu Gisekenæ obsidionem iam  
 è VVestphalia discedit: Hoxariam oppidum transmissis, minacibus ad Her-  
 bipolensem Episcopum exaratis litteris, in Eichsfel-  
 diam Moguntino subditam mouit, eamque dirum  
 in modum populatus, in Fuldensis quoque Abbatis  
 irrupit ditionem, è quâ ingentem pecunie summam  
 exegit: inde ad Mœnum, clade, quam supra indi-  
 cauimus, nobilitandum, peruenit.

*Reliquias  
 S. Liborij  
 secum au-  
 fert:*

42. S. Liborij reliquias (quod mirum) secum  
 perpetuò hæcenus circumuexit: an ut de ijs reluti  
 triumpharet homo sacrilegus, an VVestphalia infe-  
 riorisque Saxonia odia veritus, si vsquam abiecisset,  
 quod ipsorum maiores ante octingentos annos vnâ  
 cum Christianâ religione susceperant à Gallis pi-  
 gnus, an ut cuiuspiam Catholico Principi, quod fecit,  
 eas, gratiam sibi illius conciliaturus, donaret; an  
 etiam, ut potius reor, quia aliquâ adhuc tangeretur  
 religione; dubitatum à multis memini. Fiochto op-  
 pido, ad dexteram Mœni amnis ripam sito, potitus  
 cum esset, solitâ crudelitate in ciuium cade bacchari  
 militem passus est, ac circumiacentes Moguntina di-  
 tionis pagos & oppida pleraque flammis absumere.  
 At dum Mœno pontem imponit, superueniunt Til-  
 lius & Gonsaluus Corduba, iunctis Boicis &  
 Hispanicis copiis, quibus non multò antè Durlachij  
 Marchionis exercitum profligarant. Ausus, vel po-  
 tius coactus, improuiso cum ijs concurrere Halber-  
 stadius; victus, & castris oppidoque exutus, vix cum  
 paucis millibus, qua de tanto exercitu supersuerant,

*vincitur à  
 Cordubâ &  
 Tiliis:*

*ceteris*



ceteris vel hostili ferro, vel flumine haustus, ad Mansfeldium euasit, qui ei ad Darmstadium obuiam venit. Eò quoque S. Liborij reliquias, cum aliquâ argenteâ supellectile, secum traxit. Substitère Hochsti Paderbornenses captiui, qui, ut suprâ diximus, immeritis vinculis exempti sunt, Moguntiamque dimissi à Corduba ac Tillio.

43. Mansfeldius dein & Halberstadius, cum Mansfeldio Lotharingiam transit, cum defendi Palatinatum suis copijs posse desperarent, in Alsatiam profecti sunt, vias incendijs & malefactis notantes. Ex Alsatia per Lotharingiam, neque sam celeriter quàm cauerat Dux, neque innoxie, deduxère Sedanum copias; territis Gallis, & raptim contrahentibus quas poterant copias, ne, Rege alibi aduersus hæreticos bellum gerente, impressionem in eius prouincias facerent, quod suadere Dux Bullonius, Sedani Princeps, Caluianus, credebatur. Verùm ab Arausicano Principe inuitati, in Belgium descendere; ut eorum ope Berga ad Sommam, quam Spinola obsidebat, liberaretur. Hannoniam celerrimè pertransiùere, ne concurrere ad arma prouinciales possent, eorumq; iter morari: eadem causâ, aut certè Isabellæ Eugeniæ Gubernatricis reuerentiâ, nusquam incendia miscuere, ac nihil propè vssiam maleficii intulere: ne diripuere quidem pictas tabulas, quæ Mariæ montij in palatio regio erant. Quæ humanitas Mansfeldij potiùs quàm Halberstadij fuisse tum ferebatur.

44. Tandem xxviii. Augusti ad Fletuvium pagum, non procul Gemblaco oppido (quod veteribus Geminiacum erat) consedere. Nec longè ab ijs

ad Fleru-  
uium vi-  
cum

ierum pra-  
lio vinci-  
tur à Cor-  
dubâ,

Corduba, & ipse maximis itineribus, vbi constitit eos Belgium petere, per Luxemburgiam infecutus. Postero die, qui sacer erat Decollationi S. Ioannis Baptistæ ambo exercitus primâ luce prælum inire, quod ad plures horas infestus utrimque animis protractum. Regium Equitatum, ac legionem Hispanitam, quam, improbane Balthasare Santandero Cordubæ Legato, nimium Chiliarcha suus Franciscus Iuara promouerat, perculit nonnihil hostili equitatus ipso Iuara interfecto. Ad extremum, aliquot milibus suorum desideratis, fugam capessunt, seruatis tamen utcumque ordinibus. Mis-  
sus, qui pralio non interfuerat, Gaucherius equitum leuis armatura Tribunus, qui recedentibus instaret. Credebatur Henricus Bergius, si obuiam è Geltriâ venisset, potuisse illius exercitus reliquias conficere. Corduba, non incruentâ partâ victoriâ, aliquot dierum indulsit militi suo quietem, inde eum ad castra Spinolæ adduxit. Miror Ioannem Petrum Lotichium Rerum Germanic. lib. 12. cap. 4. §. 4. scribere, Brunswicensem victoriâ positum, magnam porrò, sub fugâ Hispanorum, stragem edidisse, impedimentis, tormentisque bellicis, magnâque pecuniarum vi, spoliisque insuper Palatinatus in potestatem reductis, Bredam-  
que delatis. Tota serè eius ac Mansfeldij victoria fuit, effugere. Plurimi eorum milites ab rusticis dein-  
de, dum ignari viarum, præcipuè per ditionem Leo-  
diensem, diffugiunt, trucidati. Qui sauci, quiq; agri in Regiorum manus venerunt, plerique curati in no-  
focomijs, vbi conualuere, gratis dimissi.

45. Halberstadius, qui S. Liborij corpus in Lo-manu tra-  
 tharingia illustri viro, vt post dicitur, donarat, in iectâ,  
 hoc pralio vltorem expertus est Deum. Etenim ei ma-  
 nus, quam in numismate aduersus Sanctos exerue-  
 rat, glande plumbeâ traiecta, via labore ac iactatio-  
 ne malè curata, gangrenam contraxit, vt brachium  
 quoque recidi oportuerit. Neque verò vt Hollandico  
 exercitui hic adiunctus est miles, absque morâ <sup>atque idcir-</sup>  
 Bergæ obsidionem dissoluit Spinola, vt idem <sup>cò reciso</sup>  
 asserit scriptor: sed quarto demum die Octobris <sup>cùm brachio:</sup>  
 euocatus cum suis copijs Bergius, vti Ducum non-  
 nemo prædixerat, tardius aduentaret; relictâ vrbe,  
 Mauritio obuiam progressus, aciem in latissimè pa-  
 tentibus campis explicuit. At satis Mauritio cùm  
 esset urbem seruasse, pralium declinauit.

46. Anno insequenti rursus numerosissimum <sup>rursus con-</sup>  
 exercitum conflauit in inferioris Saxonia prouincijs flato exerci-  
 Halberstadius. Idcirco in eas quoque oras Tillius <sup>in,</sup>  
 mouit: quem ille opperiri minimè ausus. in VVest-  
 phaliam, ac Rhenum versùs, celeriter discessit. Pari  
 celeritate secutus fugientem Tillius, sapius extre-  
 mum agmen carpsit. Instruxit ille non semet aciem:  
 quod cùm & Tillius fecisset, illicò elabebatur. Ve-  
 rùm coactus tandem, assidue à tergo vrgenti, Tillio  
 prabere pugna copiam, die vi. Augusti MDCXXIII.  
 maximè memorabili clade, ad Stadlonam West-  
 phaliæ vicum, profligatus est. Tillius vix centum  
 quinquaginta suorum amisit, fassus ne ad Pragam  
 quidem an. MDCXX. VIII. Nouembris, tantam iterum vin-  
 fuisse hostium cadem, ipse q̃ suis, cùm iam Dux <sup>citur à Til-</sup>  
 cum aliquot expeditionum equitum turmis elapsus <sup>lio:</sup>

esset, ferro vi parcerent, edixit. Peditum, qui ad 20. millia censebantur, pars maxima interempta: ceteri capti, ad quinque millia; sed mox plerique dimissi, exuti armis & nisi ad portas Monasterienses à civibus, ac Religiosis præsertim, cibo potuq<sup>3</sup>, recreati essent, ipsos quoq<sup>3</sup>, fames aliq<sup>3</sup>, miseria consecissent. Equitatus plusquam dimidia pars evasit. Cætareis cessere signa plurima equitum peditumq<sup>3</sup>, tormenta omnia, ac comineatus vis ingens. Tanta illius victoria latitia in Belgio fuit, ut in multis urbibus sit festivis ignibus ad plures dies triumphatum.

agnoscit Dei  
vindictam  
ob S. Liborij  
iniuriam:

moritur:

47. Halberstadius cum Embricam ad Araulicanum venisset, post dies aliquot collegium, quod in eâ urbe à Clivia Ducibus fundatum habet Societas I E S V, inuist, cum multo nobilium comitatu, ac nostros humaniter consalutavit: cumq<sup>3</sup>, de nupero prælio sermo incidisset, ingenuè fassus est, clades eas sibi evenisse ob S. Liborij contemptum, ablatasq<sup>3</sup> Paderbornâ eius reliquias: Si bonum illum lenem, inquebat, suo loco quiescere siuissimus, felicius pugnassimus. Non idèo tamen pristinam omnem ferociam exuit, quin identidem bellum renouaret. Donec tandem anno MDCXXVI. die XVI. Iunij febris extinctus est cum quatrinduo antè vermem è corpore eiecisset quatuor cubitos longum, latum digitos duos. Dissecto à medicis cadauere, cor exile & contractum repertum, sel magnum, cetera illaesa.

48. Hic Halberstadij exitus fuit. Neque ceteri eius impietatis hortatores atque administri caelestem vindictam euasere. Nam, ut omittam militum eius sapius

sapius iteratam internecionem, coactis qui supersue-  
 re, ab eorum, quos ad necem depoposcerant, misericor-  
 diâ toleranda vita praesidium emendicare; proditio-  
 nis suae odijq; in Catholicos luculentam mercedem  
 tulerunt Paderbornenses haeretici, ab ijs ipsis, quos in  
 urbem suam admiserant, suorum errorum socijs, spo-  
 liati & exhausti, & Catholico dein exercitui, nudi  
 obiecti ad ultionem. Saltzuffelenses verò restitutâ  
 re Catholicâ, 300. daleros, quos ipsorum conniven-  
 tiâ, violato hospitij iure, Halberstadiani à Patribus  
 Societatis extorserant, referre ad collegium Pader-  
 bornense coacti sunt; sibi gratulantes, quod eorum-  
 dem Patrum intercessione, nihil gravius, vti com-  
 meriti erant, in eos esset constitutum.

49. Godscalcus autem ille, qui eas contra ius  
 gentium in captiuitatem traxerat, & eorum obu-  
 tura de celo vindicta minas risu facetyq; contem-  
 pserat, multiplicibus infortunijs à Deo multatus, &  
 incurabili percussus languore, ex militiâ reportari  
 domum debuit, vt Saltzuffelensibus cimbis suis  
 egregium Diuina vindicta spectaculum daret. Inde  
 ille à Rectore Paderbornensi, iam in collegium suum  
 restituto, incendijs, quae patiebatur, restinguendis  
 ceruissiam petitiuū misit, sperans se illâ subleuari  
 posse. Misit ei Rector, iniurias hoc beneficio mu-  
 nerans, vasculum octodecim circiter amphorarum.  
 Quod ad S. Liborium propriè pertinet; qui pri-  
 mus in basilicam Cathedralem, captâ Paderbor-  
 nâ, equo ingressus erat miles, is sub exitum anni  
 MDCXXIV. Neuhausij ad Paderæ Lupiæque  
 confluentes, captus, atque ob id aliaq; crimina, sup-

*sed ante  
mortem  
conuersus:*

plicio affectus est. Visit captiuum Sacerdos è Socie-  
tate, & ferocem ac barbarum hominem induxit, ve  
fidem Catholicã amplecteretur, ac magno sensu pie-  
tatis mortem lubens pro scelerum suorum expiatione  
oppeteret, altè in animum demisso aternorũ suppli-  
ciorũ metu, ex tormentorũ inter fidiculas toleratorũ  
memoriã, nostro identidem illa efficacuer inculcante.

*S. Liborij  
Reliquia  
quasita,*

50. At Paderbonnenses Canonici de sancti Pa-  
troni sui corpore, vbi terrarum illud abiectum re-  
lictũve ab Halberstadio esset, inquirebant,  
vnà cum Serenissimo Antistite suo, ac plurimos in  
varias plagas nuntios, reliquias peruestigatum, di-  
miserant. Primus vbi ea attinerentur, Electori indi-  
cauit vir nobilis, Ioannes Carolus Erlewinus,  
Ordingæ oppidi, castrig, Linnenſis in diœcesi Co-  
lonienſi Prætor; quem ad eas ab Ottone Philippo  
Erleuvinio; Ringrauius eiufq, coniuge repetendas Elector alle-  
gauit. Idem postea summâ fide & breuitate, quo pa-  
cto eas Ringrauius acceperit, ac honorificè habue-  
rit, ipseq, ab eo obrinuerit, ad Electorem Germanicè  
scripsit. Quem eius commentarium, vel epistolam,  
Latine vertit, ac nobiscum communicauit Ioannes  
Gröthufius noster.

*(qui histo-  
riam scri-  
psit,*

*& S. Liborij  
gloriam de  
fouit)*

51. Idem porro Erlewinus S. Liborij Vitam  
ac gloriam in aliquot digestam capita, opposuit in-  
fami ac sacrilego scripto, quod hæretici eodem tem-  
pore in S. Liborij opprobrium, ediderant, typis Hol-  
landicis ac sculpturâ elaboratum. Digesta erat Er-  
lewinus Liboriana gloria in capita omnino de-  
cem: prioribus quinque vita omnis ac sepultura  
S. Liborij conuinebatur: sexto ac septimo Eleuatio

*& Translatio : octauo Paderborna expilatio, ablata reliquia, Halberstadij insolens moneta, clades : nono in arce Neouillariensi impensus bonos reliquijs à Ringrauij familiâ & accolis, quorum multis collata diuinitus beneficia sanitatis, aliâque decimo eadem per Erlewinium recuperata. Ecclesia sua restituta, intra pretiosam condita ex auro atque argento thecant, quam precio octo millium aureorum, fieri curâ-  
rat Wilhelmus à Westphalen, illustri genere vir <sup>pretiosa the-</sup>ca inclusa.  
ac dignitate, Archisatrapa diœcesis Paderbornensis, ac legionis vnus in Catholico Principum exercitu Tribunus.*

53. Istâc porro coepa anno MDCXXII. cùm à Palatinatu abiisset in Belgium cum Mansfeldio Halberstadius, atque hic brachio, vt retulimus, esset truncatus: peracta demum anno MDCXXIII. post <sup>Reductionis</sup> Procerum Imperij conuentum Ratisponæ habi-  
tum, in quo Maximilianus Dux Bauariæ Elector <sup>anniuersa-</sup> à Casare renuntiatus, abdicato Palatino. Et quidem, <sup>ria memo-</sup> vt infra ex ipsius Erlewinij epistolâ patebit, die xv. <sup>ria 28. Oct.</sup> Iunij in fines Vbiorum reportata reliquia sunt. Verùm Ecclesia Paderbornensi non nisi quatuor post mensibus restituta. Consignata rei memoria in recenti Kalendario ad diem xxviii. Octobris, his verbis: Reductio reliquiæ S. Liborij.



§. VIII. S. LIBORII Reliquia  
Ameriam deportata.

*Ameriam  
urbem an-  
tiquam,*

*Et præclarus  
alumnus ce-  
lebre,*

54. **A** Meria urbs est Umbriæ, longè ante urbem Romam condita, nec vana ostentans argumenta vetustatis; murorum partem, ac fundamenta edificiorum; ceterum ipsa in colle sita, optimo circum agro, ad Tiberis ripam utramque diffuso, olei, vini, ac tritici ferace. Sed maior ab ipsis civibus gloria. Testatur Leander Albertus, præclara ingenia tam multa nomen Ameriæ nobilitasse, ut omnium commemoratio longissima foret. Ut enim omittam prudentiæ, pietatis, atque eruditionis opinionione clarissimos nuper Antistites, Marianum, Victorinum, Bartholomæum Ferratinum, Cardinalem, eiusq; patrum Baldum Ferratinum; non vno loco laudatus à nobis in nostro de Sanctorum Actis opere est Antonius Maria Gratianus è Burgo Sancti sepulcri, Episcopus Amerinus, qui inter alia doctrina sua monumenta, res gestas illustravit S. Secundi Martyris, qui i. Iunii colitur; S. Hymerij Episcopi, qui xvii. S. Firmiæ, Virginis Romana xxiv. Nouembris coronata martyrio vnà cum Verlicino Liçtore, atque Olympiade Præfecto, cuius memoria agitur i. Decembris Horum ille, Deiq; in illis, gloriam amplificare studuit, eruditione, prudentiâ, religione clarissimus Præsul.

55. Illius siue institutione formatus, siue prouocatus exemplo, Peregrinus Carlenus Amerinus  
Abbas



Abbas S. Mariae, numerum nuper ac gloriam augere patriae suae tutelarium Diuorum conatus est. Nam quia Monasterium, V. Westphaliae urbem, Regum Hispania ac Galliae, Caesarisq; & aliorum Principum Feciales de vniuersa Christiana Reip. pace deliberaturi, conciliantibus Pontificum Maximi ac Venetorum Legatis, conuenerant; ipse quoque eo, cum spem acturus Principis causam, se contulit. Neque verò itineris ac laboris pretio frustratus est, etsi reliqui conuentus eiusmodi exitus futurus videatur, quem non creditura facile sit posteritas. Sed tamen quodcumque aspernantium pacem ius ac fortuna erit, fractum opera Carlenus magnum tulit, in patriae suae salutem, Diuorum honores, redundaturum. Nam dum Monasterij agit, à Canonicis Ecclesiae Paderbornensis, annuente quoque ipso Electore Colomensi, eorum Antistite, die IX. Iunij an. MDCXVI. aliquis S. Liborij (cuius & ipse & frater eius Augustinus Carlenus, Canonicus Amerinus, praesentem opem in nephriticis leniendis doloribus erant experti). Reliquias impetrauit: duas nimirum è sacro illius corpore particulas, tibia alteram, indicis longitudine; alteram cranij, pollicis ferè diametrum equantem.

*à Peregrino Carleno*

*S. Liborij Reliquiae à Paderbornensibus ob-  
tenta,*

*missa an. 1646*

*magna pietate hono-*

56. Haec ille Reliquias in Italiam per virum religiosum è Patrum Capucinatorum Ordine F. Bonaventuram misit, in Cathedrali ecclesià Amerina locandas. Quà occasione, ut ex Illustriss. Episcopo Neritonensi Fabio Chisio, Innocentij X. Pontificis Maximi ad eum, quem dixi conuentum Legato didici, magna erga S. Liborium Italicorum existere pietas coepit, ut ingens turba populorum, atque è sacro quoque

quoque Cardinalium collegio nonnulli, & alij Principes, ad eum venerandum Ameriam ventitent. Curauit idem Abbas Carlenus, Capituli Amerini rogatu, eiusdem Diui imaginem, vti Paderborna pingi solet, in as incidi, & Gaudētio Polo de Calciā, Amerino Antistiti dicauit: cuius imaginis vndique per Italiam exempla expetuntur, certū identidem hominibus, qui ea impetrent ac deferant, Ameriam allegati.

Vita hic  
seorsim edi-  
ta: 57. Vir idem religiosissimus, suo me potissimum hortatu permouit, vt S. Liborij res gestas, miracula, translationes, quas non nisi ad xxiii. Iulij in Opera de Sanctorum Actū statueram in lucem proferre, recognoscerem ac seorsim ederem.

donationis  
instrumen-  
tum:  
exceptionis  
celebritas. 58. Publicum instrumentum, quo donatās à Paderbonensibus eas Reliquias fuisse constet, Monasterij legitime confectum, cum Actū Ecclesiæ Amerinæ dabimus.

§. IX. Solennitas, quā S. LIBORII  
reliquia ab Ecclesiā Amerinā  
excepta.

S. Liborij  
reliquia, an.  
1647. 12.  
Maij. 59. **A**llatis Ameriam S. Liborij reliquiis, solenni supplicationi, quā in basilicam Cathedralē deportarentur, destinata dies xii. Maij, quæ eo anno, à Christi ortu MDCXLVII. Dominica erat, tertia post Pascha, quā & celebritas agebatur S. Mariæ de Focæ; eo consilio delecta ab Gaudētio Polo eius vrbs Antistite, vt qui sacrum illud locum pietatis ergo visissem, exteri, ijs deinde in urbem venire,

venire, & supplicationi, quæ horâ XXI. inchoanda erat, interesse fas esset.

60. Prædie secundâ noctis horâ, in futura solennitatis indicium, compulsata sunt templorum omnium ac cœnobiorum vrbi. totius campana, vt religioso eo sonitu plebis permouerentur ad pietatem animi, sensumq; ex eo secuturi triumphi. præciperent. Sacrarum adium valuis, locisque alijs publicis, affixum erat programma, quo Episcopus Religiosos populûmq; inuitabat ac hortabatur, vt frequentes adessent, oblatûmq; sibi caelestem thesaurum, promptâ deuotione, reddendu Deo gratijs, ipsius Diui implorandâ ope, cohonestarent.

inuitato populo,

61. Dominicâ verò cantata sub horam XVIII. præclaro symphonicorum concentu Vesperæ sume-  
Aderant cum Episcopo Anciani (ita iv Viri qui  
supremum Magistratum gerunt, quasi Seniores,  
appellati, alibi Priores, aut Consules) vrbiq; Gubernator: confertum populo templum erat, omnis sexus, ordinis, ætatis: conuenerant quotquot inscripti sodalitijs, siue fraternitatibus, vt vocant, prælato proprio cuiusque labaro, saccis de more induti: orna-  
bant solennitatem eius vrbi Religiosi omnes, pars in templum ingressi, pars coacti foris subsistere.

post Vesperas

62. Peractis Vesperis, ordinata supplicatio est, in istius  
multitudine omni in locos suos ac procedendi seriem  
distributâ. Antea iam tabernaculo pretioso inclusa  
Reliquia, à P. Bonauenturâ Capucino ad S. Francis-  
cisci adem tacite erant deportata. Nam inde eas  
supplices vt ad Cathedrale templum transfer-  
rent, statutum fuerat.

supplicatione.

ad templum  
S. Francisçi,

*precedenti-  
bus sodali-  
tys ciuium,*

63. *Prima processu Sanctissimi Sacramenti* sodalitas, quæ trecenta circiter censebat capita, albo sodalium inscripta. Eam sodalitas mortis sequebatur, hanc SS. Ioannis & Pauli, tum S. Rochi, S. Sebastiani, Misericordiæ, S. Augustini, S. Firminæ: singulis præter proprium labarum, Crucifixi effigies, aliæque publici decoris insignia præferbantur.

*Religiosis,*

64. Inde Religiosorum cætus: Capucini Patres omnino xviii. Augustiniani excalceati, Augustiniani Antiqui; Franciscani Reformati, qui nostratibus appellantur Recollecti; ac postremò Conuentuales Ordinis eiusdem.

*Clero seculari,*

65. Sequebatur basilica Cathedralis Capitulum, Cruce prælatâ: antebant xii. adolescentes è seminariò Patrum Somaſcorum: deinde Clerus omnis, Presbyteri ac Pastores totius vrbis: tum Canonici, quos Episcopi Vicarius sequebatur. inter duos

*Canonicis;*

utrimque Canonicos medius: ipseque tandem Episcopus, pontificali cappâ indutus, claudentibus ei de more latera duobus, qui dignitatem gerere in Capitulo dicuntur. Post hos Illustrissimi DD. iu Viri Anciani, ac Gubernator, illorûque Tabelliones. & qui ex Officio quæque è familiâ singulos affectari solent: postremò multitudo propè innumerabilis Nobilium, ciuium, opificum, tum qui in vrbe degebant, tum quos aliunde sua pietas publicæque deuotio exciuerat.

*sequente  
Nobilitate  
& populo.*

66. Vt ad S. Francisci ad eam supplicatio peruenit, ad episcopale solium, isthic iam paratum, Antistes accessit, cappæque depositâ, pluuiale & mitram sumpsit:

sumpsit: postea ante principem aram, de manibus <sup>ibi ab Epi-</sup> P. Bonauenturae tabernaculum, intra quod cond- <sup>scopo in al-</sup> ta Reliquia erant, accepit, pieque exosculatus, supra <sup>ari collo-</sup> aram collocauit, insigni apparatu ornatam, accensis <sup>cata,</sup> in ea viginti prae grandibus cereis. Dein à gemino muscorum choro, egregia symphonia, decantata est in S. Liborii laudem antiphona.

67. Ea finita, processere supplicantes versus templum Cathedrale, eodem quo aduenerant ordine. Ad <sup>tum plerisque</sup> valuas Franciscanae aditus collocarat Augustinus <sup>albas faces</sup> Carlenus Canonicus Sacerdotes duos, qui singulis <sup>gerentibus,</sup> supradictorum sodalitiarum Confratribus, ut vulgo se appellant, ac Religiosis, & plerisque Nobilibus, aduenis aequè ac vrbanis, faculam è cera virgine traderent: Canonicis verdè ac Praesidibus religiosarum congregationum, nec non Ancianis & Gubernatori, fax trilibris est data, ut & duodecim adolescentibus Nobilium liberis, qui Angelico cultu ornati, elegantis ordine sacras Reliquias praecedebant, quas ab eodem Antistes sub magnifica umbella, tabernaculo inclu- <sup>deportata,</sup> sas gestabat.

68. Milites praesidiarii, ex occasione hibernorum hoc anno ibi collocati, omnes in aream, quae ante eam adem sita est, educti, pulcherrimo ordine dispositi, simul atque in conspectum venerunt Reliquiae, edito à Centurionibus signo, eas festiua schlopetorum dispo- <sup>militariter</sup> sitione consalutarunt. <sup>salutata,</sup>

69. Ducta supplicatio est ad omnes Amerinae urbis ecclesias ac caenobia sanctimonialium. At primùm S. Elisabethae, Ordinis S. Clarae, adita ades, <sup>per Religio-</sup> exquisito apparatu ornata, altaribus omnibus cereo- <sup>sarum tem-</sup> <sup>pla circum-</sup> <sup>tum lata,</sup>

rum ac facum multiplici splendore collucentibus. Hic in summo altari positum ab Episcopo Reliquiarum tabernaculum, dum à Religiosis ac musicis, consono organo, antiphona de S. Liborio cantatur. Dein sublatis in altum ductisq; in crucem Reliquis, populo Episcopus benedixit. Tum ad S. Monicæ cœnobium Virginum instituti Augustiniani itum, quibus eâ quoque caremoniâ benè precatus est Antistes.

musicâ honorata,

70. Locuplete ornatu conuestitum Patrum Augustinianorû templum erat, ac domus: è quâ prætereuntes reliquia egregio musicorum concentu salutata sunt. Idem à cœnobiis S. Magni, ac S. Stephani, utroque monacharum Ordinis Benedictini, factum: quibus benedictio, ut antè alijs, impertita. Ventum deinde ad monasterium SS. Catharinæ ac Ioannis Euangelistæ, quod sæmina religiosa Ordinis S. Benedicti incolunt: quæ ad reliquum templi, sanè prædiuitem, ornatum, variâ scholorum maiorû dispensione honorari sancti Præsulis exuias curarunt.

Et dispositio-  
ne bombar-  
darum,

ad templum  
Cathedrale  
allata,

71. Quæ ante basilicam Cathedralem iacet area, varij tenebant cunei militum, iucundo ad speciem situ: à quibus tum schlopi maiores dispositi, tum alia bellica instrumenta ad Diui honorem adhibita. Erat ipsa basilica splendidissimè ornata. Ad honestandas quippe Reliquias, nullis expensis Antistes ipse ac Capitulum ciuitasq; pepercerant.

darâ bene-  
dictione,

72. Positum itidem in summo altari tabernaculum ab Episcopo est, cantataq; à musicis antiphona, dum interea in templum areamque omnis conuenit supplicantium turba: cui ut benè precatus Episcopus est, Reliquia ad sacellum Sanctissimi Rosa-

rij delata, intraq; armarium condita sunt, ad eam rem praparatum, ternis dein clauibus occlusum, qua-  
rum vna penes Episcopum asseruatur, altera penes Capitulum; tertiam habet Canonicus Carlenus: donec eius, fratriq; Abbatis sumptu, nouum con-  
struatur sacellum S. Liborij honori dicandum: dum para-  
cuius hic reliquias ad patria ornamentum ac prasi-  
dium, ab Ecclesiâ Paderbornensi obtinuit: qua tanto  
totius Vmbria plausu accepta sunt, vt per omnem  
latè Italiani eius rei sparsa sit fama, & inflammatis  
hominum animi eximiâ erga nouum hunc Tutela-  
tem, & contra nephriticos dolores patronum,  
pietate.


73. Et verò iam nunc haud pauca memorantur  
eius patrociniò obteuta diuinitus beneficia. Illud cum-  
primis prodigij simile habitum, quòd cum maxima  
esset aura intemperies imbrēsque assidui, eo praesertim  
die, in quem solennis indicta erat Reliquiarum trans-  
latio, simul inchoata supplicationis est pompa, subita  
extiterit planeq; insperata serenitas.



## VITA ANTIQVA

Auctore anonymo,

*Ex veteri ms. Legendario Eccl. Cenom.  
eruta à Lud. Cellotio Societ. IESV.**S. Liborius,  
Dei prou-  
dentiâ, eli-  
gitur Epi-  
scopus,*

1.  E Benedictus Dominus, qui non derelinquit sperantes in se, nec deest ijs qui eum diligunt in veritate: quibus ne aliquando desit misericordia Saluatoris, aduersitatibus sæpè consulitur, sæpè prosperitates blandiuntur, sæpè etiã sacratissimorum Præsulum prouidentiâ subuenitur: Pastor quippe optimus suis ouibus prouidere minimè dedignatur, qui ouem perditam & quærere dignatus est, & inuentam ad ouile proprijs humeris reportare. Vnde post felices S. Pauacij transitus ad regnum cælorum, ne oues sine pastore procul à vitæ pascuis vagarentur, S. Liborius à Domino Cenomanicæ vrbi Pontifex extitit subrogatus. In cuius electione populus nequaquàm ab altiori consilio declinauit; cùm nihil videretur in eo, quod vel homo reprehenderet, vel oculis summi Iudicis displiceret. Nec est facile dicere, qualem aut quantum se exhibuit Episcopum, qui  
ante

*uir sanctus*

ante susceptam dignitatem se totum fecerat  
totius Christianæ religionis exemplum.

2. Hic itaque vir beatus, natione Gallus,  
liberalibus disciplinis eruditus, sed eruditior *& doctus*  
moribus, tantò suis subditis gravior præfuit  
regimine, quantò maiori desiderio æstuabat  
æternorum dilectione. Nam vultus eius gra- *præclarè*  
ta modestia profundam humilitatem præten- *regit*  
debat: Psalmorum autem modulatio deu-  
otionem maximā testabatur: frequenter enim  
pauperum angustias suspirabat, & angustijs  
pauperum consulere non cessabat, qui im-  
pensiore studio & diuini cultus zelo permaxi-  
mo decem & septem ecclesias in suâ diocesi, *ecclesias*  
suis proprijs sumptibus, Dei & quorundam *edificat*  
Principum fultus auxilio, ædificari præcepit:  
quarum quidem census permaximos ad lu-  
minaria sanctæ matris Ecclesiæ soluendos an-  
nis singulis destinauit.

3. De meritis autem beatissimi Patris No- *claret mira-*  
stri Liborij ne mundus tamquàm nescius du- *culis*  
bitaret, per eius intercessionem & meritum  
Dominus cæcis tribuit visum, surdis auditum,  
ab obsessis corporibus expellit dæmonia, ce-  
terosque varijs debiles incommodis optatæ  
restituit sanitati, Et quod veræ religioni non  
parumper alludebat, Beatissimo Martino Tu- *S. Martino*  
ronorum Archiepiscopo eousque familiaris *familiaris*  
semper & carus extitit, vt eius alloquio fre-  
quenter perfryi mereretur; & tamquàm eximia-  
rum virtutū eiusdem perfectissimus imitator,

illius sacris adesse consilijs, ac eius iugi benedictione meruit confirmari.

*à quo ager  
visitur*

4. Appropinquans autem venerabilis ille Pater Noster Liborius ad terminos vniuersæ carnis, felici iam senio candidatus, & sacrâ militiâ consummatâ fessos artus & naturam fragilem profitentes cilicio & cineri commendauit. Priusquàm tamen locupletem virtutibus animam suo transmitteret Creatori, ab illo vnico visitatore pauperum Christi, beatissimo Martino meruit visitari: qui Angelicâ reuelatione venit ad Pontificis exequias, comitantibus scilicet suis sanctissimis discipulis; in quorum comparatione sanctior Magister elucebat. Et ingressus domum inuenit eum iam totum in cælis inhiantem, iam futuram & æternam mercedem suspirantem, iam lecto humili solis artubus strato cilicio recubantem: cui cùm supremum & primum vitæ consilium tribuisset, & sacratissimâ benedictione confirmasset, inter venerabiles manus sancti Pontificis spiritum beatis securum meritis ad superos destinauit. Nec tamen illud singulare donum in terris, illudque vnicum decus Ecclesiæ Beatissimus Martinus dereliquit, priusquàm felicibus membris sepulturæ debitum diligenter impenderet, & in *a* ecclesiâ beatissimorum Petri & Pauli Apostolorum supra *b* Sartham fluuium constitutâ, obsequio quo decuit, magnâ cum reuerentiâ collocaret: vbi inter sacratissimos præde-

*in cilicio  
cubans,*

*ac mortuus  
sepelitur,*

*a  
b*

prædecessores suos gloriosus ille Pastor ex-<sup>miraculis</sup>  
cellenter humatus, beneficia quæ copiosè <sup>post obitum</sup>  
contulerat in seculo vivens, copiosius contu-<sup>clarus.</sup>  
lit in sarcophago requiescens, Præfuit autem  
Ecclesiæ Cenomanensi annis quinquaginta,  
vno minùs; & præsentis miseriæ cursu felici-  
ter consummato, quinto Idus Iunij requieuit  
in Domino Iesu Christo, cui laus est & gloria  
per omnia secula seculorum. Amen,

a Eam Ecclesiâ sitam fuisse scribit Antonius  
Coruasseriùs, circa locum ubi nunc cœnobium S. Iu-  
liani de Prato, sanctimonialium Ordinis S. Bene-  
dicti.

b Sarta fl alluit Alancionem, siue Alençonium;  
deinde metropolim Cenomanorum adit, Ptolemao (ut  
putant) Oulindior, Vindinum, vel VVindinum, vulgò  
nunc Le Mans dictam: infra quam Huinæ, siue  
Huini fluuius miscetur: uterque postea Meduax.

## ALIA VITA

Auctore anonymo,

*Ex eiusdem Ecclesiæ veteri MS.*

*Sive*, Gesta Domni LIBORII Ceno-  
manicæ vrbis Episcopi, qui fuit  
temporibus Constantini & Va-  
lentiniani Imperatorum.

I.



Liborius natione Gallus, suc-  
cessorq̃ue B. Pauacij Ceno-  
manicæ vrbis Pontificis; qui  
& post eius obitum electus à  
populo & sacratus est Episco-  
pus. Studuit enim in rebus Ecclesiasticis, prout

*S. Liborius  
struit 17. ec-  
clesias,*

*à quibus ce-  
ram oleumq̃  
matrici ec-  
clesiæ pendit  
iubet;*

a

b

c

meliùs potuit, oppidò Deo vulgò placere. Qui  
& remunerationem ex hoc magnam, & co-  
ronam gloriæ percipere meruit. Hic fecit ec-  
clesias per diuersa loca in ipsâ parochia xvij.  
Ex quibus census ad matrem Ecclesiam civi-  
tatis, cui præerat, censuit soluere ad luminaria  
in ipsâ ecclesiâ continuanda, tam ceræ quàm  
& olei, siue custodibus trientes; id est, de  
a Colinno ceræ lib. j. olei ij, item j. Item de  
b Siluiaco, ceræ lib. j. olei ij. item j. de c Rodacio  
ceræ lib. j. olei ij. Item j. de c Campo Genesto-  
so

So ceræ lib.j.olei ij. Item j.de Conedaco ceræ  
 lib.j.olei ij. Item j.de Aciaco ceræ lib.ij.olei  
 ij. Item j. de *d* Aluncionno ceræ lib. iij. olei *d*  
 vj. Item j. de Saugonnâ *e* ceræ lib.ij. olei iij. *e*  
 Item j.de *f* Sabonarias ceræ lib.j.olei ij. Item *f*  
 j.de Bonâ ceræ lib.j.olei ij. Item j. de Lucia-  
 co ceræ lib.j.olei ij. Item j. de *g* Luduâ ceræ *g*  
 lib. j. olei ij. Item j. de Marfone ceræ lib.j.  
 olei ij. Item j. de *b* Poliaco ceræ lib.j. olei ij. *b*  
 Item j.de *i* Maguto ceræ lib.j.olei ij. Item j.de *i*  
 Nouiliaco ceræ lib.j.olei ij. Item j.de Com-  
 nis ceræ lib.j.olei ij. Item j.

2. Fecit quoque iam dictus Pontifex Ordi- *sacros Ordi-*  
 nationes xcvi. In quibus sacrauit Presbyteros *nes confert;*  
 per diuersa loca ccxviij. Diaconos clxxxvj. Sub-  
 diaconos xciiij. & reliquos ministros, quan-  
 tum necesse fuit. Hic ergo in pace obiit v. Idus  
 Iunij. Et sepultus à beato ac sancto Martino *sepelitur à*  
 Turonensis Ecclesiæ Archiepiscopo, & à di- *S. Martino;*  
 scipulis suis honorificè vltra fluuium Sarthæ  
 in Ecclesiâ Apostolorum, quam Dominus &  
 sanctus Iulianus dudum construxerat atque  
 sacrauerat: in quâ & S. Panacius antecessor  
 eius, & S. Turibius antecessor S. Pauacij cor-  
 poraliter requiescunt.

3. Sedit in prædictâ Sede iam dictus S. Li-  
 borius annos vndequinquaginta, qui totis  
 nisibus Domino dulciter in omnibus famu-  
 lari studuit. Cuius post obitum, tribuente *post mortem*  
 Domino, in eius nomine & in prædictâ eccle- *ciarefcit mi-*  
 siâ iuxta eius sepulchrum innumerabilia eius *rachilis.*

dignis meritis claruerunt signa, cæcos videlicet innumerabiles illuminando, claudos restituendo, dæmonia eiiciendo, leprosos curando, infirmos sanando, surdis auditum præbendo, & alijs multis atque innumerabilibus sanitatem largiendo. Nomina verò prædictorum debilium & infirmantiū propter prolixitatem hîc non descripsimus: tamen tanta visa eius meritis sunt signa, quanta, ut reor, tres aut quatuor quaterniones non possunt capere. Petimus quoque, ut eius assiduis deprecationibus ab omnibus aduersitatibus fluctuantis seculi, siue à cunctis sceleribus nostris nos liberare dignetur Dominus, Amen. Suâ ergo in vitâ ostensa multa sunt suis meritis miracula, præstante Domino nostro Iesu Christo, cui est honor & gloria per omnia secula seculorum, Amen.

a *Coruasserius in Historiâ Episcoporum Cenoman. ita hac effert: Fecit in diocesi parochias decem & septem, ex quibus censuit soluere ad luminaria Martiris Ecclesiæ certam ceræ & olei quantitatem, custodibus verò certos æris trientes. de Colinno. de Siluiaco, &c. Quadam vicorum nomina in maiori Vitâ cap. 4. n. 12. aliter paullo exprimuntur.*

b *Coruass. de Raudatio.*

c *Coru. Campogengstoso.*

d *Idem, Aloncionno.*

e *Addit idem, siue Sagomior*

f *Idem, de Sabonarijs.*

g *Idem, de Ludinâ.*

h *Idem, de Pauliaco.*

i *Idem, de Magnacio.*



## ALIA VITA

Ex MS. Ioannis Morelli

Canonici Cenoman.



Eatus Liborius natione Gal-  
lus, quartus vrbis Cenomani-  
cæ Pontifex, S. Pauacij succes-  
sor, à populo & Clero vnani-  
miter electus in matre Eccle-  
sia vrbis prædictæ consecratus fuit Episco-  
pus: in cuius electione populus ne latum qui-  
dem vnguem, vt aiunt, ab altiori consilio de-  
clinasse visus est; cùm nihil in eo esse videre-  
tur, quod vel homo reprehenderet, vel oculis  
summi Iudicis displiceret. Studuit enim sem-  
per in rebus Ecclesiasticis, prout melius po-  
tuit, apprimè à Dominis & vulgo placere, se-  
quæ totum arte susceptam dignitatem totius  
Christianæ religionis exhibuit exemplum:  
cuius vultus & grata modestia profundam  
humilitatem prætendebant, psalmorum quo-  
que modulatio deuotionem maximam testa-  
batur. Ipse verò liberalibus disciplinis erudi-  
tus, sed moribus eruditior, frequenter ad  
pauperum angustias suspirabat, quorum an-  
gustijs consulere ac subuenire non cessabat:  
qui impensiori & diuini cultus zelo per maxi-  
mo decem & septem ecclesias in suâ diocesi,

S. Liborini  
virtute &  
eruditione  
clarus,

suis

*ecclesias a-  
dificat:*

luis proprijs sumptibus, Dei & quorundam Principum fultus auxilio, ædificari præcepit. Quarum quidem census permaximos ad luminaria continuanda in ipsâ matre Ecclesiâ, cui præerat, tam ceræ quàm olei, siue custodibus ipsius ecclesiæ trientes soluendos annis singulis destinavit.

*Ordines  
confert:*

2. Fecit etiam in suâ diœcesi nonaginta sex ordinationes, in quibus sacrauit Presbyteros per diuersa loca, Diaconos & Subdiaconos, & reliquos ministros, quantum necesse fuit. De cuius meritis ne mundus tamquam nescius dubitaret, per eius intercessionem & meritum Dominus cæcis tribuit visum, surdis auditum, ab obsessis corporibus expellit dæmonia, ceterosque varijs debiles incommodis optatæ sanitati restituit. Et quia pares paribus gaudent, Beatissimo Martino Turonorum Archiepiscopo fuit maximè familiaris: cuius frequenter conuersatione & alloquijs perfouebatur, & crebrò eius benedictione confirmabatur, & salubri consilio utebatur.

*miracula  
patrat:*

*S. Martino  
familiaris,*

*ab eo ager  
visitur, An-  
geli monitu.*

3. Appropinquans autem vir ille sanctus ad terminos vniuersæ carnis felici iam senio candidatus, & sacrâ militiâ consummatâ fessos artus, naturam fragilem profitentes, cilicio & cineri commendauit. Priusquàm tamen locupletem virtutibus animam suo Creatori transmitteret, ab illo vnico visitatore pauperum Christi, beatissimo Martino, meruit visitari. Qui Angelicâ reuelatione, ve-  
nit

nit ad sancti Pontificis exequias, comitantibus suis discipulis; & ingressus domum, inuenit eum iam totum in cælis inhiantem, iam æternam mercedem suspirantem, iam lecto humili solis artubus strato cilicio recubantem. Cui cum supremum & primum vitæ consilium tribuisset & sacratissimâ benedictione confirmasset, inter manus beatissimi Martini spiritum beatis securum, meritis ad superos destinauit. Vixit autem temporibus *b* Constantini & Valentiniani Imperatorum; *b* & præfuit Ecclesiæ Cenomanicæ annos vnde- *mortuus se-*  
*pelitur*  
 quinquaginta; & præsentis miseræ cursu feliciter consummato, *c* quarto Idus Iunij, in *6* pace quieuit: & à Diuo Martino Turonensi Archiepiscopo, & à suis discipulis, obsequio quo decuit, & magnâ cum reuerentiâ, sepultus est ultra fluuium Sarthæ, in ecclesiâ beatissimorum Apostolorum Petri & Pauli, quam B. Iulianus dudum construxerat & sacrauerat: in quâ B. Pauacius eius antecessor, & S. Turibius S. Pauacij antecessor, corporaliter requiescunt. Vbi vir sanctus beneficia, quæ contulerat copiosa in seculo viuens, copiosius contulit in sarcophago requiescens; cæcos illuminando, claudos restituendo, dæmonia ei- *noua mira-*  
*culu à mor-*  
*te illustra-*  
*tur.*  
 ciendo, leprosos curando, surdis auditum præbendo, & infinitis alijs sanitatem largiendo. Quorum infirmorum nomina, ad vitandam prolixitatem, non sunt hîc descripta. Eius precibus nos commendemus; ut cum Christo

Christo in æternum vivamus, cuius regnum  
& imperium sine fine permanet in secula se-  
culorum, Amen.

a *Aliter paullo 2. Vis. oppidò Deo vulgò placere.*

b *De S. Liborij aetate egimus §. 1. n. 4.*

c *Ibidem nu. 1. ostendimus quanto legendum.*

# ALIA VITA

Auctore Saxone anonymo,

*Ex MS. Canon. Regul. Corfendoncano  
& Bodecensi.*

## LIBER PRIMVS.

### CAPVT I.

S. LIBORII *gesta unde Auctor  
acceperit.*

*Doctores & I.  
Episcopi à  
Deo dati,*



Quamuis multifariam mo-  
disque ineffabilibus super-  
næ bonitatis erga salutem  
humani generis prædispen-  
satio cognoscatur; in hoc  
tamen maximis videtur clarescere indicijs,  
quòd Ecclesiæ suæ, in hac mortali conuersa-  
tione pro æternæ vitæ præmio laboranti, ta-

les eruditores defensoresque prouidit, quorum doctrinis & exemplis informari, quorum meritis & intercessionibus possit in perpetuum adiuuari. Omnibus enim, qui in pro-  
 cinctu fidei positi, agone militiae Christianae contra spirituales nequitias iugiter colluctantur, quid utilius esse credatur, quam illorum imitandas prae oculis habere virtutes, qui in eodem agone legitimè certantes, perpetuam adepti sunt victoriae coronam: Quid felicius, quam eorum precibus muniri, quibus cuncta, quae petierint, praestanda Veritas ipsa promittit? De his enim loquimur, qui verè in Christo manentes, eiusque in se verba manere facientes, illud consequuti sunt praemium, quod ipse promisit, dicens: Quodcumque volueritis, petetis, & fiet vobis.

*Ecclesiam  
 imitant ver-  
 bo, exemplo,  
 patrocinio*

*Ioan. 14. 13.*

*Ioan. 15. 7.*

2. Hoc equidem licet ad Apostolos specialiter dictum sit, pertinet tamen nihilominus etiam ad alios quosque excellentiâ sanctitatis insignes; illos praecipuè, qui Apostolorum tam meriti quam officij successionem sublimati, perenni refulgent gratiâ sacri praesulatus. Ij namque tantò facilius à Deo quaelibet impetrant, quantò ei & per puritatem conuersationis, & per sublimitatem sacri ordinis appropinquant. Nec dubium quin plurimum illorum preces apud Dominum valeant, quorum ipse potestatem tantum in caelo terrâque valere concessit, ut quidquid hinc ligarent, maneret ibi ligatum; quidquid hinc

solue-

soluerent, esset protinùs ibi solutum. Præterea illorum officij dignitatem ipse inhabitator & consecrator eorum Spiritus sanctus ostendit,

Malac. 2. 7. qui per Prophetam Malachiam loquitur, dicens: Labia Sacerdotis custodient scientiam, & legem requirant ex ore eius: quia Angelus

Apoc. 1. 20. Domini exercituum est. Hinc in Apocalypsi Ioannis, Ecclesiarum Præsules non nisi Angeli vocantur, signati per septem stellas, in Christi dexterâ demonstratas. Sunt enim stellæ, quia virtutibus radiant, Angeli, quia mandata Divinæ iussionis annuntiant. Constat igitur, eos non parum transcendere modum infirmitatis humanæ, quos toties Scriptura sancta non dubitat Angelos appellare.

*Angeli &  
Stella dicti*

3. Ipsorum verò in Ecclesiâ Principes & primi propagatores, Apostoli fuere, qui post gloriosam Domini nostri Iesu Christi ad cælos ascensionem, iuxta promissionem ipsius, Sancti spiritus infusione roborati, & scientiâ omnis veritatis instructi, in diuersas mundi totius penè profecti sunt regiones, verbum salutis annuntiantes vbique, & tam miraculorum signis, quàm prædicationum hortamentis, id in breui efficientes, ut, quemadmodum egregius olim Propheta præcinit, In omnem terram exiret sonus eorum, & in fines orbis terræ verba eorum. Ex eorum igitur salutaribus cælestibusque doctrinis, quas ab ipso fonte veritatis largiter hauserant, Ecclesiasticorum ordinum regula, diuini cultus insti-

Psal. 18. 5.

*Apostolorum  
succes-  
sores.*

insti-

institutio, & tota Catholicæ religionis observatio sumpsit exordium. Post quos multi per orbem Ecclesiarum Præsules, illorum in omnibus vestigia sequuti, & eorum non minùs virtutum gratiam, quàm ordinis dignitatem adepti, eandem tenuerunt in fide sinceritatem, in moribus sanctitatem, in doctrinæ studio vigilantiam: quâ & fidelium mores corrigeret, & infidelium mentes ab errore converterent. In quo plures eorum tantùm Domino placuisse noscitur, ut clarissimis usque hodie miraculis coruscare videantur.

4. Ex quorum glorioso collegio vir magnificus & incomparabilis extitit sanctitatis Liborius, Ecclesiæ Cenomanicæ Præsul, cuius modò proposuimus vitam & transitum breviter commemorare; vtile ac fructuosum fore legentibus arbitrati, eius vitam actusque cognoscere, quem sequendo, possint in Divinâ servitutē proficere. Eius etenim vita nihil aliud erat, nisi quoddam cælestis conversationis indicium, Christianæ religionis exemplum, virtutis ac fidei documentum. Vnde quoniam ipse Dominicum illud implevit præceptum, Luceat lux vestra coram hominibus, ut videant opera vestra bona, & glorificent Patrem vestrum qui in cælis est; nobis in vitæ mortalis errore degentibus enitendum valdè solertī imitatione videtur, ut qui vitiorum & ignorantie tenebris obfuscamur, lucis suis bonorum eius operum radijs

*S. Liborij  
vita fideliter scripta;*

*Matt. 5. 16,*



illustremur. Nec nos quisquam existimet in eius laudibus à veritatis aut moderationis tramite deuiare, cùm nulla, nisi à veracibus scriptis seu relationibus comperta, proferamus; nec eum dignè à mortali linguâ posse laudari, ipse, cum quo nunc immortaliter regnat, Deus visibili palàm ostensione declararet. Testatur namque, cunctis eum virtutibus atque omni vitæ merito acceptum sibi fuisse viuentem, dum defuncti reliquias euidentissimis miraculorum signis frequenter glorificare non desinit.

*miracula  
post mor-  
tem,*

*que in vitâ,  
vel non scri-  
pta, vel de-  
perdita:*

5. Ex quo datur intelligi, hac eum gratiâ nequaquàm in præsentī vita caruisse, quamuis inde specialia litterarum indicia qualibet ex causâ non habeantur. Siue enim, quod familiaris Sanctis omnibus semper humilitas persuadet, ut ea quæ sibi ante humanos oculos laudi & gloriæ videri valent, celari abscondique desiderent, hoc ipse præ ceteris obtinuerit; siue gesta signorum virtutumque illius descripta quidem plenius, sed casu quolibet posterorū notitiæ subtracta fuerint, siue aliud quid causæ fuerit ignorantes, liquidò tamen credimus, eiusdem sancti Spiritus gratiam, qui toties ante eius sacrosancta pignora præclarum sui charismatis donum, operationem scilicet virtutum, ad ipsius demonstranda merita exhibere dignatur, eidem quoque in carne posito minimè defuisse. Non tamen desunt etiam certa de eius meritis apicum  
moni-

monimenta. Habentur etiam gesta Pontificum eiusdem, cui præfuit, Ecclesiæ Cenomanicæ, simplici eloquio, & absque omni næuo figmenti, fideli narratione contexta : in quibus non plena alicuius eorum vitæ series replicatur; sed quis cui successerit, cuius meriti fuerit, quot annis Ecclesiam rexit, breuiter est annotatum. Huius verò sacri ac pretiosissimi viri Liborij etiam transitus ex hac valle lacrymarum ad societatem semper verè beatèque gaudentium ciuium supernorum, quo contigerit ordine, latius indicatur. Extant & aliæ de eius ortu & vitâ litteræ strictim exartæ, de quibus omnibus vtilissimis quibusque & veracissimis narrationibus defloratis, hîc eas, prout diuinitus facultas datur, paucis explicare conamur.

*a In ms. monasterij Bodecensis Canonico Regular. Ord. S. Augustini, è quo variantes lectiones nobis Ioannes Gamansius noster communicauit, hîc Prologi finis, Vita exordium erat.*

## CAPVT II.

S. LIBORII à primâ ætate sanctitas;  
Episcopatus.

6. **H**ic igitur ex Gallijs originem ducens, & parentum non ignobili ortus profapiâ, clarissimam a patriam suorum claritudine meritorum ampliùs illustrauit. Namque ab ætate primæuâ, maturum in bonis actibus

*S. Liborius Gallus, nobilis, à puero gravis,*

cor gerebat, neque illecebris voluptatum carnalium, ut ætati lubricæ moris est, animo cedens, neque vitio leuitatis indulgens. Adedò verò sese humilem & quietum & trementem sermones Domini exhibebat, ut meritò super illum sancti Spiritus gratia requieuisse credatur, quæ illum ad sacerdotij dignitatem, ac dispensationem sacramentorum Dei, ad regimen fidelis populi nutriebat. Hæc etiam illius animo flagrantissimum discendi studium inspirauerat, quatenus cælestium fluentis arcanorum, quæ multis erat quandoque largiter ructaturus, ipsius primùm præcordiorum intima salubriter implerentur. Neque vnquam peruerso quorundam more prius voluit docere, quàm discere: sed tamquam futurum se Doctorem prælagâ mentem aduerteret, cunctarum ferè sibi vtilium scientiam scripturarum satagebat intentus auditor acquirere, quas postmodum, quibus opus esset, valeret facundus præceptor ingerere. Nec deerat sagacis ingenij vigor, largam bono studio efficaciam subministrans: magnamque in teneris adhuc annis præclaræ indolis flores spem suauissimorum fructuum præbuere, quos abundanter constat postea prouenisse. Denique simul cum processu temporis, probitatis ac sophiæ proficiens incrementis, ita in breui maturitatem virilis ornabat ætatis, ut acceptus apud omnes, & tam honore, quàm amore, dignus haberetur. Nec mirum:

quippe

*discendi  
avidus,*

*omnibus  
vitiis,*

quippe quem nulli elatio proteruum, nulli asperum liuor, nulli contemptibilem fecit ignauia; sed humilitas etiam infimis coaptaret, caritas cunctis exhiberet affabilem & conformem, industria demonstraret eum esse vas vtile in domo Domini, ad omne opus bonum paratum.

7. Postquam autem tam vitam, quam habitum secularem, cælestium præmiorum intuitu, dereliquit, & verè à Domino in suam electus sortem, Clero associatus, ac officiis est functus Ecclesiasticis, ampliùs totum se Diuino cultui visus est mancipare. Studebat namque, quantum fragili carnis sarcinâ circumdatus potuit, cunctos actus cogitatusque suos ad rationis normam dirigere, circumspectus ac prouidus, docilisque & cautus existere, aduersa vel prospera æquanimiter ferre, animam supra temporalis periculi metum fortiter agere, nihilque nisi quod esset ante superni examinantis oculos scædum, peccati scilicet maculas, formidare: habere de Dei bonitate fiduciam, securitatem, constantiam, tolerantiam, firmitatem: prætereà nihil appetere pœnitendum, in nullo legem moderationis excedere, sub iugo rationis cupiditatem moderari vel domare. Hinc modestus & abstinens, castus & honestus, parcus & sobrius ante Deum & homines permanebat. Iam verò in illo propositum æquitatis iustitiæque seruandæ, quis vnquam dignè valeat

*Clericus factus  
sanctis  
sine viuiss*

explicare? Quis eius circa innocentiam, humanitatem & concordiam studium, quis erga pietatem & religionem enarret affectum? Omnis eius animi meditatio, à rebus vanis & caducis remota, circa salutem animæ ac statum vitæ perpetuæ versabatur.

*eligitur Ce-  
noman. Epi-  
scopus,*

*post S. Pa-  
naciū.*

8. Proinde quia tantus in eo cælestis iubaris splendor celari diu non potuit, sanctitatis eius ita rumor excreuit, vt totius inclytæ ciuitatis Cenomanicæ populi ad hunc sibi met eligendum Pontificem, vnanimiter corda conuerterent. Nec dubium, quin se beatos fore arbitrarentur, qui talem habere Pastorem ac Præsulem mererentur: cui ad docendum suppeteret linguæ disertitudo, ad doctrinam exemplis firmandam vitæ rectitudo, ad exorandum pro subditis Deum meriti magnitudo. Vnde cùm memoratæ vrbis populum Antistitis sui Pauacij viri sanctissimi obitus ingenti, vt par erat, mærore afficeret; consolabatur tamen huius concorditer electi probitas, & firmata de illo apud omnes fiduciæ certitudo, quòd nemine Sacerdotum Christi esset inferior. Quinimò antiquam Israëliticæ gentis gratiam sibi præstitam gratulabantur: quia sicut illis quondam, ablato & ad cælum raptò Eliâ Prophetâ sanctissimo, Elisæus duplici eius spiritu repletus successit; ita spirituales B. Pauacij virtutes, in successore Liborio repræsentandas, aut etiam duplicandas fore sciebant. Quapropter gaudentibus cunctis,

cunctis, Ecclesiæ Christi regimen, ad quod olim erat diuinitus præordinatus, iuxta morem canonicum assumpsit, regulariter Pontifex ordinatus.

a *Legenda pars secunda* : patrum suorum lineam.

## CAPVT III.

S. LIBORII *mores in Episcopatu, prædicatio,*

9. **S**Vscepto verò sacerdotio, nihil ex studio sanctitatis, quam prius exercuerat, dereliquit; sed tamquàm lucerna super candelabrum posita, ita ille Diuinâ luce repletus, quò in eminentiore constitutus est loco, eò latiùs in domo Dei collatæ sibi gratiæ notitiâ refulgebat. Neque illum tantæ dignitatis honores solitæ religionis mutare fecerunt <sup>præclare munus illud geris,</sup> nec Ecclesiasticorum occupationes negotiorum quidquam ex quotidianâ Diuinæ laudis & placationis seruitute prætermittere coëgerunt. Quinimò tantò eam instantiùs adaugere curauit, quantò iam non suæ solius, sed multarum animarum salutis causâ rectè se viuere debere sciebat: quibus frustrâ videbatur præesse, si non studeret etiam monitis exemplisq̃ue prodesse. Ob hoc igitur, nullius <sup>numquam otiosus,</sup> momenti spatium otiosè transigere volens, semper erat vtilibus intentus actibus, nunc

lectioni diuinarum Scripturarum operam impendens, nunc orationi prolixius incumbens: interdum etiam rerum exteriorum dispositioni, prout suo conueniebat officio, prudenter consulens atque prospiciens.

10. Assidue verò vigilijs & ieiunijs castigabat corpus suum, & in seruitutem redigebat, ne alijs prædicans, ipse reprobis inueniretur. Erat enim prædicationis studio valdè intentus, & tamquàm se nosset gerere officium Apostoli, dicentis, Non enim misit me Christus baptizare, sed euangelizare; atque ab eodem audiret, Prædica verbum, in sta opportune, importune; ita ipse quotidie modis om-

1. Cor. 1. 17. nibus auditores suos ad vitæ rectitudinem

2. Tim. 4. 2. prouocabat. Cuius præcepta & monita id  
*assidue prædicans,* maximè populo grata & amabilia faciebat,

quòd eius vitam in nullo doctrinæ contrariam deprehendebant: sed quod illis sectandum assererat, euidentissimè in eius moribus agnoscebant. Verbi gratià: qui elationem velut initium omnis peccati cauendam penitus ab illo sæpè didicerant, nullum eius indicium in illius actibus, in habitu, in vultu, in gestu corporis, in sermonis vsu sentire potuerunt.

Galat. 5. 26. Audiebant ab eo: Non efficiamur inanis gloriæ cupidi: videbant eum verè pauperem spiritu, numquàm nisi in Domino gloriari. Audiebant ab eo, quòd inuidiâ diaboli, mors introiuit in orbem terrarum: &, Putredo ossium, inuidia: videbant eum affectu be-

neuo-

Sap. 2. 25.

Prou. 14. 30

*E eadem  
agens:*



nevolentiæ gaudere cum gaudentibus, flere cum flentibus; aliorum prospera vel aduersa, sua æstimare. Audiebant ab eo: Ira enim *Iacob. 1. 20.* viri, iustitiam Dei non operatur: videbant eum, omnem ostendentem mansuetudinem ad omnes homines. Audiebant ab eo: Seculi *2. Cor. 7. 10.* tristitia mortem operatur: videbant eum esse hilarem datorem, quem diligit Deus. Audiebant ab eo, avarum esse idolorum seruitorem: videbant eum rerum suarum erogatione *Ephes. 5. 5.* largifluâ thesaurizare sibi thesaurum in cælo. Deinde si quis eius parsimoniam, strenuitatem, castitatemque attenderet, non alijs ad fugiendam vitiorum corporalium labem admonitionibus indigeret.

II. Ita pius gregis Dominici pastor, com- *multos con-*  
missis sibi ouibus, adhibitâ curâ duplici, ex- *uertit.*  
hortationibus scilicet & exemplis, iter ad æternæ vitæ pabula quærenda, & spiritualium morborum dira contagia vitanda, demonstrans, tantum ex eis lucrum acquisiuit, ut, quod voce Domînicâ per Malachiam dicitur, de illo conuenienter valeat dici: Lex veritatis fuit in ore eius, & iniquitas non est inuenta in labijs eius. In pace & in æquitate ambulauit mecum, & multos auertit ab iniquitate. Verè enim multos ab iniquitate conuertens, & rectitudini vitæ fideique restituens, inter sanctos Ecclesiæ Christi Doctores præclarum obtinet locum: quorum multimodam gratiam, & infinitam meriti excel-

*Malach. 2. 6.*

*dignus encomiis quibus  
Doctores ornati Scriptura:*

lentiam, ipse verus eiusdem Ecclesiæ sponſus,  
 in Canticis Canticorum multiplici laude  
 proſequitur: nunc eos ipsius ſponſæ collum,  
 monilibus aſſimilatum, vocans; nunc tigna  
 cedrina & laquearia cypreſſina cognominans;  
 interdum labia, vittæ coccineæ, propter præ-  
 dicationem Paſſionis Chriſti, ſimilia, ſeu fa-  
 uum dulcedinis verbi Dei ſtillantia; nonnum-  
 quàm turrim David, ob conſtantię firmitatem,  
 eos appellans. Aliquando verò ibidem, ob  
 nutrimentum paruulorum, quibus lacte opus  
 eſt, mammæ dicuntur. Aliquādo fauo ſimul  
 & vino, aliquando decori turris eburneæ  
 comparantur. Plerumque portæ Eccleſiæ  
 nuncupantur: & propter variam vtilitatem,  
 firmitatem, prouidentiam, contemplationem,  
 dentium & oculorum nomine deſignantur.  
 Prætereà ipſi ſunt ſexaginta fortes, Salomonis  
 lectulum ambientes: ipſi columnæ argenteæ,  
 ſacri eloquij nitore fulgentes. Quarum om-  
 nium ſimilitudinum ſi quis myſteria perſeru-  
 tetur, proſectò inenarrabilem huius ſanctæ  
 Eccleſiæ Doctōis & eius ſimilium gratiam  
 dignitatemq̃ue reperiet, cū ſatis indicent  
 hæc pauca, de pluribus ex illo cæleſti epitha-  
 lamio ſumpta, quòd nihil his illuſtrius, nihil  
 pulchrius, in ſponſæ laudibus decantandum  
 Spiritus ſanctus inuenit. Qui etiam de eiſdem  
 per Danielelem ita loquitur: Qui autem docti  
 fuerint, fulgebunt quaſi ſplendor firmamen-  
 ti: & qui ad iuſtitiam erudiunt plurimos,  
 quaſi

quasi stellæ in perpetuas æternitates. Sed quoniam huius clarissimæ stellæ in erudiendis subditis feruorem pariter & splendorem ostendimus, quibus virtutum radijs in alijs quoque rebus effulserit, monstrare curemus.

## CAPVT IV.

*Sacrarum rerum cura.*

12. **H**Abuit vir sanctus hoc præ ceteris *cultum Di-*  
 tum temporis Pontificibus, religio- *uinum pro-*  
 nis & Dei amoris indicium speciale, quòd *monet:*  
 omnia, quæ ad eius laudem iugiter celebran-  
 dam & Ecclesiastici cultus officium perti-  
 nent, totis nisibus amplificare, prouehere at-  
 que adornare contendit: & exceptis his, quæ  
 sibi suisque ad quotidiani victus & vestitus  
 necessaria, quibus solis contentus erat, vix  
 sufficere poterant, nec non & his, quæ ad  
 egentium & inopum sustentationem largâ  
 manu solebat expendere, reliquos omnes re-  
 ditus episcopalium possessionum, omnes  
 quarumlibet rerum census, qui sibi ex omni  
 suâ diœcesi debebantur, vel si quid ex fide- *templa or-*  
 lium donationibus conferebatur, ad ex- *nat;*  
 hibendum ecclesijs congruentem ornatum,  
 & noua quoque oratoria in locis, quæ ad hoc  
 opportuna videbantur, construenda deputa-  
 uit. Quorum constructionem primùm Diui-  
 næ seruitutis multiplicandæ intuitu aggre-  
 dieba-

17. nona &  
discat;

diebatur; dehinc etiam plebium commoditati pariter & salutis prospicere pie meditabatur, ut ad ecclesias cum suis Sacerdotibus propè positas facile confluere, orationum studijs alluere, regenerationis gratiam consequi, documenta sacre legis audire, celestium sacramentorum celebrationibus interesse, atque omnia Christianæ religionis iura discere & exercere valerent: nec quemquam ullius molestiæ seu occupationis impedimentum exinde reuocaret, quod vniuersos ad salutem animarum quarrendam ipsa loci opportunitas inuitaret. Hac igitur intentione præter illas, quæ à suis prædecessoribus fabricatæ fuerant, decem & septem sacris ædibus nouiter constructis & dedicatis, suam parochiam ita omnem illustrauit, ut in qualibet eius parte populo degenti aliquam orationis domum vicinam esse constaret. Locorū verò, in quibus eas construxit, hæc nomina ponere dignum ducimus, quod religiosi operis memoria firmior, & fides certior habeatur. Vnam itaque ædificauit in Colinno, alteram in Siluiaco, tertiam in Raudatio, quartam in Campogenneto, quintam in Conedaco, sextam in Aciaco, septimam in Aloncianno, octauam in Sangunno, nonam in Sabonario, decimam in Bonâ, vndecimam in Luciâ, duodecimam in Lugdunâ, tertiamdecimam in Marsone, quartamdecimam in Paliaco, quintamdecimam in Magitto, sextamdecimam in Nouiliaco,

liaco, septimamdecimam in Comnis.

13. Quibus ritè perfectis & decenter ad-  
ornatis, ac Sacerdotum & inferioris ordinis *sacra officia  
assidue in ijs  
fieri iubet.*  
Clericorum iugi providentiæ commendatis,  
obseruandum omnino censuit, ne qua ibidem  
legitimis horis die noctuque factorum inter-  
missio fieret officiorum, quibus sanctæ & in-  
diuiduæ Trinitati debitæ gratiarum actiones  
& laudes referrentur. Deinde ut unitati & *Et ab ijs  
censum pen-  
di ad lumi-  
naria Ca-  
thedr. eccle-  
sia:*  
concordiæ totius populi commissi consule-  
ret, atque omnia illius diœceseos loca Deo  
dedicata, cum vniuersis ad se pertinentibus, an-  
tiquæ & principali suæ Sedis ecclesiæ, velut  
vni capiti & matri omnium, subdita mon-  
straret esse debere, decreuit ut illuc ex reli-  
quis omnibus Ecclesijs per annos singulos  
census perfolueretur, certus scilicet numerus  
librarum ceræ atque olei, prout illis offerendi  
facultatem suppetere sciebat. Æquum tamen  
omnibus eisdem locis debitum imposuit; hoc  
est, ut ex vnoquoque redderetur vna ceræ li-  
bra, & olei duæ, præter id, quod custodibus  
præfatæ principalis ecclesiæ dari constituit. Ex  
quo verè sancta & religiosa intentio beati  
viri satis apparet, quod non sibi aurum vel  
argentum, seu quodlibet earum rerum, quæ  
mundum amantibus pretiosa, ipsi verò, velut  
cælestia desideranti, omnino erant contem-  
ptibilia, coaceruauit; sed ea magis Ecclesiæ  
dari constituit, quæ ad luminaria iugiter in eâ  
concinnanda copiam darent. Nam quoniam  
ipse

ipse fuit templum veri luminis, hoc est, Spiritus sancti, etiam corporalis lucis ornatum manufactæ domui Dei noluit vnquā deesse.

*sacros ministros ordi-  
nat:*

*etiam laicos  
se probat:*

14. Mansit autem in Episcopatu annos quadraginta & nouem: in quibus fecisse legitur ordinationes nonaginta & sex; ordinasse verò Presbyteros ducentos decem & septem, Diaconos centum septuaginta sex, Subdiaconos nonaginta tres; reliquorum quoque graduum ministros, quantum sacris officijs congruum & sufficiens esse videbat. Prætereà habuit bonum testimonium etiam ab his, qui foris sunt: ita vt hoc quoque specialiter de illo præfata referant scripta, quòd studuerit Deo in omnibus dulciter famulari, & in rebus Ecclesiasticis Deo & hominibus bonis oppidò placere. Vnde liquidò pater, sic eum religionis constantiam ante Deum seruasse, vt tamen proximorum oculos non offenderet: sic humano foris placuisse iudicio, vt Diuinis obtutibus non displiceret in occulto. Ita per omnia verus Dei cultor illi meritò Pontifici comparatur, quem sine querelâ Domino, seruasse Euangelica laudat historia: nisi quòd hic tantò præstantioris fuerit sacerdotij Præsul, quantò figuram veritas, quantò legem veterem noua Christi gratia transcendit. Illo denique præfulatu sancti, animalium cruores immolabant: huius sacerdotij primus auctor & Pontifex, per proprium sanguinem introiuit semel in sancta.

Et

Et tamen in officio dispari fuere Pontifices isti, sanctitate pares, ambo Euangelicâ laude digni, ambo iusti ante Deum, incedentes in omnibus mandatis & iustificationibus Domini sine querelâ.

a Ms. *Corfend. Marfano. Nonnulla horum vicorum aut oppidorum nomina aliter paullo in 2. Vita expressa.*

## C A P V T V.

### S. LIBORII obitus, sepultura, miracula.

15. **C**VM autem Diuinæ Maiestati complacuit, post tam diuturna tot annorum certamina, victorem hostis antiqui, militem suum æterno præmio glorificare, anno quinquagesimo Episcopatus sui, corporis eum molestiâ ita fatigari permisit, vt adesse sibi diem exitus sui non dubitaret. Qui annus illi verus extitit lubilæus, quem in eodem numero annum remissionis appellans, vnumquemque in eo redire ad familiam, & ad possessionem suam lex Diuina præcipit. Nam & ipse quod Leuit. 25. minùs se dubitaret ad requiem tendere, post 10. septem septimanas annorum, ex quo constitutus est super familiam Domini, adhuc in terris positam, ad eam quæ in cælis est, lætus vocari meruit, vt possideret terram, quam mansuetis & mitibus Veritas repromisit. Matth. 5. 4.

16. Eodem tempore S. Martinus Episcopus



*S. Martinus* pus Turonensem regebat Ecclesiam, vir A-  
*Angelico* postolicis clarus omnino virtutibus: cui inter  
*monitu, vi-* illa, quibus assidue frui solebat, Angelicæ col-  
*sit:* locutionis mysteria, etiam hoc ex Diuinâ re-  
 uelatione præceptum est, ut ad urbem Ceno-  
 manicam pergeret, atque ibidem in infirmi-  
 tate positum Dominum visitaret. Vide anim-  
 aduertens, hanc Domini infirmitatem de  
 aliquo membrorum suorum intelligendam,  
 de quibus ipse dicturus est in iudicio, Infirmus  
 fui, & visitastis me; cœpit illicò festinus  
 ad memoratam pergere ciuitatem. Cui cum  
 iam appropinquans, iuxta vineam quamdam  
 iter ageret, vidit eminùs in eâ stantem Cleri-  
 cum gradu Subdiaconum, *a* Victurium no-  
 mine, operi quidem, *b* quodcumque ibi agen-  
 dum erat; studiosius insudantem, sed nihilo-  
 minùs frequentatione psalmodiæ laudes Do-  
 mini decantantem. Hic erat discipulus S. Li-  
 borij, atque in ipsâ suæ continentiæ mentis-  
 que & habitus humilitate, bonæ institutionis  
 magistri optimi clarum præbebat indicium.  
 Quem intuens S. Martinus, reuelante sibi  
 Spiritu sancto hunc esse futurum ibi Episco-  
 pum, his eum verbis salutauit, dicens: Aue  
 noster Pontifex. Dehinc illi baculum suum  
 dedit, atque ita concito gradu, in urbem pro-  
 perauit. In quâ inueniens sanctum & verè  
 Deo dilectum Præsulem iam in extremis po-  
 situm, & cælesti tantùm gaudio, quò iturus  
 erat, intentum, cum ineffabili ab eodem læti-  
 tiâ

Matth. 25.  
36.

*a*  
*b*  
*S. Victu-*  
*rium illi*  
*successurum*  
*prædicat.*

tiâ susceptus est. Hic verò necesse est, vt no-<sup>p̄ijs colloquijs</sup>  
 ster sermo deficiat: quia neminem dignè con-<sup>Liborium</sup>  
 stat posse referre, quàm diuina, quàm spiritua-<sup>animar,</sup>  
 lia, quàm cælestia fuerint eorum colloquia;  
 cum quâ se exultatione mutuò viderint, quo  
 mentis affectu suam ad tempus separationem  
 ferre potuerint. Erant enim ambo Christi mi-  
 litum excellentissimi duces, ambo crebris de  
 diabolo triumphis gloriosi. Sed alteri iam  
 reddendum erat præmium sempiternum, al-  
 teri aliquamdiu differendum, & adhuc pro  
 castris Dei fuerat decertandum.

17. Igitur B. Liborius, præsentē sibi tanto <sup>& sanctū</sup>  
 consolatore, suarumque exequiarum proui-<sup>mortuum</sup>  
 fore, & decimo Kalendarum Augustarum die <sup>sepelit:</sup>  
 latus migravit ad Dominum. Cuius venera-<sup>c</sup>  
 bile corpus S. Martinus cum honore congruo  
 ad ecclesiam extra urbem positam duci, & in  
 eâ sepeliri fecit: quam primus eiusdem Sedis  
 Antistes, Iulianus nomine, construxit, & in  
 honore <sup>d</sup> duodecim Apostolorum dedicauit.  
 Decebat enim, vt qui Apostolorum in terrâ  
 successor, & in cælis esse meruit consors, in  
 eorum quoque ecclesiâ communi cum illis  
 memoriâ coleretur. Sequenti verò die vir Dei  
 Martinus populum omnem, qui ad tanti viri  
 exequias copiosus nimis & innumerabilis  
 conuenerat, & internum amorem erga Pa-  
 storem suum largissimis lacrymarum fonti-  
 bus testabatur, in ecclesiam conuocans, san-  
 ctæ admonitionibus doctrinæ consolabatur,

eisque præfatum Victurium ordinavit Episcopum.

*Liborius  
post mortem  
miraculis  
illustratur.*

18. Tradunt quoque litteræ superius memoratæ, multa quidem S. Liborium in hac vitâ fecisse miracula, sed multò plura postmodum ad sepulcrum eius fuisse diuinitus ostensâ, licet ob multitudinem suam nominati expressâ non sint. Quod nos facillè credimus ex his, quæ oculis nostris videre meruimus, postquam ad nos sacrum translatum est corpus, sicut, adiuuante Domino, sequens huius operis textus enarrabit. Nam quoniam ipse verè fuit organum Spiritus sancti, per ipsius nunc operationem ante eius reuerenda pignora virtutum signa sæpius ostenduntur; curationes scilicet debilium, salutes languentium, expulsionem immundorum spirituum; præstante ipsius gratiâ, qui est fons & origo bonorum omnium, Deus & Dominus noster, qui in Trinitate inseparabili viuit & regnat per infinita secula seculorum, Amen.

a *Alij Victorem, Victurum, Victorium vocant. Colitur 25. Augusti, uti testatur Coruallierius; at 1. Septemb. alter Victorius, eius filius.*

b *Ms. Bod. addit, vinearum. Non satia eam interpolationem patiuntur sequentia verba, quodcumque ibi agendum erat: etsi ex S. Victorij Vitâ constet, eum operantem in vineâ repertum à S. Martino.*

c *Dissentiant alia eius Acta, ut suprâ §. 1. diximus, colitur saltem hoc die.*

d *Vita primo loco relata, solum habet Petri & Pauli.*


# LIBER SECVNDVS.

## TRANSLATIO

### S. LIBORII.

#### CAPVT I.

*Scriptiois caussa. Episcopatus primi  
in Saxoniam.*

- i.  Escriptis superiori libello *Bifonia Ep.*  
vitâ & transitu pretiosissimi *iussu scripta*  
Confessoris Christi atque *hac histo-*  
Pontificis Liborij, nunc se- *ria,*  
cundum tuam, a Biso, Præ- *a*  
sul egregie, iussione, ad exponendam seriem  
Translationis eius sacratissimi corporis, &  
ostensa per eius merita virtutum *b* insignia, *b*  
pro concessâ diuinitus facultate, stylum men-  
temque conuertimus; excitante studium no-  
strum pensatione sollicitâ, qualiter vobis ob-  
temperare, quantum deferre debeamus, ma-  
ximè cum eorum officij dignitate sublima-  
tos, quibus Diuinâ voce dicitur, Qui vos *Luc. 10. 61*  
spernit, me spernit, non dubitetur, vos mini-  
mè sine Dei contemptu posse contemni.  
Proinde ad retexendas cum laude debitâ vir-  
tutum operationes, per quas sancti Spiritus  
F 2 gratia

#### 84. VITA S. LIBORII PATRONI

*circa Pentecosten inchoata.*

gratia solet electorum merita declarare, eo, quo te præcipiente huic operi insistere debuimus, nullum opportunius tempus occurrat: appropinquante videlicet sacrâ solennitate aduentus eiusdem Spiritus Paracleti, qui B. Liborij & in hac vitâ manentis inhabitator apparuit, & nunc ipsius sanctitatis per miracula index & glorificator existit. Cuius nos ad susceptum opus auxilium haudquaquàm inefficacibus votis inuocaturos speramus, præsertim cùm non aliud, quàm quod ipso adueniens, mentibus, quas repleuit, ad proferendum inspirauit, Dei scilicet magnalia loqui, & ipsum mirabilem in Sanctis suis monstrare conemur. Sed antequàm ad rei gestæ ordinem veniamus, causam Translationis memoratæ, atque exordium constructionis ecclesiæ, quæ tanto cælitus illustrari meruit thesauro, referre breuiter congruum arbitramur.

*Carolus Magnus, Saxoniam domitæ,*

2. Igitur vbi primùm gloriosæ memoriæ Carolus Imperator, concertatione longissimâ, & varijs præliorum euentibus, cum gente Saxonum exactis, illos ferro edomitos Christi fidem suscipere fecit, suoque addidit imperio, clarum illicò dedit indicium, quâ fretus intentione, tam diuturnum laborem infatigabilis ferre potuerit. Siquidem, vt in e libello vitæ ipsius legitur, triginta & tribus continuis annis bellum cum eadem gente gessit. Quâ tandem partim armis, partim liberalitate

tate, per quam maximè Primorum eius animos sibi deuinxerat, superatâ, totum exinde suum ad hoc contulit studium, vt pro tantarum saluatione animarum populi, post tot secula cultum demonum relinquentis, fructum sui laboris ex Dei remuneratione consequeretur. Et vt se magis Christianæ religionis, quàm regni sui dilatandi causâ, tantæ rei difficultatem aggressum ostenderet, ecclesias *templa multa extruit;* per omnem regionem illam, ad quas rudis infide populus confluere doceretur, & sacramentis cælestibus initiari consuesceret, sub quantâ potuit celeritate construi fecit; atque parochias diligenti ratione suis quasque terminis seruandas designans, quia *d* ciuitates, in quibus more antiquo Sedes Episcopales constituerentur, illi penitus proninciæ deerant; loca tamen ad hoc, quæ & naturali quadam excellentiâ & populi frequentiâ præ ceteris opportuna videbantur, elegit.

3. Tum verò vix reperiebantur, qui barbaræ & semipaganæ nationi Præsules ordi- *Es, quia v-  
bes non erāt,  
in pagu epi-  
scopatui cri-  
git,* narentur. Cuius interdum ad perfidiam relabentis cohabitatio, nulli Clericorum tuta videbatur: cui Ecclesiasticum officium, & quidquid ad rerum Diuinarum pertinet cultum, non solùm deerat, verùm ignotum omnimodis erat. Quocircâ vnâquamque prædictarum pontificalium Sedium cum suâ diœcesi singulis aliarum regni sui Ecclesiarum Præsulibus commendauit, qui & ipsi, quoties sibi

quos alia-  
rum Se-  
dium Epi-  
scopis com-  
mittis:

vacaret, ad instituendam confirmandamque in sacrâ religione plebem, eò pergerent, & ex Clero suo personas probabiles cuiuscumque ordinis, cum diuerso rerum Ecclesiasticarum apparatu, ibidem mansuros iugiter destina- rent. Et hoc tamdiu, donec annuente Domi- no salutaris illic fidei doctrina conualesceret, & ita Diuini vsus ministerij proucheretur, vt propriij quoque in singulis parochijs dignè & fiducialiter possent manere Pontifices.

Biso Ep.  
Paderborn.  
4.

a Biso quando sederit, *suprà* indicauimus §. 2. tem- pore nimirum Ioannis VIII. Papa, vt scribit Gobelinus Persona, Cosmodromij *atate* 6. cap. 45. Sedit verò Ioan- nes à 14. Decemb. *an.* 872. ad 15. Decemb. 882. Biso autem rexit ipsam Ecclesiam Paderfontanam, in- quit idem, annis xxiii. Hic à Carolo Crasso Imp. vt refertur in *Vitâ S. Meinverci Ep. Paderborn. quam* v. Iunij dabimus, *an.* 885. electionem Episcoporum inter eiusdem & ab eiusdem Ecclesiæ filijs facien- dam impetrauit. Idem corpus S. Meinulphi, vt dic- mus ad eius *Vitam* v. Octob. transfudit temporibus Ar- nulphi Imp. qui rerum potitus est à fine anni 887. ad *an.* 900.

b *ms. Corfend.* Signa.

c *Dedimus* 28. Ianuarij S. Caroli Magni *Vitam* per Eginardum. Tomo 2. Scriptorum Francic. Andrea Duchesnij in *uarijs Annalibus Francorum* plenius re- feruntur eius *res gestæ*.

d Gobelinus cap. 38. *etat.* 6. in totâ patriâ illâ non erat locus muris cinctus; paucis castris exceptis.



## CAPVT II.

*Primus Paderbornensis Episcopus  
B. Hathumarus.*

4. **I**Nter omnia verò loca, constituendis *Paderbor-*  
principalibus Ecclesijs in hac, de quâ lo- *na, sita a-*  
quimur, prouinciâ designata a Paderbornen- *mano loco,*  
sis Sedes speciali quadam dignitate præcellit, *a*  
habens amplissimam circumquaque plani-  
tiem, nemorum tamen frequenti & variâ di-  
uerſitate ſufficienter ornatam, agros vberes,  
& frugum omnium feraciſſimos. Cui adiacet  
à læuâ in ipſo mœnium proſpectu ſilua, mul-  
tis paſſuum millibus in longum latumque  
diffuſa, adeò pecorum & armetorum paſcu-  
is, apiumque ſeruandarum vſui opportuna; vt illi  
non diſſimilis videatur regioni, quam ſacræ  
litteræ vocant Terram lacte & melle manan- *fertili.*  
tem. Accedit ad ornamentum loci ſaluberri-  
morum fontium, intra ipſum oppidum in  
vnum pariter alueum confluentium, incom-  
parabilis tam ſpecies, quàm numerofitas; in  
tântum, vt eorum *b* latitudini & amœnitati  
ſimiles eſſe alibi minimè compertum habea-  
mus. Nec deſunt hinc inde & alia flumina,  
vtilitatum, quæ ab his petuntur, largiſſima.  
Aër ibidem & aura placidior, & licet in fri- *ſalubri,*  
gido terrarum tractu, naturali gratiâ tempe-  
rator, citiùs quàm in alijs illarum regionum

partibus, maturitatem cunctorum fructuum  
 afferre consuevit. Præterea pagus ipse, ut &  
 nostra memoria, & veterum relatio testatur,  
 viris omni nobilitate generis animique sem-  
 per insignibus abundabat: ut non esset du-  
 bium, quin patria ciuibus, & ciues patriæ  
 congruerent, ac sibi vtraque vicissim orna-  
 mento forent. Et hæc quidem pauca de plu-  
 ribus, hinc à nobis non ex superfluo dicta  
 animaduertet, qui Christianissimi Principis  
 ex hoc quoque in Deum deuotionem com-  
 probabit, quòd ea, quæ ex tantâ locorum  
 amœnitate iure belli acquisita, sub suâ potuit  
 tenere ditione, Diuino magis seruitio, quàm  
 suis deputauerit vsibus. Tamen interdum, pro  
 varijs gentis eiusdem vtilitatibus generale  
 placitum habiturus, illic populi conuentum  
 fieri iussit, & hac ibidem causâ aliquamdiu  
 solebat immorari.

*conuentum  
 habet:*

*S. Leonē III.  
 Papam ibi  
 excipit,*

*d*

*à quo ora-  
 dicata, collo-  
 cata reli-  
 quia*

*e*

5. Nam & vir sanctissimus & verè Apo-  
 stolicus Papa Sedis Romanæ, d Leo nomine,  
 iniusta ciuium odia perpeffus, illic eum adiit,  
 pro sedandis contra se ortis simultatibus, im-  
 perialem opem quæsiturus. A quo cum in-  
 genti ut par erat, honore susceptus, religiosum  
 eius ac salutare Christianitatis dilatandæ stu-  
 dium nobiliter inchoatum, Apostolicâ aucto-  
 ritate firmavit, atque in Ecclesiâ tunc ibidem  
 nouiter constructâ e quoddam altare conse-  
 crans, adorandas in eo reliquias Protomarty-  
 ris Stephani, quas secum Româ detulerat, collo-

collocavit ; fiducialiter id Principi promittens, quòd oratorium illud, tanti Martyris patrocínio munitum, non vlteriùs passurum foret iniuriam, quam, ipso referente, priùs ei contigisse cognouit ; vt videlicet ob incolarum loci perfidiam & odium in religionem Christianā, aliquoties f igni traderetur. Et ob hanc maximè caussam easdem reliquias ibi rogatu Imperatoris recondidit, non sine effectū congruo fiduciæ sponsonisq̃ue suæ, cū nihil tale postmodū illic perpetratum esse certissimum sit.

*ad fidei securitatem:*

f

6. Hoc igitur ordine Paderbornensis Ecclesiæ Sedes episcopalis tam Imperatoriā sanctione, quàm Apostolicæ benedictionis auctoritate primitus constituta, ob caussam superiùs memoratam commendata fuit aliquamdiu tuitioni Præsulum cuiusdam castelli orientalis g Franciæ, quod sermone barbaro Wirtzburg appellatur. Sub quorum regimine status rerum ipsius parum proficere potuit : quippe cū loca ipsa longā inter se terrarum intercapedine distarent, & Præfatos Præsules rarò hanc nouellam Ecclesiam inuisere, vel occupatio permetteret, vel commoditas suaderet. Neque enim ibi deerant negotia, quibus procurandis insisterent, neque huc pergendi laborem paruum faciebat itineris longitudo. Ibi res necessariæ sufficientes erant & ordinatæ: hîc & tenues, & cum difficultate nouiter ordinadæ.

*eum Episcopatum VVirtzburgensis regit:*

g

i  
 dein Ha-  
 thumarus,  
 Episc. Saxo,  
 olim obfes  
 datus Caro-  
 lo,

k

verè Apo-  
 stolo Saxo-  
 nicæ:

7. Quocircà meritò vtilius visum est, hanc Sedem suam per se habere Antistitem, qui non alibi occupatus, hîc tantùm agendis rebus præsens insudaret. Erat tunc temporis in Clero Wirtzburgensi vir magnæ humilitatis atque modestiæ, i Hathumarus nomine, de gente nostrâ, hoc est, Saxonicâ, oriundus: qui cùm adhuc puer esset, belli tempore Carolo Imperatori obfes datus, illic servari iussus est. Vbi postea tonsuratus, ac studijs litterarum traditus, in virum perfectum moribus & eruditione profecit. Hic ex præcepto Principis primus est Paderbornensis Ecclesiæ ordinatus Episcopus. Post cuius ordinationem paucis annis transactis, k idem gloriosissimus Princeps ab hac luce migravit. Cuius incomparabilem in omni virtutum gloriâ præstantiam licèt libellus de vitâ eius conscriptus plenissimè referat, nos tamen hîc aliquid de eo vel breviter dicere, ipsius in nos beneficij magnitudo suadet. Quem arbitror nostrum iure Apostolum nominari: quibus vt ianuam fidei aperiret, ferreâ quodammodò linguâ prædicavit. Qui cùm toties victoriâ potitus, quoties in procinctu positus, multas sibi gentes, multa regna subiecit; constat tamen eum gloriosissimè etiam de diabolo triumphasse, cui tot animarum millia, priùs sub eius tyrannide captiva, in conuersione nostræ gentis eripuit, & Christo Domino acquisiuit. A quo illum recipere præmium & confidimus, & opta-

optamus, ut fruatur in cælis Apostolorum consortio, quorum functus est in terris officio.

a ms. *Corsendoncanum*, Padaburnensis. Variè huius urbis nomen effertur ab antiquis Scriptoribus: Patresbruna, & Patresbrunnas appellatur in Ioannu Tiliy annalibus minoribus; in auctioribus Patresbrunna, & Patrisbrunno: in fragmento annalium Alex. Pétauji; Padresbrunnon, & Padresburnon: in annalibus Loiselij Paderbrunnen (vsi & in alijs quibusdam) & Padabrunno: in Vitâ Caroli Magni per incertum, Paderburnen, & Paderburnum: in eiusdem Vitâ per monachum Egoismensem, Paderbrunnem, & Padabruno: in Poëtâ Saxone Pathalbrunnon: apud Eginhardum, Padabruna: in Vitâ Ludouici Pij, Patrisbruna: in historiâ constructionis nouæ Corbeia, Patherbruna: in Annal. Fuldens. Padrabrunno, & Padraprunno: in historiâ Translationis S. Viti Patherbronna. Gobelinus cap. 38. nominis etymon exponit. Oritur enim isthic fluuius, qui Pader dicitur, ex tribus fontibus, quorum singuli Pader appellantur. Quare idem Gobelinus suprâ, Ecclesiam Paderfontanam dixit. Born namq; aut brunn, siue borne, & brunne Teutonice fontem significat. Quidam fluuiio huic nomen indidisse Carolum Magnum aiunt à Pado Italia fluuiio, ex tribus itidem fontibus, in unum coëuntibus alueum, orto. Refellitur id ex S. Ludgero, qui in Vitâ S. Svviberti I. Martij, inter Saxones VVerdense monasterium an. DCCCLXXVIII. populos recenset nesarium quemdam Ogellum Oosterbach de Paderborne; atque ex Poëtâ Saxone infrâ citando, qui vetustum fuisse urbis nomen significat, ergo & fluuij, à quo urbi nomen. Alij à Romanis, cum ijs in locu castra haberent, factum volunt, ob eamdem Padi similitudinem. Quod ut absque veteri auctore affirmare mihi non est animus, ita consentaneum rationi vsuq; non inficior; & accolarum traditione celebratum. Vix xv. stadia progressus

Paderbor-  
næ nomen  
variè ex-  
pressum:

ductum à  
fonte

gressus Pader, ad Niehuis arcem à Theodorico Furltenbergio Ep. constructam & oppidulum, Lippæ miscetur, sat tenui riuo, alteriq; ac deinceps Lippæ, siue Lippia, aut Lupia, seu Luppia retinet nomen, donec in Rhenum sese ad Wesaliam oppidum exoneret. Locum in quo Lippa ac Pader coeunt, vel ipsam (ut tunc erat) Paderbornam, ita describit Auctor carminis de Leonis III. Papa ad Carolum aduentu:

Patræ, siue  
Padi fl.

Est locus insignis, quo Patra & Lippa fluentant,  
Altos & in nudo campo iacet, vndique largo  
Vestitus spatio: celso de colle videri  
Namque potest legio omnis & hinc exercitus  
omnis,

Castra Ducum, & Comitum, radiantiaque arma  
virosum.

Qui hic Patra, in Vita S. Adelardi per S. Paschasium Ratbertum 2. Ianuar. cap. 16. nu. 66. Patër appellatur. ita enim describitur Corbeia Saxonica situs: Est autem locus, pergentibus ad ortum solis de Fonte Patris, situs supra litus Wisitæ, &c. Franciscus Irenicus l. 12. Germanica Exegejeos Padam vocat.

eoq; multi-  
plici:

b Tres præcipui Padæ, siue Padi, aut Padulæ, fontes; qui è rupe omnes prorumpunt intra ipsam urbem: intra quam in unū alueum coeunt, ac fluium profundum latumq; consciunt, qui astate frigidissimus, hieme utcumque calidus est. Trium horum fontium vnus ita profundus est, Gobelino teste, ut ab aqua superficie ad fundum pedes esse 98. testati sint qui explorarant. Alij præterea fontes in eadem ipsâ urbe orti, aquis suis Padum augent: ex vnus, qui maximè Australis, aquâ præstans coquitur ceruissia, qua etiam vim medicam habere contra calculum creditur.

Fontes eo  
tractu aci-  
dulj:

Extra urbem alij fontes ac riui, sanè memorandi: nam præter tres circa Driburgum, aliumq; propè Ludam oppidum, acidulos ac medicatos fontes, à Matthæo Meriano in Topographiâ VVestphalia relatos, maximè mirabilis qui Bolderborna, siue Bulterborna appellatur, iuxta Aldenbekam pagum. Hic astum quem-  
dam

dam marino similem patitur : nam XXIV. horarum spa- Bulderbor-  
tio biu aquas suas resorbet, ac post sex horas denuò eru- na fons re-  
dat ingenti cum strepitu, unde & nomen accepit : Bol- sorbetur,  
deren enim, siue bulderen, Teutonicè, cum strepitu  
blaterare aut detonare dicimus. Tam copiosum tamen  
Bolderborna riuum profundit, ut is non longè à suâ *uti & riuus*  
scaturigine ternas molarum rotas circumagat. Sed ali- *ex eo oritur,*  
quanto spatio progressus in terram penitus subsidit. Idem  
alijs duobus riuu eodem tractu accidit : quorum alter  
Svaneijum pagum præterfluit, haud procul Pader-  
bornâ, ac paullo post terrâ se condit: alter inter oppidum  
Lechtenauiam, ac pagum Steinem. Retulit mihi Io-  
annes Grothusius noster, se, cùm isthac iter faceret,  
animaduertisse: q̃, mergi fluuium illum, propius acces-  
sisse, & silicibus glareâque submotu, nullum perspexisse, *& alijs duobus*  
quo absorberetur, foramen; sed aure ad terram admo-  
râ, unâ cum socio, audisse ingentem strepitum ac colli-  
sionem velut in cellam delabentium aquarum. An hî  
amnes Paderborna, aut alibi, denuò prorumpant, ut  
tradi ab aliquibus scribit Merianus, frustra queram,  
quod latere voluit Auctor natura.

c Placitum passim pro conuentu iudiciali, siue con- Placitum,  
uentus loco, usurpatur in media ætatis scriptoribus. siue conuen-  
Exempla plura reperies in Glossario Frid. Lindenbrogij tus, Fran-  
ad Codicem legum antiquarum. De conuentu ad Pa- corum ad  
derbornam, quod huc facit, ita scribit Poëta Saxo lib. 1. Paderbor-  
annal. ad an. 777. nam, an-

———— Conuentum placiti generalis habere 777.

Cum Ducibus se velle suis denuntiat illic.

Tanto concilio locus est electus agendo,

Quem Pathalbrunnon vocitant, quo non habet  
ipsa

Gens alium naturali plus nobilitate

Insignem, qui præcipuè redimitus abundat

Fontibus, & nitidis & pluribus, & trahit inde

Barbaricæ nomen linguæ sermone vetustum.

Meminêremagni placiti isthic eo anno habiti Anna-  
les Tiliiani, quod Losseliani & monachus Egolismensis  
synoduni



synodum publicam appellant; Vita Caroli magni per incertum, synodum, & concilium publicum; Eginardus generalem populi conuentum. Iterum an. 785. placitum habuit ad Paderbrunn cum Francis & Saxonibus. ut habet Fragmentum annal. Alex. Petauij, siue, ut Loiseliani, synodum publicum celebravit, aut, ut Vita eius per incertum, concilium publicum tenuit. De secundo hoc conuentu agunt cum Eginardo ceteri Scriptores. De tertio, an. 799. mox dicemus. Ibidem Ludouicus Pius an. 815. conuentum habuit, uti idem Eginardus auctor est, & alij infra. Pij quoque filius Ludouicus Rex Germania, ut habent Annales Fuldenses, an. 845. in Saxonia apud Paderbrunno generale placitum habuit.

S. Leo III.  
Papa

d Leo III. is fuit, de quo ad XII. Iunij. Extat de eius ad Carolum aduentu poëma elegans tom. 2. Francicor. scriptor. Quâ de re ceteri quoque agunt annales, qui & memorant sanctissimo Pontifici manus à populo Romano iniectas in publicâ supplicatione, oculos erutos, linguamq; excisam; sed virtute Diuinâ & hanc & illos ei restitutos.

Indulgentias concedit  
Paderborna.

e Gobelinus addit: Visitantibus eandem capellam in anniuersario dedicationis ipsius, qui est VIII. Decembris, de benignitate Sedis Apostolicæ magnas Indulgentias concessit. Extat etiamnum in cryptâ illud altare S. Stephani De eo Vita S. Meinwerci Ep. Paderborn. 5. Iunij cap. 1. in cryptâ ibidem nouiter constructâ, quoddam altare consecrans, Leo Papa, adorandas in eo Protomartyris Stephani reliquias, quas Româ secum attulerat, in priuilegium Apostolicæ consecrationis collocauit.

Paderborna  
combusta  
an. 1000.

f Non planè ab omni incendio immunem fore Paderbornensem Ecclesiam vaticinatur sanctus Pontifex, sed quod incolarum loci perfidia, odiumq; in religionem Christianam, excitasset. Alioquin, ut in citatâ S. Meinwerci Vitâ dicitur, & supra § 5. retulimus, anno Dominicæ Incarnationis millesimo, ordinationis Rethardi Ep. nonodecimo, regni Ottonis III. decimo-

septi-

septimo, Imperij quarto, Indiſt. XIII. ciuitas Patherbrunnensis primum incendio vastatur, nobile-  
que principalis Ecclesiæ monasterium, præcipui  
operis & decoris, à Carolo Magno fundatum, à  
beatæ verò memoriæ Badurado Episcopo consum-  
matum, & XIV. Calendas Nouembris dedicatum,  
cum libris, priuilegijs plenarijs, alijsque Ecclesiæ  
ornamentis propemodum conflagrauit. Ex ijs quæ  
ibidem subiiciuntur, patet, vel omiſſum aliquid eſſe, vel  
vocem propemodum, pro penitus accipiendam: quare  
à Gobelino, qui cap. 50. atatis 6. idem incendium iſdem  
ferè verbis commemorat, omiſſa eſt: Vti & à Krantzio  
Metropolis lib. 3. cap. 40. Iterum conflagrauit ciuitas  
cum ecclesiâ an. MCXXXI. Vti refert Krantzius lib. 6. & an. 1131.  
cap 10. & Gobelinus cap. 58. qui cap. ſequenti tradit à  
Bernardo Ep. reſtauratam, & duodecimo poſt anno,  
Chriſti MCXLIII. dedicatam.

g Franconia nunc vulgò dicitur, Teutonicè, Franc-  
kenlandt, id eſt, Francorum regio.

h Ita & Annales Fuldenſes ad an. 746. Eginardus  
an. 793. Celebravit Carolus Natalem Domini apud  
S. Kilianum in Wirtzburgo iuxta Mœnum flu-  
uium. Monachus Egoſimienſis ad eundem annum,  
Wirtzſnburg vocat, ms. Bodecen. Wirtzeburg. Poſte-  
riores Herbipolim dixere, parum idoneâ interpreta-  
tione, ex Latinâ Gracâque vocenomen conſtantes. unde dicitur,  
Gunterus lib. 5. Ligurini: Herbipolis  
unde dicta,

Conueniunt, urbemque petunt, cui nomen ab  
herbis

Eſſe putant, linguæ vulgaris origine tractum.  
Burg quidem caſtrum, ſiue urbem munitam ſignificat;  
ſed v vurtz, ſiue v vurtz, non herbam, ſed radicem. unde  
Iacobus Spigelius in Scholijs ad Ligurinum, ſatetur  
ſatis durè Herbipolim dici, pro VVirtzburgo. Plura de  
aius etymologiâ Irenicus lib. II. Germania Exegeſcos:  
ſed quod ait à Ptolomæo Arctæum dici; nescio ubi la-  
gerit; nam in Ptolomæo nuſquam id nomen habetur.

i Quia ſapius obſides à Saxonibus accepit Carolus,  
ſciſ

sciri certò non potest, quo anno traditus ei sit B. Hathumarus, quem Cratopolius alijq; S. Hadumarium appellant; Krantzius & alij Hatimarium. Constat sub S. Burchardo, primo Ep. Herbipolensi, litteris & pietate eruditum.

k Cùm obierit Carolus 28. Ianuarij an. 814. manifestum est errasse eos, qui anno Christi 795. ordinatum Hathumarum 804. mortuum scripsere, ut ad sequens caput notabimus.

## CAPUT III.

*Episcopus II. Baduradus. Reliquia petita  
Cenomanis.*

II. Ep. Baduradus,  
nobilis, e-  
gregius:

a

b

c

in templa  
struit &  
ornat:

8. **V**T verò ad propositum redeamus; defuncto Carolo, a Hathumaro quoque Episcopo non longo pòst tempore ab hac mortalitate ad perennem, ut credimus, vitam assumpto, successit ei vir egregius, nomine Baduradus, qui & ipse ex hac regione nobili ortus prosapiâ, ex eiusdem Ecclesiæ Clero belectus est. Qui præclaræ morum nobilitatis, magnanimitatis & industriæ merito, familiaritatem regiam & intimè consecutus, tantæ dignitatis locum promeruit, ut ei non minor facultas, quàm voluntas amplificandæ, prouchendæ, atque adornandæ Ecclesiæ sibi commissæ, suppetere videretur. Tunc verò, tamquàm ad hoc sibi datam diuinitus excellentiam animaduerneret; nihil sui laboris studijque subtraxit ab acquirendis ac procurandis omnibus, quæ ibidem ad Diuinæ

vinæ laudis augmentum, ad vtilitatem Christiani populi nouerat pertinere. Hæc illi cura prima imminebat, ecclesias per omnem parochiam suam sub celeritate construere: principalem verò basilicam ingenti decore & grandi opere extollere, res omnes ad eam pertinentes modis varijs adornare, augmentare Clerum, disciplinam monasterialem instituire, pueros tam nobiles, quàm inferioris conditionis, in scholam congregatos, in Diuinæ legis eruditione nutrire. Quod eius laudabile studium ita felix profectus comitabatur, ut verè illum ad hoc à Deo præsignatum, & rudimentis eius loci cælitus concessum dicere valeamus.

*Clerum augere:*

*pueros instrui curas;*

*Reliquias SS. procurandas censet:*

9. Quia verò rudis adhuc in fide populus, & maximè plebeium vulgus, difficile poterat ab errore gentili perfectè diuelli, latenter ad auitas quasdam superstitiones colendas sese conuertens; intellexit vir magnæ prudentiæ, quòd si præcipui alicuius Sancti illic corpus allatum, miraculorum, ut fieri solet, ostensione & gratiâ sanitarum suadente, multitudo plebis inciperet venerari, & ad eius patrocinia confluere consuesceret, nullâ re eam facilius ab infidelitate posse reuocari; præsertim cum verbis doctorum de Diuinâ virtute non credentes, tamen his, quæ oculis viderent, quæ beneficiorum vtilitate sentirent, fidem derogare non possent; præterea cunctis fidelibus ibidem manentibus, vel eò

conuenientibus magnæ hoc apud Deum intercessionis solatium, maximam eidem locutionem & gloriam collaturum fore non dubitans, ad id obtinendum sedulæ cogitationis curam intendebat. Et quoniam à Deo, qui est fons bonitatis, quidquid optatur boni, & maximè rem tantam nouerat expetendam, indicto ieiunio, & celebratâ supplicatione publicâ, cum omnibus sibi commissis, ab eius clementiâ demonstrari sibi met postulauit, quoniam ordine pro adipiscendâ re desideratâ deberet insistere.

*diuinitus  
monetur, ut  
aus Ceno-  
manis pa-  
tas:*

*d*

*probante  
Ludouico  
Pio Imp. ed  
legatos mis-  
sit:*

10. Vnde fidem eius benignè respiciens, dignatus est ei reuelare, quòd ad Cenomanicam urbem Gallia rem diu optatam peti- tum ab Episcopo loci mittere deberet: ibi dandum votis eius effectum prosperum fore. Ex hac reuelatione indubiâ spe animatus, accelerare negotium studuit. Episcopus qui præfatam urbem eo regebat tempore, Aldricus nomine fuit. Ad hunc ergo cum consensu & præcepto Cæsaris Ludouici, nuntios destinandos elegit, ex Clero quidem suo probabiles personas, & in sacris ordinibus religiosam vitam ducentes: necnon & quosdam laicos nobiles, quorum fidem & industriam ad tale opus idoneam nouerat. Clericorum verò, quibus id negotij commendatum est, præcipuus erat quidam Presbyter, Ido cognomine, qui omnem suæ profectiois historiam, & signa, quæ in eâ diuinitus ostensa perspexerat,

partim

partim viuâ voce intimata, partim litteris breuiter annotata, ad nostram fecit notitiam peruenire.

a *Vivebat* B. Hathumarus adhuc an. 815. quo anno Adelardus, S. Adelardi Abbatis Corbeiensis tunc exulantis vicarius, Ludouicum Pium, qui tunc habebat placitum in Saxoniâ, in loco qui dicitur Patherbrunna, rogauit, ut monasterium in eâ prouinciâ construi iuberet. Quod cum piissimus Princeps benignè suscepisset, placuit accersere Episcopum, nomine Hathumarum, ad cuius dioccesim pertinebat locus, ubi construendum erat monasterium, ut cum eius fieret imperio & voluntate. Ita libellus de constructione nouâ Corbeiz, atque historia Translationis S. Viti, quam 15. Iunij dabimus. Fallitur ergo scriptor vita S. Meinverci; qui B. Hathumarum anno Christi 804. sui Episcopatus 9 decessisse asserit. Quam temerè sequuntur Gobelinus cap. 38. & 40. Kranzius Metrop. lib. 1. cap. 11. & 16. Cratopolis de SS. Germania, Bruschius in Catal. Epp.

B. Hathumarus quâdo mortuus.

b Hunc quoque, ut decessorém, inter obsides Herbiopolim translatum, ait Kranzius lib. 1. Metrop. cap. 16. II. Ep. P. ac Bruschius. Alij Baderatum & Baduratum vocant, derborn. alij Badaradum, Canisius Baduranum, Rolevinchius Badueradum, Cratopolis Balduinum. Hic esse videtur; quem Theganus Baradatum, Episcopum Saxonicum appellat, atque cum alijs Principibus à Ludouico ad Lotharium filium an. 834. missum, præcepisse ut ei sub edicto omnipotentis Dei & Sanctorum eius, ut alienaret se à societate impiorum seductorum eius, &c. Idem indubie est, qui in concilio ad Theodonis-villam an. 835. habito pro depositione Ebbonis, & Ludouici Imp. reconciliatione, Badaradus appellatur.

Vir egregius.

d Colitur S. Aldricus Cenomanensis Episcopus 7. Ianuarij: ad quem diem illius Vitam dedimus ex Gallicâ Patri Vielli Lacinè ydditam. Pleniorém nuper, sed Gallicè quoque, edidit Antonius Cornasserius.

## CAPVT IV.

*Miracula facta dum eleuatur S. LIBORII corpus.*

*S. Aldricus  
Ep. Cenom.  
addicit cor-  
pus S. Libo-  
rii:*

*a  
b*

II. **I**gitur anno Dominicæ Incarnationis octingentesimo trigesimo sexto, Indictione xiiij. cum præfatus Ludouicus tertium & vigesimum *a* in imperio annum ageret, Legati Paderbornenses, de Saxoniâ profecti, ad urbem Cenomanicam *b* quinto Kalendarum Maiarum die venêre: insinuantefque Episcopo causam, pro quâ missi fuerant, benignè ab eo suscepti, Dei nutû, vt credimus, sine morâ petita impetrauerunt. Sequenti namque die cōuocans omnem Clerum, præfente suo quoque Coëpiscopo, David nomine, tractare cum eis diligenter cœpit, qualiter Missorum, de tam longinquâ regione venientium, religiosis precibus decenter in hoc posset annuere, vt Sancti alicuius integros, vt petebant, artus accipere mererentur. Erat ibidem sanctorum corporum magna copia: inter quæ S. Liborii quondam Præsulis eiusdem urbis præcipuè glorificatum miraculis habebatur insigne. Quod cum Episcopus præfatis nuntijs dare disponderet, reniti primò cœpêre plarimi, dicentes se illis pignotibus pretiosius nihil habere.

12. Tandem vix omnium impetrato consensu,



ſenſu, aſſumptis ſecum Sacerdotibus & cuius-  
 cumque gradus Clericis, ſacri miniſterij ve- *ieiuni ad*  
 ſtibus ornatis, Miſſos quoque, qui ſanctos ar- *eccleſiam*  
 tus accepturi erant, ad eſſe præcipiens, proceſ- *conueniunt:*  
 ſit ex vrbe ad eccleſiam, in quâ ſacratiffimum  
 B. Liborij corpus digno cum honore condi-  
 tum habebatur. Erat autem eadem eccleſia  
 iuxta ciuitatem poſita, & in honore *c* dūdecim  
 Apoſtolorum dedicata, quam primus  
 eiufdem Sedis Præſul, nomine *d* Iulianus, con-  
 didiſſe fertur. Ad hanc itaque memoratus  
 Epiſcopus, denuntiato priùs ieiunio, cum ſa-  
 cro illo comitatu humiliter ac deuotè, vt ad  
 tale opus decebat, pertexit, viciffim pſalmos,  
 litanias, hymnosque decantans. In quam cum  
 ipſe & plures ſecum, ſacros artus de Mauſo-  
 leis leuaturi, conueniſſent, (mirum dictu) ſen-  
 ſere cuncti inæſtimabilis odoris ſuaui-  
 tam domum repentè completam. Qui diſſi- *Iuauis odor*  
 milis odoramentis omnibus, quæ in terris vel *diuinitus*  
 naturâ vel arte fiunt, clarum cæleſtis cuius- *aspirat,*  
 dam præſentiæ dedit indicium. Ita enim om-  
 nium, qui aderant, mentes magis quàm cor-  
 pora ineffabili iucunditate immutauerat, vt  
 velut in ecſtaſi poſiti, & aliarum rerum obli-  
 tantum ibi manendi delectatione teneren-  
 tur. Nec dubium, quin ipſe tunc fuerit in me-  
 dio multorum fidelium, in ſuo nomine con-  
 gregatorum, qui paucis quondam diſcipulis  
 tantam ſuæ viſionis dulcedinem præbuit, vt  
 primus eorum diceret: Domine, bonum eſt Matthi

2. Cor. 2. 15.  
dum S. Li-  
borij reli-  
quia ele-  
uantur,

nos hîc esse. Nec erat incongruum, ut eorum  
meritis odoris fragrantia testimonium daret,  
cum quibus Apostolus dicit: Christi enim  
bonus odor sumus Deo. Erant autem in eo-  
dem loco aliorum quoque membra Sancto-  
rum, in sarcophagis honestè reconditorum,  
maximè Episcoporum ciuitatis illius. Ex qui-  
bus tunc simul, cùm B. Liborij membra de  
tumbâ leuata, in feretro locanda compone-  
bantur, prædictus odor numquam defuit:  
quò minùs dubitaretur illi operi ministerium  
præbuisse, quo cœpto, inchoauit; quo finito,  
non diutius mansit.

capa visum  
recepit,

13. Dum hæc in templo agerentur, foris  
quoque aliud signum eadem contigit horâ.  
Nam mulier quædam ab annis plurimis cæ-  
ca, in conspectu populi, qui satis frequens pro  
foribus stabat, interuentu ipsius, cuius corpus  
interiùs ad efferendum parabatur, lumen re-  
cepit. Et quoniam eius tam prioris ærumnæ,  
quàm nouæ sanitatis omnes ferè, qui aderant,  
testes erant, adeò multitudinis animos res  
gesta commouit, ut omnes simul in laudem  
Dei, elatâ in excelsum voce, prorumperent.  
Quod audientes qui cum Episcopo erant in-  
tra clausas oratorij ianuas, statimque mira-  
culo quolibet populum in tantæ gratulatio-  
nis clamorem excitatum intelligentes, & ipsi  
pro viribus Diuinæ pietati gratias agere, ac  
præ gaudio flere cœperunt. Cumque suas  
vtriusque voces, qui intus & foris erant, re-  
cogn-

omnibus  
Deum lau-  
dantibus:

cogn-

cognoscerent; vno omnes affectu mirabiliter inspirati, in tantum erupere planctum, vt vix quisquam continere lacrymas posset. Sed Episcopus videns tantum Diuinæ laudis fletu exigente intermissum, cœpit rursus antiphonas & psalmos Sanctorum gloriæ congruos cum Clero psallere; atque ita confusæ multitudinis clamorem compescuit.

14. In ipso verò momento, priusquàm illud sacratissimum corpus de ecclesiâ, in quâ sumptum est, efferretur, etiam tertio signo eius declarata sunt merita. Denique vir quidam horribiliter longo tempore vexatus à dæmonio, & multis iam famâ tantæ miseriæ factus notissimus, quippe qui per multas ecclesias & monasteria ductus, nusquam suæ remedium calamitatis accepit; tandem cum matre propriâ veniens ad ecclesiam, in quâ sacer ille thesaurus adhuc inter Sacerdotum manus habebatur, confestim ita purgatus est, vt ne signum quidem vltrâ talis pertulerit passionis.

*energumē-  
nus libera-  
tur:*

15. Tum verò Antistes, ne quam nuntijs memoratis moram faceret, eodem die venerandum illud corpus cum omni reuerentiâ suis & Sacerdotum manibus deportari fecit in urbem, ad principalem suæ Sedis ecclesiam, vt hoc ibi coram populo his, qui accepturi erant, honorificè commendaret. Comitabantur verò, nec vsquam decrant, velut præsentis Dei virtutis, Sanctum suum mirifican-

*desertur  
corpus S. Li-  
borij ad ba-  
silicam Ca-  
thedralem:*

e

*claudus gres-  
sus resistit  
itur,*

tis, indicia. Nam ubi primùm ecclesiæ, quam diximus, illatum est, ingressus pariter quidam claudus utroque pede, & multis in hac debilitate detentus annis, mox ut caput ad orandum inclinavit, recepit integram sanitatem.

*mutus loque-  
la,*

16. Transacto deinde paruo diei spatio, mutus quidam, diuturno inutilis linguæ damnatus silentio, subito sibi vocis organa sentiens restaurata, omnipotentis Dei misericordiam, eiusque Confessoris & Pontificis Liborij patrocinium, plano coram omnibus sermone laudabat.

*contracto  
subita inte-  
gritas,*

17. Sed cùm ita coruscantibus supernæ gratiæ beneficijs celeberrimus ageretur dies, postremò maiori quoque miraculo novum fidelibus gaudium, nova data est materia gratulandi. Licet enim omnia Deo sint æquè facilia, magis tamen solemus mirari, cùm dantur nova & numquàm habita, quàm cùm amissa restaurantur. Hic eadem rursus fiunt, quæ naturali ordine prius facta fuerant: ibi mira Dei virtus tribuit, quod natura negavit. Vir quidam abortu natiuitatis in tantum à gemibus deorsum debilitatus, ut tibiarum cum pedibus arefactæ, graciles & contortæ, omnem ambulandi usum penitus denegarent, in prædictâ ecclesiâ ante veneranda S. Liborij pignora deportatus est: atque illic viuarii vigore nervis venisque infuso, & dissolutis antè compingibus solidatis, recto gressu cœpit in-  
cedere.

cedere. Quo cognito, fit ingens admirantis  
atque gratulantis populi circa eum concur-  
sus. Certatim omnibus videre cupientibus,  
quod paullò antè numquàm se visuros arbi-  
trabantur. Neque enim velut infirmis aut ti-  
tubantibus vestigijs gradiebatur, sed coram  
omnibus, qui eum numquàm antea sanis ter-  
ram plantis tetigisse nonerant, celeri motu  
currens & exiliens, Christo Domino eiusque  
sancto Confessori gratias referebat. Agebat  
hoc nimirum ipse per successorem Apostolo-  
rum, qui per ipsos quondam Apostolos eo-  
dem modo claudum à natiuitate, simili gra-  
tiâ sanari concessit. Act. 3. 2.

18. His ita gestis, cùm inclinâtâ iam die  
Dominicæ noctis appropinquaret exordium,  
præcepit Episcopus Clerum omnem ad vigi-  
liarum solennia maturiùs conuenire, vt his  
statim peractis, primo diluculo præfatis nun-  
tijijs optatum munus accipientibus, redeundi  
ad patriam opportunitas optata daretur.  
Conuenit autem pariter laicorum grandis caco nato  
numerus, quos ostensa priori die miracula ad visus,  
quærenda sanctorum pignorum patrocinia  
ingenti delectatione inuitauerant. Cumque  
propè finito matutinæ laudis officio, auroræ  
ortus illucesceret, lux lucis & fons luminis  
illuminauit ciuem vrbs eiusdem, qui cæcus  
genitus, vsque in diem illum coæuam sibi eam  
miseriam tolerabat. Sed qui in Euangelio le-  
gitur per semetipsum hominem à pœnâ si- Ioan. 9. 1.

mili liberaſſe, hunc quoque per electum membrum ſuum à tenebris diuturnæ noctis eripiens, ignotam priùs lucem videre conceſſit.

*energumeno  
liberatus:*

19. Eadem horâ eodemque in loco, id eſt, in eccleſiâ coram Clero diuina carmina concinente, multiſque alijs fidelibus aſpicientibus, arreptus quidam à dæmonio, vexari miſerrimè cœpit. Diu namque ab eo torqueri antè ſolebat; ſed tum interuentu eiſdem Confectoris, expulſo hoſte nequiſſimo, ſoſpitate mentis recepit, nec deinde vllum in ſe larualis phantaſmatis ſenſit horrorem.

a *Oſtendimus ſuperiùs rectè inuicem congruere characteres chronologicos hîc expreſſos; annumque Chriſti 836. fuiſſe Ludouici Pij 23. à morte Caroli patris, & 24. ex quo imperiali eum diademate, ut in Vita eius dicitur, coronauerat pater, medio ſerè ante mortem ſuam anno.*

b *Ita MSS. Corſendone. & Bodec. editi habebant quarto, perperam, ut ſuprà oſtendimus.*

c *Vita 1. ac 3 ſolum habet, Beatiffimorum Petri ac Pauli Apoſtolorum. Vita 2. in Eccleſiâ Apoſtolorum. & congruis breuior Tranſlationis hiſtoria, quam mox dabimus.*

d *De S. Iuliano ſuprà egimus, & plenius 27. Ianuarij.*

e *Ea primùm S. Mariæ dedicata, poſtea S. Iuliano, cum ſub idem ſerè tempus huius reliquia in eam eſſent à S. Aldrico deportata.*

C A P V T V.

*Corpus S. LIBORII è Cathedrali  
ad S. Vincentij ædem transfertur.*

20. **I**Ta illius diei exordio geminatâ lætitiâ *Solenni sup-*  
cœlitus illustrato, infinitam populi mul- *plicatione*  
titudinem sexus vtriusque atque omnis con- *(cuius hic*  
ditionis & ætatis, tam ex eâ regione, quàm ex *ritus expo-*  
vicinis vrbibus, tantorum signorum latè cir- *nitur) effe-*  
cumuolans fama contraxit. Celebratis verò *tur sacrum*  
Missarum solennijs, accelerabat Episcopus *corpus è ba-*  
sanctum illud corpus his, qui ad patriam se- *re:*  
cum delaturi erant, commendare, ipsumque  
cum honore debito ex vrbe deducere, ante-  
quàm adueniens turbarum immensitas, eo-  
rum iter impediret. Ornatur itaque Clerus  
omnis sacerdotalibus & ecclesiasticis indu-  
mentis, eleuatoque feretro sanctorum pigno-  
rum in humeros Sacerdotum, sonantibus  
quoque signis omnium per urbem ecclesia-  
rum, ac præeuntibus, qui sanctæ ac viuificæ  
Crucis vexilla sanctorumque Euangeliorum  
libros ac sacras reliquias in aureis argenteis-  
que reconditorijs cum aromatibus præfere-  
bant, deducitur cum ingenti cunctorum ve-  
neratione, cum psalmis, hymnis & antipho-  
nis, in oratorium a S. Vincentij, situm iuxta  
portam vrbis, per quam egressuri erant.

21. Prosequebatur autem maxima multi-  
tudo



*plebem ob  
iacturam  
reliquia-  
rum tumul-  
tuansam,*

tudo plebis: sed non minor ibidem obuiauit, quæ signorum rumore audito, vndique confluebat. Tum verò non leuis oritur contra Præsulem populi querimonia, clamantibus plurimis, magni se patrocinijs tuitione priuari, ablato à se corpore tanti Confessoris, cuius intercessione solerent ab omni aduersitate muniri. Hoc suæ regionis vnicum post Deum fuisse tutamen, hunc honorem maximum, hanc gloriam singularem. Timere se meritò posse, ne translatis eius venerandis artibus pariter nominis eius in breui veneratio memoriaque neglecta, indignos eos ipsius interuentu apud Dominum faceret. Arbitrari sese, Pastoris potiùs officio conuenire, Sanctorum pignora ad munimentum gregis sibi commissi vndecumque acquirere, quàm eorum, quæ haberent, pretiosissima quæque in alias mittere nationes.

*aptâ oratio-  
ne placat S.  
Aldricus  
Ep.*

22. Commotus aliquantùm his vocibus Antistes, & maximè lamentantis turbæ acclamatione, tandem facto silentio, populum in eadem ecclesiâ S. Vincentij ita breuiter allocutus est; Non est, inquiens, æquum, Fratres, quemquam vestrùm putare, me in tantum aut commissæ mihi sollicitudinis, aut vestræ simul meæque salutis oblitum, ut hæc nostri perpetualis Patroni pignora sine certâ ratione ex hoc loco transferri permetterem. Si enim, cum apud nos Sanctorum corpora Deo miserante satis abundet, illi populo, qui nuper

ad

ad fidem vocatus, & eorum aut parum, aut nihil penitus habens, à nobis huius suæ necessitatis solatium humiliter postulat, omnino assensum præbere dedignamur, fatendum est, nos Evangelici Apostolicique præcepti contemptores, contra ius caritatis fraternæ, claudere à fratribus viscera nostra. Absit verò hic error procul à cordibus vestris, ut putetis electos Dei iam cum ipso regnantes, ibi tantum, ubi corporaliter eorum habentur reliquæ, intercessionis suæ præstare beneficium posse. Quin potius credendum, eius patrociniū in hac Ecclesiâ, quam in carne positus fideliter rexit, & in quâ finem vitæ mortalis accepit, omnibus piè quærentibus in perpetuum non defuturum. In illo enim populo, noviter ad Deum converso, novos sibi servitores & veneratores acquireret, ad quos corporali præsentia suorum pignorum accederet : sed à vobis spiritalis eius protectio, numquàm recedet. Sciendum quoque, quòd serenissimus Imperator id ipsum fieri præcepit. Cuius quicumque potestati resistit, Dei nimirum ordinationi resistit. Prætereâ luce clariùs ostensum est, Dei pariter, & huius ipsius sancti Patroni nostri Liborij placere voluntati, ut ad illam, in quâ cum summo cunctorum desiderio expectatur, regionem adueniat. Quod si non ita esset, ab inchoato heri istius Translationis exordio, usque ad hanc horam tanta nequaquam miracula coruscarent. Cum enim

enim placatus potius, quàm iratus, Deus dona cælestia largiatur, quisnam existimare potest, quòd si hoc opere offenderetur, tantis illud signorum beneficijs illustrasset? Quocirca, Fratres, ab hac intentione desistite, ne Diuinæ dispositioni comprobemini palàm resistere voluisse.

*dein recens-  
sit mira-  
cula,*

23. Cùm his & multis alijs admonitionibus, & maximè Dei nutu, sedata plebis commotio quievisset, præcepit Pontifex eos, qui per totum biduum à varijs debilitatibus, seu ab immundis spiritibus, liberati fuerant, in vñum congregatos, ad conspectum multitudinis nouiter aduenientis adduci: vt eorum omnem & pristinæ calamitatis, & nouæ reparationis historiam pandens, Diuinam clementiam faceret ab omnibus vnanimiter collaudari. Vbi primùm verò populus co-

*cum ceteris  
Deo palàm  
gratias agit:*

adspexit, & quos nudiustertius diuersis passionibus affectos, iam tunc sanissimos esse cognouit, subitò ex omni parte infinitæ multitudinis vox magnæ gratulationis exoritur. Nec datur vllus Episcopum loquentem audiendi locus: sed nemine tacente, nemine alium expectante, pro se quisque, quâ poterat, Deum voce laudabat. Cumque etiam Clerus, Episcopo incipiente, hymnū TE DEVM LAUDAMVS, & quædam alia tantæ lætitiæ conuenientia decantaret, immensæ illius iubilationis sonus, inexplibili supernæ laudis delecta-

lectatione, in longum diei spatium protelatus est.

*a Hoc oratorium, ut ex aliâ Translationis historiâ pater, erat Ecclesia Cœnobij S. Vincentij à S. Domno-  
lo Episc. Cenoman. (cuius natalis agitur 1. Decemb.  
Translatio 16. Maij) adificata; dedicata à S. Germano  
Ep. Parisien. qui 28. Maij colitur, restaurata à S. Al-  
drico, uti scribit Cornasserius.*

C A P V T VI.

*Miracula facta in itinere Carnotum  
versus.*

24. **Q**Vo tandem finito, aduocatis Baduradi sæpè memoratis Episcopi Missis, beatæ memoriæ Aldricus Antistes pretiosissima illa, quæ suprâ diximus, pignora coram omni Clero & populo commendauit sub obtestatione grauissimâ, vt cum digno semper honore tractarentur, nec eis vnquam omnis reuerentia cultus Ecclesiastici à quolibet Episcopo Paderbornensi, & Clero suo, quolibet tempore subtraheretur. Dehinc inter vtriusque Ecclesiæ, Cenomanicæ videlicet & præfatæ Paderbornensis congregationis, firmatâ caritate perpetuæ a fraternitatis, ad patriam eis redeundi licentiam dedit. Quos tamen vnâ cum multitudine extra ciuitatem aliquamdiu prosecutus, cum paucis suorum redijt: quoniam à tam glorioso comitatu vix quisquam nisi inuitus separabatur.

*dat Legatus  
corpus, iu-  
betq; reue-  
renter ha-  
beri;*

*init cum ijs  
fraternita-  
tem;*

*a*

*illi Ceno-  
manus 1.  
Maij lati  
discedunt.*

25. Et illi quidem, annuente perspicuâ Dei clementiâ, voti sui se compotes effectos sum-  
moperè gratulantes, Kalendis Maij ab vrbe  
Cenomanicâ profecti, cum omni studio ad  
patriam festinare contendunt. Cuius itineris  
gloriam ac lætitiâ quis dignè valeat enarra-  
re? Opportunum tamen credimus, viam om-  
nem celeri stylo percurrere, annotatis tan-  
tùm locis, in quibus præcipua sunt, eademque  
certissima, gesta miracula. Nam omnia, quæ  
sacrum illud iter cælesti quodam lumine illu-  
strarunt, ne illorum quidem aliquis, qui præ-  
sentes fuerunt, dicere aut memoriâ potuit  
retinere.

*Sanctiope-  
clurati, sur-  
dus ac mu-  
tus Pont-  
leuua.*

*b*

26. Illis itaque proficiscentibus, prædictâ  
die iuxta locum, vulgò *b* Pontleuua nomina-  
tum, secutus eò quidam ex familiâ, pertinente  
ad seruitium Ecclesiæ ipsius S. Liborij, quem  
& sensum audiendi, & sermonis vsum num-  
quàm habuisse magna pars populi nouerat,  
Dominum suum, vt sui misereretur, quia vo-  
ce non poterat, gemitu & lacrymis precaba-  
tur. Cumque crebrò caput inclinatum, ex-  
pansæ manus, leuati modò ad cælum, modò  
ad sacrum feretrum oculi, satis internum eius  
affectum indicarent, nec iam præ lassitudine  
sequi longiùs posset, tandem à pœnâ secum  
genitâ relaxatus, eo primùm die cœpit & au-  
diri loquens, & loquentes audire.

*infirmus,*

27. Inde cœpto itinere properantes, cùm  
ad ecclesiâ quamdam, S. Medardi memoriâ  
cele-

celebrem, propinquarent, ibi in viâ quædam mulier à longâ infirmitate curata est, quam per omne tempus vitæ suæ prius tolerasse ferebatur. De quâ id, quamvis incredibile, multorum tamen relatione asserabatur, quodd nulum alimenti genus vnquam gustare potuerit; sed coëlearum more, suo victitans succo, noxio tantum aleretur humore. Quod nequaquam affirmantes, id tantum dicimus, quod verum nouimus, eam ad S. Liborij patrocinium & venisse languidam, & redisse incolumem.

28. Hinc ad basilicam S. Symphorij aduenientes, ibidem sunt recepti hospitio, vbi notem illam splendor pietatis Diuinæ clarè fecit illucescere. Nam scæmina quædã, diu malignorum spirituum se vexantium miserabile receptaculum facta, ad sæpè memorati Confessoris implorandum pro eâ suffragium, in ecclesiam adducta est. Finitis verò matutinis ex more vigilijs, cùm facto iam silentio plebs egressura esset, cœpit subitò horrorem diræ vocis emittere, vlulare, mugire, sibilare, ac per omnia belluinos imitari sonos: vt nisi præsens videretur, nihil minùs quàm mulier putaretur. Terrore cuncti, qui aderant, simul & miseratione permoti, teneri eam, & ad Sanctorum feretrum propiùs iuuitam trahi fecerunt. Deinde vnanimis pro illâ preces fundentes, citò exaudiri meruerunt. Denique statim à dæmonum violentiâ liberata, sobriâ

H mente

mente ac voce gratias & laudes Deo referens, euntes eos inde diu cum populo sequebatur.

*epitaphium.*

29. Exinde festinato cursu monasterio S. Sulpitij appropinquant, vident eminus adduci mendicum quemdam in vehiculo, qui miserabiliter toto penè contractus corpore fuit. Nam & pollices vtriusque manus erant in medium palmæ incuruati, & reliqui digiti supra ipsos pollices extensi, ita eos stringebant, ut ungues radicibus palmarum hærent infixi. Reliquum corpus adeò velut in sphaeram rotundatum videres, ut genua pectori, summitates pedum renibus iungerentur. Sed quantò eius fuerat miserabilior pœna, tantò secuta est mirabilior medicina. Interuenientibus namque B. Liborij meritis, cuius opem integrâ fide implorabat, erectis in momento ac sanatis omnibus simul membris, prosilijt de paruo illo, quo vehebatur, curriculo, & celeriter ad loculum sacri corporis currens, ibidem se in terram prostravit cum ingenti affectu, corde simul & ore, gratias agens. Mirati populus, Deumque sublati in cælum vocibus collaudare, quòd non videretur circa viventem hominem amplioris virtutis opus sub cælo fieri potuisse.

*epitaphium.*

30. Pergentes verò ad ecclesiam quamdam, in honorem S. Petri Apostoli dedicatam, subito dæmoniacum, qui eos aliquamdiu sequebatur, conspiciunt in viâ mediâ cecidisse.



cidisse. Ad quem erigendum cūm aliqui ex plebe cucurrissent ; iacuit omnino sine motu aliquo, vt ab omnibus esse mortuus non dubitaretur. Post paullulum tamen erectus ad sedendum, cœpit sensim quasi reuiuiscere: & sequenti die coram populo laudes Saluatori suo rependens, satius apparuit, ac si numquā a maligno fuisset hoste vexatus.

a De eā fraternitate egimus suprà.

b Vulgò Pontlieue, in *Vitâ S. Hadoindi Ep. 20. Ianuarij cap. 1 n. 3.* Pontilema appellatur (forſan virioſè pro Pontiletica, aut, vt hic, Pontileuua) & Pontile- Pontileu-  
malenſe xenodochium ; fortè Pontileuualente. uenſe xenodochium est  
Domnus Bartichrannus eiuldem vrbiſ Episcopuſ, ut ibi dicitur, iſum xenodochium in Pontilemā in iam pro di-  
honore S. Martini fecerat, vt omneſ aduentanteſ, uitibus  
iam diuiteſ quā & paupereſ, ibi receptiōneſ ha-  
berent, & alimenta & onera neceſſaria abundanter  
inibi acciperent. Colitur S. Bertichrannuſ 6. Iunij.

c Symphoriatū legendum, vt patet ex breuiori hiſtoriā inſtrā num. 7. celebris in Galliā S. Symphorianuſ Martyr Auguſtodunenſiſ 22. Auguſti: Symphorium nuſquam legi.

## C A P V T VII.

### Carnoti & Pariſiſ geſta.

II. P Roinde cūm tantis Diuinorum benefi- octuriſſe  
ciorum doniſ, velut cœleſtibuſ radijſ, cum Clero  
thicantem viam læti carperent, quæ pluſ quo- Episcopuſ  
tidie gaudij, quā fatigationiſ offerret, con- Carnotenſiſ  
tingit, vt ad ciuitatem Carnotenſem, ſatiſ am-  
plam & populofam, deuenirent, Cuiuſ vrbiſ

Episcopus, & Bernuinus nomine, iam tum ætate simul & moribus valdè maturus, collectis ex more Presbyteris, eo tempore synodum in vrbe celebrabat. Cui cùm nuntiatum esset, qualiter & quo ordine assumptum Cenomanis corpus præfati Confessoris, suæ iam vrbi appropinquaret, statim cum omni illo sacro Sacerdotum collegio, totoque Clero suo & populo, processit in eius occursum, atque cum hymnis & canticis spiritualibus illud deuotissimè extra urbem longè progressus excepit, iussitque vt deferretur per viam, quæ ducit foras muros ciuitatis ad oratorium, in quo S. b Carauni membra requiescunt. Cumque cateruatim sequente grandi multitudine ad memoratum locum honorificè duceretur, sonantibus signis per totam urbem, & populo excelsâ ad Deum voce proclamante, vt tantam sibi gratam esse deuotionem Dominus declararet, multa ibidem per B. Liborium fieri signa concessit. Ex quibus vnum præcipuum hoc loco memorare decreuimus, reliqua, vitandæ prolixitatis causâ, intermittentes.

*sonantibus  
campanis:*

*facta ibi  
miracula:*

*contracta  
sanata:*

32. Puella, quæ ab exordio miserandæ natiuitatis, membris ferè omnibus curua, & velut in globum contorta, numquam vel mentum à genibus leuare, vel plantas pedum à femoribus remouere valebat, ante loculum sanctorum cinerum deportata, singulorum officia membrorum cum integerrimâ sani-

tate suscepit. Sed quoniam brevis illa vestis, quâ contractum priùs corpusculum facillè tegebatur, iam erectè stanti non sufficiebat, quin ex parte nuda videretur; citissimè fideles quique (nam in ecclesiâ corā Clero & populo res gesta est) raptis fœminarū facitergulis eam contexere, donec allatis sibi congruis indumentis vestiretur. Ibi ergo cum spiritali lætitiâ noctem illam transigentes, primo manè optatum iter arripuere.

33. Appropinquantes verò Parisiensi civitati, quam fluentis Sequanæ cinctam, c Iulius Cæsar condidisse, & ob similitudinem insulæ maris, d Ilius nominatæ, Parisius fertur appellasse; simili modo ab Episcopo loci illius e Er- cantado nomine, omniq̃ue populo, ultra pontem stratum super memoratum fluuium occurrente, suscepti, & in principalem eiusdem urbis ecclesiam deducti sunt. Erat autem dies Dominica. Cumq̃ue Missarum ibidem solennia celebrarentur, deducebatur in medium fœmina quædã de viciniâ eiusdẽ loci oriunda, quæ cum pœnâ grauissimâ nata, in eadem præteritum vitæ suæ tempus exegerat. Muta *muta, surda, stulta, energumena sanatur:* enim à natiuitate & surda, tertio insuper tormento subiacebat, quòd videlicet mente capta, spiritu agitabatur immundo. Hæc in conspectu omnium ad Missas circumstantium vehementer anxari cœpit & sudare, postremò in patimentum ruit. Post celebrationem mysteriorum, ad mansionem deportata est,

& ad vesperum rursus in ecclesiam delata, ibi cum multis alijs pernōctabat. Statimque ve albescente polo roseum auroræ iubar illuxit, lux magnæ misericordiæ Dei, effugatis ab eâ tenebrosi tortoribus, & auditus illi & vocis facultatem condonauit. Obstupuere magnopere cuncti, qui aderant, videntes eam in vno momento ita immutatam, vt & vacua esset à dæmone, quo plena erat, & plenum haberet membrorum officium, quo vacua fuerat.

*alius mutus  
& surdus;*

*f*

*g*

34. Euntibus autem illis iuxta f Montem Martyrum, cum essent iam à dextro latere insignis g monasterij S. Dionysij, occurrit ibidem seruulus quidam de familiâ eiusdem Martyris, quem & Sacerdotes & cuiuscunque gradus Clerici, necnon & plures laici, contestati sunt ab exordio natiuitatis suæ auditus pariter & loquelæ vsu penitus caruisse. Qui appropinquans sacris pignoribus, vbi vidit plures e populo pro suâ quemque facultate in honorem S. Liborij, ad eius loculum iactare munuscula, & ipse quoque satis deuotè aliquid de vestimentis proprijs illuc offerre nitebatur. Cuius extemplò adiutus intercessione, apertis auribus & soluto vinculo linguæ in eadem horâ Dei laudes canentem populum audiuit, & ipse simul cum gaudio decantauit.

a *Claudius Robertus Hieronymum, & Berninum appellat; alij Geruinum, vt Cornasserius refert.*

b *S. Caranni, siue Karauni, Carnutum Apostoli, Gallicè S. Cheron, natalis agitur 16. Maij.*

c Neque Parisiorum urbem Caesar condidit, neque ea fortassis sic nuncupata illius auro: sed ciuitas vniuersa, siue gens ipsa, Parisij dicta: vrbs praeipua Lutetia, non ab ipso primum sic appellata, sed antea (ut lib. 7. de bell. Gall. patet) eo nomine nota, eodē ferē etymo, uti reor, quo in Eburonibus Leoticus, siue Leodicus vicus, etiam tempore Caroli Magni dictus, quae nunc vrbs magna Leodium. Idem enim sunt Leodes, Leudes, Luidi, liudi, luiti; & fortē luti, acleti: Teutonicē, luden, luyden, lieden, populi, & nonnumquam clientes, siue homines, aut vasalli. Eadem notione Leodenses Gallicē urbem suam Lige vocant, quod villa ligia, siue latica, id est, militum aut hominum ligiorum, seu vasallorum olim fuerit, cum in propinquo Iupilia esset palatium regium: sed haec alibi indicata. Quod quidam Lutetiam à luto dictam volunt aut quasi Luxetius à candore, erudito nulli praeabunt: unde Latina Graecāve vocabula, apud interiorem Galliam, Celticā tunc linguā utentem?

d Nota Ortelio & antiqui Iliadis insula, portus, templum, oppidum, regio; diuersa omnia: at nusquam nobis Ilius insula lecta. Parisij potius videri possunt ab Iliā, siue Æliā amne, qui nonnulli etiam Iliā, appellati: ab eius enim lauā ripā colebant ad Matronam ac Sequanā apertae, inter Bellouacos ac Meldas. Ipsa Lutetia olim posita erat in insulā fluminis Sequanae, in quā nunc quoque templum Cathedralē, prolatus verimque longissimē pomærijs.

c Claudius Robertus duos eius nominis statuit Parisiorum Episcopos, quorum prior interfueris an. 829. Parisiensis concilio, (in quo tamen illius nomen non exprimitur) alter electioni Hipemari Remensis Archiep. an. 845. & Parisiensis concilio an. 846. Medios locat Ermanfredum, de quo nihil memorat, & Inchadum, quem interfuisse ait restitutioni Ludouici Pij an. 835 obijisse 839. At concilio ad Theodonis-villam, in quo reconciliatus Ludouicus, Ebbo Archiep. Remensis, de Erchanradus positus, Inchadus nullus, sed Erchanradus Episcopus Ep. Parisiensis.

subscriptus. Anno vero 836. à concilio Aquisgranensì  
II. ad Pippinum Aquitania Regem missi Aldricus Ce-  
nomanica urbis & Herchinradus Parisiorum Episco-  
pi. Atque ex hoc ipso coætaneo scriptore patet, Erchanra-  
dum tunc Episcopũ fuisse, non Inchadum. In Parisiensì  
concilio an. 846. Erchenradus appellatur; apud Flo-  
doardum lib. 3. cap. 1. Ercamradus.

Mons Mar-  
tyrum.

f Gallicè Mont-matre. in eo casus capite S. Dio-  
nysius Parisiorum Apostolus, cum SS. Rustico & E-  
leutherio, de quibus agemus 9. Octobris. Distabat is  
locus ab urbe Lutetià mille circiter passus, celebratus in  
annalibus nostris, quòd is hic in ade Deipara Virginis  
S. Ignatius Loyola cum Socijs aliquot, votis Deo nun-  
cupatu, prima posuit constanda Societatis fundamenta.

S. Dionysij  
monaste-  
rium.

g Sepultus fuit S. Dionysius in fundo Catulliatò,  
à Catullâ piâ muliere: ubi dein vicus conluit, qui in  
Vitâ S. Genouefx 3. Ianuarij cap. 4. n. 16. Catholici-  
ensis appellatur, siue Catholacensis, & in 2. Vitâ  
n. 14. Catholicensis, diciturq; in sexto à Parisius mil-  
liario situs. Dagobertus Rex sumptuosissimam is hic ec-  
clesiam & monasterium adificauit, quod varijs deinde  
priuilegijs, reliquijs, Regum mausoleis ac donarijs or-  
natum.

## C A P V T VIII.

### *Iter per Belgium ad Rhenum usque.*

35. **I**Nterim festinantes cum summâ alacri-  
tate iter suum peragere, deuenerunt ad  
villam, quæ a Gebaloha nōminatur. Vbi, sicut  
anteà multorum fides & deuotio remunera-  
ta, sic etiam quorundam contumaciâ dignâ  
est correptione castigata. Contigit namque  
ibidem, vt fluuiolum quemdam transire de-  
berent,

berent. Quò cùm proximarent, hi qui san- <sup>in flumen,</sup>  
ctum feretrum portabant, quatuor, qui po- <sup>fractò ponte,</sup>  
steriora eius tenebant cornua, recto tramite <sup>labuntur,</sup>  
per vadum aquæ incedere volebant. Totidem <sup>vado transi-</sup>  
autem reliqui, priorem eius partem gestantes <sup>re abuenies</sup>  
in humeris, pontem magis, per quem transi- <sup>ne madefice-</sup>  
rent, quærere se velle asseriebant, in tam præ-  
claro Sanctorum obsequio calceamenta sua  
madefacere dedignantès. Qui cùm ad pon-  
tem quemdam venissent, & venerabilem the-  
saurum secum portantes, super eum transi-  
rent, repentè rupto sub pedibus eorum in-  
strumento lignorum, omnes illi, qui in vado  
vel pedes intingere aspernabantur, ex alto  
cadentes, in profundo flumine submersi sunt;  
meritis tamen sanctorum artuum, quos fere-  
bant, illæsi euasère: illud verò sacratissimum  
feretrum ab eâ parte, quâ ab illis, antequàm <sup>feresro &</sup>  
caderent, tenebatur, (mirum dictu) nemine <sup>ceteris illa-</sup>  
contingente, in aëre pendebat immobile, <sup>sisti,</sup>  
donec accurrere possent, qui illud accipien-  
tes, ad vadum reueherent: atque ita demum  
cæpto itinere perrexerunt.

36. Ex quo loco non longum iter emensi,  
consuetum virtutis Dei testimonium ad com-  
probanda merita electi sui videre meruerunt,  
Id ipsum tamen, quod factum est, quo appel-  
letur nomine, non satis occurrit. Euentû fuisse  
dixerim? sed non solet res talis casu eueni-  
re. Miraculum nominem? sed id non magno- <sup>energumens</sup>  
perè quisquam eorum admirabatur. Quis <sup>Bauacensis</sup>



enim velut nouum miretur, quod sæpius in-  
tuetur: Mulier à dæmonio liberata est, Magna  
Dei pietas, magnum Confessoris eius meri-  
tum, rem alibi raram, in illo itinere fecit esse  
vſitatam. Quæ tamen mulier tunc à valde  
diuturnâ vexatione ſaluata, (nam quindecim  
annis eâ laborauerat) haudquaquàm ingrata  
ſuo extitit Saluatori. Cùm enim eſſet de ca-  
ſtello, quod *b* Bauacæ nominatur, non infimis  
orta natalibus, relictâ patriâ & parentibus,  
Deo & S. Liborio ſe, dum viueret, ſeruituram  
deuouit: ſecutaque ſancta pignora vſque ad  
locum, in quo hætenùs requieſcunt, in eo-  
rum ſeruitio reliquum vitæ ſuæ ſpatium tranſ-  
egit. Circa hæc eadem loca & alia plurima  
ſunt in viâ oſtenſa miracula: ſed nobis feſti-  
nantes illos ad patriam ſtylo proſequentibus  
non vacat in ſingulis inſeruari.

37. Cùm ad Rhenum flumini perueniſ-  
ſent, erant in ſancto illo comitatu prouincia-  
rum occidentaliũ populi infinitæ multitu-  
dinis, qui de longinquis locis illuc ſecuti, iam  
neceſſariò reuerti ad propria debuerunt. Oc-  
currit verò nō minor mortaliũ numerus ex  
nationibus orientalem eiũdem fluminis ripam  
incolentibus; & maximè Saxones noſtri, quo-  
rum conſinia non longè ab anne memo-  
rato diſtant. Ipſi enim nuper ad fidem vocati,  
audita tantorum famâ ſignorum gregatim ex  
ſuis vndique locis eò confluxêre. Stabant igi-  
tur in vtroque litore turbæ innumerabiles,  
diuerſo

*Sancti ſer-  
uitio ſe de-  
uouit:*

*plura mira-  
cula;*

*plurimi pî-  
comitan-  
tur,*

diuerso nimis affectu sese inuicem contem-  
plantes. Siquidem suscepturis pretiosum illum *donec Rhe-*  
thesaurum quantum gratulationis & gaudij, *num traie-*  
dimissuris verò quantum mœroris & gemit-  
tus hora illa attulerit, quis vnquam exprime-  
re poterit? Denique statim vt sancti corporis  
baiuli nauem introierunt, vniuersa plebs, quæ  
diutius sequi non valebat, vnanimiter sese in  
terram prosterneus, cum ingenti gemitu &  
intentâ supplicatione B. Liborij se patrocinio  
commendabat, testes quodammodò affectus  
sui largos lacrymarum imbres effundens. Pari  
modo & hi, qui in citeriore littore expecta-  
bant, terræ aduoluti, sacra pignora cum  
omni, quo poterant, honore suscipientes, &  
gratias agentes Deo, læti cum laudibus de-  
duxere.

a Ms. Bodecan. Gebalhoha.

b Bauacum, hic Bauaca, oppidum est Hannonia Bauacum  
antiquissimum, ac præcipua Romanorum in Neruijs vetus oppi-  
dum, Bæyauoy Ptolemæo, fortè Bæyauagor, Bagacum dum.  
Neruiorum Antonino, vti 15. Ianuarij diximus, cum  
de Translatione reliquiarum S. Mauri Abbatis agere-  
mus: pro quo est in tabulâ Peutingerianâ Baca Coner-  
uio, pro Bacaco Neruio. Isthic Circi ruina visuntur,  
ingenitum adificiorum fundamenta, nec procul inde  
aquaductuum vestigia, aliq. monumenta antiquita-  
tis, atque illud ferè præcipuum, quod septem via mili-  
tares Romanorum inde ad varias vrbes ducunt: qua-  
rum quæ celeberrima, quæ per pagum Bruneault  
ducta (restaurata quidam non ineruditi à Brunehilde  
Reginâ autumant, quo argumento, ipsi viderint) vul-  
gò la Chaussée de Brunault appellatur, & Colonia  
usque tendit, vti in Itinerario Antonini itur, Bagaco,  
Vodgo.

Vodgoriacum, Geminiacum, Perniciacum (*melius*  
 Peruiciacum) Aduacam Tungrorum, Corioual-  
 lum, Iuliacum, Coloniâ: *quorum locorum hæc nunc*  
*nomen sunt, & Gallica, totidem Teutonice:* Bauay,  
 Wondray, Gemblours, Pervvez; Tongeren, Alf-  
 Falckenborg, Gulich, Colen.

## CAPVT IX.

S. LIBORII corpus Paderbornam  
 deportatum.

*occurrunt* 38. **I**gitur ingressi Saxoniam, præ nimia sibi  
*cautèratim* **L**obuiante turbâ vix gradum mouere po-  
*VVestphalis;* terant. Totis tamen nitibus iter accelerantes,  
 tandem die tertio, id est, quinto Kalendarum  
 Iuniarum, quo tunc sacra Pentecostes solen-  
 nitas agebatur, ad desideratam diu Pader-  
 bornensem ecclesiam peruenerunt. A quâ  
 cum adhuc tribus distarent millibus, iuxta  
*a* fluium quemdam & Hedraha vocatum, ob  
 immensam multitudinem, quæ vsque ad me-  
 moratum locum sequi non poterat, in medio  
*infirmis.* campo Missarum celebrauere solemnia. Quæ  
*grati;* antequàm finirentur, in eodem loco quin-  
 que pariter homines à varijs debilitatibus li-  
 berati, causam immensæ admirationis & læ-  
 titiæ tantam Dei virtutem videnti populo præ-  
 buere.

39. Insuper eadem horâ in sæpè memo-  
 ratâ Paderbornensis monasterij ecclesiâ, cui  
 talis gloriæ decus per tanta terrarum spatia  
 affe-

afferebatur, contigit quoddam clarum valdè  
 miraculum, velut insigni præconio B. Liborij  
 aduentum annuntians. Nam puer quidam de *puero uo-*  
 eadem oriundus parochiâ, qui à die natiuita- *auditu qd*  
 tis suæ surdus erat & mutus, ibidem atque *ditum uis*  
 pariter percipere meruit & loquelam. Age- *confersur*  
 bat hoc nimirum Diuina dispensatio, ut in  
 die aduentus ipsius tot signa coruscantia in-  
 dicio essent, eundem locum ad hoc fuisse  
 cælitus electum, ut tanti Confessoris corpore  
 illustraretur.

40. Quod cum innumeris undique sti- *magna omni-*  
 patum turbis, monasterio paulatim appro- *niū ordi-*  
 pinquare cœpisset, Episcopus quidem ne qui- *num accla-*  
 bat occurrere, (nam apud palatium tunc mo- *matione Ca-*  
 rabatur) sed tamen Clerus omnis cum vni- *pietate,*  
 uersis Ecclesiastici cultus ornamentis proces-  
 sit obuiam, sequente populo, qui vel de lon-  
 ginqvis venerat, vel ex eodem oppido & vi-  
 cinis locis illuc ad audienda Missarum solen-  
 nia in tantâ festiuitate fuerat congregatus.  
 Cumq̃ue sibi non paruo ab oppido interuallo  
 vterque populus, sequentium videlicet vene-  
 rabile corpus atque excipientium, obuissset,  
 ij qui occurrerant, ter cuncti simul solo pro-  
 strati, summâ illud cum veneratione suscep-  
 runt. Cumq̃ue Clerus in hymnis & confes-  
 sionibus Deum benediceret, & spiritualium  
 carminum melodiam, Sanctorum laudi con-  
 gruat, concineret, populus verò KYRIE  
 ELISON ingeminaret, cum ineffabili subi-  
 lo

Psalm. 83. f.

deferunt  
Paderbor-  
nam sacrū  
corpus:

multa sunt  
miracula.

Epilogus  
Auctoris.

lo erectis ad Deum mentibus singulorum, nihil eius laude dulcius videbatur: ita ut in huius vitæ exilio similitudinem quamdam beatitudinis, quæ in patriâ speratur, prægustasse viderentur, de quâ dicitur: Beati qui habitant in domo tuâ Domine: in secula seculorum laudabunt te. Quem illis tantum diuinæ laudis amorem, eius meritis credimus inspiratum, in cuius tunc exequiarum honorem fuerant congregati: quoniam & ipsius sola in cælis beatitudo, vita & gloria, non nisi laus Dei est, in cuius caritate perfectâ ad tantum ipse sanctitatis culmen ascendit. Itaque cum sensim magis ac magis in altum sublatae populi voces attollerentur, etiam circumquaque gaudentium, psallentium, Deo gratias agentium & iubilantium, illi in voce exultationis per totam viciniam sonitus intonarent, cum tali honore sacratissimum corpus in ecclesiam delatum, & in loco, in quo hactenus requiescit, collocatum est. Vbi quantis postmodum miraculis effulserit, quanta sanitarum dona præstiterit, alibi dicenda reseruamus, hîc præsentî libello terminum imponentes.

41. Hæc denique secundum tuum, Præsul venerande, præceptum, nostrumque propositum, de ijs quæ in Translatione eius gesta sunt, non quidem ut voluimus, & tantæ rei conveniebat, sed ut potuimus, & scientia suppetebat, describere curauimus: non magni  
penis

pendentes in sermonum qualitate reprehendi, dum tantum integræ veritatis fide seruata diuinæ operationis insignia silentio tegi nequaquam permittetemus. Nostri enim propositi necessitas admonet, vt in huiusmodi operibus nobis iniunctis id omnimodis elaboremus, vt si nos imperitia facit ineloquentes, deuotior tamen ostendat obediētes. Nec infructuoso nos sudore laborasse confidimus, si alicuius lectoris hæc in manus sumere dignantis, vel cuiuscumque audientis animus in laudem largitoris tantarum virtutum fuerit excitatus. Merito namque laudes illi & grates toto corde referimus, qui nos inter tot ærumnas seculi laborantes, tantorum Patronorum suffragijs tueri dignatur. Qui per visibiles corporum eurationes ad internam nos animarum salutem quærendam pronocantes, spem tribuant per eorum exempla & intercessionem illuc perueniendi ex hac valle lacrymarum, vbi absterget Deus omnem lacrymam ab oculis Sanctorum. Quod qui iam Sanctum suum Liborium feliciter perduxit, nos quoque licet indignos, eius interuentu, venire concedat, qui in Trinitate perfectâ vnus & verus viuunt & gloriatur Deus per infinita secula seculorum, Amen.

a Serena vocatur in minori historiâ. Videtur is esse fluius, qui Salcottenâ defluit iuxta arcem & pagum Werne. Sanè Ioannes Gigas, siue Rife, in Prodomo Geographico, viam tegiam à Rheno Paderbornam ita describit: Duisburgo, Brock, Mollen, Effendiam,

Boeckum, Tremoniam, Vanam, Gesekenam, Saltkottenam, Paderbornam. *in quâ viâ is quem dixi fluius occurrit, congruente dimensione, qua in historia assignatur. Neque nomen fluij Serena, à Verne aut Werne, arcis ac pagi nomine multùm ablutit. Verena fortassis, aut Werena, scriptum olim fuit.*

# EIVSDEM TRANSLATIONIS HISTORIA,

*Ex veteri Legendario Eccl. Cenoman.*

Baderadus 1.  
Ep. diuino  
monitu is  
Cenomanos,  
Reliquias  
petiturus,



Empore quo Cenomanica Ecclesia B. Aldrico Pontifice gloriabatur, & Gallia sub Ludouico Pio Rege & Imperatore florebat; Baderato venerabili Patroburnensi, Saxonix regionis, Episcopo, vnde a B. Aldricus oriundus erat, Diuinâ iniunctum est reuelatione, ad urbem Cenomanicam proficisci, sacrarum reliquiarum perdiuitem, & inde aliquê ibi quiescentium deferre Sanctorum, toti Saxonix, de nouo ad fidem Christi conuersæ, sacris meritis profuturum. Qui nihil cunctatus Diuinis obedire præceptis, adhibitis sibi reuerentioribus suæ Ecclesiæ personis, eò proficisci decreuit. Sed vt sacræ petitioni regia quoque sub-



subueniret auctoritas, ad Lindouicum eo tem-  
pore gloriosum Regem Francorum paullu-  
lūm declinatit: & acceptis ab eo ad vota sua  
epistolis, ad Cenomanicam, quò intenderat,  
vrbem feliciter b peruenit.

2. Qui à B. Aldrico benignè & honorifi-  
cè susceptus, aduentus sui causas exposuit, re-  
gias epistolas recitans; & ne aliquam pati  
posset repulsam, ad Diuinum sapius recurrit  
oraculum & Angelicam reuelationem. Exau-  
diuntur à B. Aldrico sine morâ eius vota: &  
assumptis in processione Ecclesiasticis or-  
namentis, vterque Pontifex Aldricus & Ba-  
deratus, vnâ cum Clero ad reclinatorium  
Sanctorum proficiscuntur. Erat autem c in  
suburbio prædictæ ciuitatis, supra fluuium  
Sarthæ, in honore Apostolorum fabricata ec-  
clesia, quæ cum se Reliquijs multorum San-  
ctorum iactitaret, præcipuè super pretiosis  
BB. Liborij atque Victurij corporibus gloria-  
batur. Ad quam, velut ad promptuarium  
gemmarum Domini Pontifices accedentes,  
deflexis in orationem poplitibus, sacræ suæ  
præsumptionis facilem & felicem meruerunt  
effectum. Quippe quibus hoc etiam merita  
B. Liborij contulerunt, vt nec loci ignorantia  
fallerentur, nec aliquâ superueniente mole-  
stiâ sacrum opus impediretur.

3. Et ne quisquam de meritis hæsitaret  
Confessoris sancti Liborij, dum beata mem-  
bra piâ curiositate defodiuntur, & in vase

litteris à  
Lud. Pio  
Imp. ac-  
ceptis:

b

à S. Aldrico  
Ep. obtinet  
corpus S. Li-  
borij.

c

quod facile  
effodiuntur;

*suauis odor* cum debitâ reuerentiâ componuntur, tam  
*diuini* festiuus odor astantem populum afflauit, vt  
*ad eum replet:* adesse putaretur omnium commixtura aro-  
 matum; & cuius orationes fuerant sicut in-  
 censum in conspectu Domini, eius ossa non  
 immeritò odorem spirauerunt incensi. Iam  
 beati artus quasi quoddam futuræ gloriæ pi-  
 gnus acceperant, qui illud futuræ gloriæ mi-  
 rificum nectar astanti populo propinabant.  
*sunt alia* Mirata est turba insolitam generalis beneficii  
*miracula:* refectionem: sed vnde in maiorem suspende-  
 ret stuporem, plures ibi salutem consecuti  
*cæca visus* sunt specialem. Quædam enim mulier cæca  
*restituitur,* dum ad defossos artus & sacras Diui Liborii  
 reliquias propiùs accessisset, torpentium ocu-  
 lorum tenebras euasit, & ad propria reue-  
 nit. Huic successit & aliud non minùs stupen-  
*puero (pulso* dum miraculum: nam antiquus hostis & va-  
*dæmone) v-* fer animorum auceps diabolus inuaserat  
*juratioris:* quemdam Ecclesiæ filium, quem mente &  
 carne torquebat assiduè: qui à matre ad san-  
 ctas attractus reliquias, expulso dæmone, &  
 turbatæ mentis memoriam & afflictæ carnis  
 recepit tranquillitatem.

4. Compositis intereà reuerendis artubus  
 in vasculo, impositum est sacrum onus pijs  
 humeris Sacerdotum, & ad matrem Eccle-  
 siam honorificè deportatum. Vbi duo viri in  
*dein claudu* ipsius matris Ecclesiæ sinu, quorum alter  
*gressus,* claudus, alter fuerat mutus, incommodi sui  
*vox muta,* remedium consequuntur; nam alter vsum  
 linguæ

linguæ recepit, alter vitiosum incessum ami- *alteri mem-*  
 sit. Alius etiam monstrum magis quàm ho- *brorum in-*  
 minem exprimens, ad propria sanus reuer- *columitas,*  
 tur. Flet populus præ gaudio & lætatur, &  
 discessuro Pastori reuerenter famulatur, ro-  
 gans ne Pastor ouium obliuiscatur. Interea *caco visus,*  
 cæcus natus illuminatur, energumenus fuga- *energumeno*  
 to dæmone sanatur. *libertas:*

5. Manè autem factò sancti Pontifices  
 sanctæ fraternitatis fœdus inuicem percu-  
 riunt, & sub sacro osculo suarum orationum  
 suffragia communicant. Certant filij Dei Di- *Paderbor-*  
 uinis se præuenire obsequijs. Experiantur *neses in ita*  
 Saxones non infructuosam Cenomanorum *cum Ceno-*  
 benignitatem, à quibus & largos sumptus ad *manis fra-*  
 viam, & intercessorem suscipiunt ad gloriam, *ternitate,*  
 nempe B. Liborij corpus cum multis aliorum *d*  
 Sanctorum reliquijs illis tribuitur. Gratulan- *sumptibus*  
 tur Saxones pretiosas secum delaturi marga- *itineru do-*  
 ritas, quæ & illos illustrarent in terris, & in- *nati*  
 ter Angelos coruscarent in cælis. *et alijs reli-*  
*quijs,*

6. Eos autem cum illo locuplete thesauro  
 Saluatoris ecclesiâ egressos, S. Vincentij mo-  
 nasterium pio recepit affectu, vbi quidam  
 eorum populum circumstantem sic affatus  
 est: Gratias vobis, filij Dei & cohæredes Iesu  
 Christi. Certum quippe Sacræ dilectionis *gratias*  
 argumentum posteris reliquistis, cum nobis *agunt:*  
 ex studio humanitatis necessaria corporum  
 hilariter effudistis, & ex reuerentiâ Diuinæ  
 receptionis Patronum tribuistis animarum.

Vnde gratias Deo agentes, vestris nos orationibus cōmendamus, numquā tantis ingrati beneficijs, numquā vestræ benignitatis immemores, numquā studiosissimæ pietatis satis abundè futuri prædicatores.

7. Ijs peroratis, & dicto vale, Saxones discedunt, & sacro suffarcinati thesauro, ad pontem Yuriacum, duobus ab vrbe distantem milliariibus, felici proficiscuntur euentu: vbi sanatus est mutus & surdus. Inde profecti ad ecclesiam s. Medardi perueniunt. Vbi eius fama miraculorum circumquaque diuulgata est: & accurrentes vndique vicini infirmos suos offerebant, incolumitatem eorum deprecantes; quibus sancti Confessoris intercessione & sanitas conceditur, & deuotio fidelium augetur. Sequenti die ad vicum Canonicorum, nomine g Conediarum, accedunt: ibique, deposito in basilicâ S. Symphoriani sancto corpore, pernoctant: vbi spectabilis fœmina, miris modis à dæmone vexata, ad Sancti reliquias accedens, fugato dæmone liberata est. Et vt mirandis miranda succederent, alij quoque septuaginta infirmi redditi sunt sanitati, & vnus præter ceteros vsque ad portentum gibbosus & paralyticus.

8. Hinc Carnotum proficiscuntur, cui tunc præerat Bernuinus venerandæ sanctitatis Antistes; qui audiens aduentum sancti Confessoris Liborij, sumptis secum suæ diocesis Sacerdotibus, qui illic sacrum concilium cele-

c  
ad Pontem  
Yuriacum  
mutus &  
surdus sa-  
natur.

f  
alii in viâ;

g  
ad Conedia-  
rum ener-  
gumena;

& alii 70.

excipiuntur  
magnificè  
ab Ep. Car-  
nolensi,

celebraturi conuenerant, festino apparatu obuius ei procedit, pio veneratur affectu, ac speciali deuotione suscipit. Resultat vbique vicinia cymbalorum sonitu, reboat psallentium voce clericorum, qui sacrum corpus, humeris impositum Pontificis, vsque ad ecclesiam S. Caranni, propè ciuitatis muros constructam, deuotiori reuerentiâ comitantur & retroducunt. Vbi puella monstro per similibus, sanata est. *(vbi agra sanatur)*

9. Inde Saxones profecti breui Parisios allabuntur, qui à *h* B. Ercanrado Parisiensi Episcopo gloriâ quâ decuit suscepti sunt: vbi in matre Ecclesiâ corpus beati Confessoris Liborij bïduo requieuit; per cuius intercessionem dæmoniaca, muta & surda sanitati est restituta. Egressi inde dum iuxta Montem Martÿrum proficiscētes, ad ecclesiam B. Dionysio sacram accederent, obuiam quemdam *surdus & mutus curatur;* surdum à naturâ & mutum habuerunt; qui more aliorum ante sacras reliquias sua vestimenta substernens, accessit ad feretrum, & osculatus est, & sic S. Liborij interuentu, quod totis votis postulabat, est assecutus.

10. Comitatur maxima Gallorum multitudo venerabiles reliquias, & vsque ad Rhenum fluium deuotiùs prosequitur, tantò patientiùs angustias itineris toleratura, quanto sæpius collata miraculorum beneficia illis blandiebantur. Imposito tandem naui corpore discedunt Galli, nil yltteriùs de meritis, illius *comitantur Galli vsque ad Rhenum;* dubi-

dubitaturi, qui tot cæcorum illuminationibus, tot curationibus debiliū, tot repulsis dæmonum, fuerant experti.

*occurrunt  
Saxones:*

11. Stabat ex alterâ parte Rhēni deuota Saxonum multitudo, quæ iam discurrentium miraculorum famâ perculsa venientem Patronum festiuo cursu suscipere decertabant. Suscipitur locuples ille thesaurus, suscipitur, inquam, desideratus Patronus, & ad urbem tanto intercessore gauisuram gloriâ quâ debuit defertur.

*mutus ad-  
uentare re-  
liquias præ-  
dicit:*

12. Cuius aduentum quidam mutus prædixit: dum enim adhuc procul esset, & in matre ecclesiâ Patrobrunensi Missarum solennia celebrarentur, aperto ore & attentis auribus, ille boni nuntij præco, dixit, haud procul esse expectati intercessoris corpus. Cui credidit Clerus, & nouum suscepturus Patronum cum sacro apparatu obuiam Clero procedit. Interim verò beati funeris portitores iuxta fluuium Serenam, tribus ab urbe distantem millibus, parumper substiterūt; vbi multa claruerunt miracula: ibique prædictæ ciuitatis populus & Clerus, ad fidem recenter conuersi, ad beatos artus accedentes, ter in humum prostrati, gratias Deo egerunt, & diu promissum, diu expectatum, diu cum lacrymis quæsitum Patronum suum B. Liborium susceperunt. Quem pio honore deferentes in matrem ecclesiam Patrobrunensis regionis, in eius honore postea consecratam, hono-

*que deducuntur Pa-  
derbornam,  
non sine mi-  
racula.*

honorificè in sacro die Pentecostes collocauerunt; sacris meritis toti Saxonix profuturum. Hunc etiam precemur, ut in aeternum cum Christo viuamus, cui cum Patre & sancto Spiritu sit laus & gloria in sempiterna secula, Amen.

a In Vita S. Aldrici, quam dedimus 7. Ianuarij, dicitur pater eius Syonius in Galliâ ortus. Gerilda mater ex Germanis genus duxisse. Coruasserius scribit patrem Sionium Saxonem fuisse, matrem Verildam Bauariâ oriundam, utrumque è regio genere.

b Prior història ex Idonis Presbyteri, vnius è Legatis Baduradi, relatione, à coetaneo conscripta, non ipsum Baduradum, sed solum eius Legatos iuisse in Galliam tradit.

c Non ergo, quod scribit Coruasserius, iam an. 834. translata erant SS Iuliani, Thuribij, Pauacij, Liborij, Romani, Trenestine, Adrechildis, Hadoindi corpora. Sed fortassis eodem anno 836. postquam in Saxoniam auctum erat S. Liborij corpus; S. Aldricus, miraculi iam patrati motus, reliquorum quoque ad basilicam Cathedralē transferri corpora curauit. Coruasserius ait Translationem contigisse die 25 Iulij, quò die anniuersaria circum urbem instituitur supplicatio. Meminerunt Translationis S. Iuliani Ep. eo die quadam Martyrologia.

S. Iuliani  
Ep. Cenom.  
Translatio  
25. Iulij.

d Diximus suprâ ex Rolevinckio & Gobelino, Sanctorum aliorum reliquias unâ cum S. Liborij corpore allatas.

e Coruasserius locum hunc Yurè appellat.

f Coruass locum ait situm ultra Huinam amnem, vulgoq; dici S. Mars de la Briere.

g Idem, Conqueray.

h De eo egimus suprâ. Coruass. Eucaradum vocat. Nusquam alibi legimus eum Beatus accenseri, etsi laudatissimus Aristes fuerit.



## HISTORIA

REDUCTIONIS RELIQUIARVM

S. LIBORII,

*Auctore Ioan. Carolo Erlevvein.*

Reuerendissime ac Serenissime  
Princeps, Clementissime  
Domine.

ANNO  
MDCXXIII.

I.



Erenitatis Vestrae mandatum Broilæ an. MDCXXVII. die xxvii. Nouembris, vnâ cum litteris Admodum Reuerendorum & Prænobiliū DD. Decani ac Capituli Paderbornensis Ecclesiæ, ad me perlatum est xiii. Decembris: eaquæ omnia debitâ cum reuerentiâ recepi, ac perlectis ritè omnibus, quæ in ijs continebantur, confestim me ad obsequentiſſimi animi officium contuli, & cœpi in memoriam reuocare præterita tempora & seruitia mea humillima; nimirum quod an. MDCXXII. Sermæ. Clemæ. suæ consensu impetrato, sub Sereniss. Lotharingæ Duce Henrico, nullis licet meritis meis exigentibus, signiferi equestris honorem in militiâ consecutus, stipendia

*Auctor militat Lotharingo an.  
1622.*

dia meruerim, bello quod aduersùs Mansfeldium tunc gestum fuisse constat. Cùm autem <sup>dein Gallq</sup> post missionem honestam, vii. Iulij eius- <sup>sub Rin-</sup> dem anni, quando Regis Galliarum exerci- <sup>grauio:</sup> tus ad Sermese lustrabatur, altera stipendia eques cœpisssem mereri, auspicijs Illustrissimi Ottonis Philippi Comitis Siluestris ac Rheni, aduersùs eundem Mansfeldium, pro obsequio Regis Galliarum, militantis; præclara mihi, Dei munere, obuenit fors, S. Liborio, suæque Serenitati vnà seruiendi.

2. Siquidem anno eodem MDCXXII. die xviii. Septembris, cùm Illustriss. Otto Philippus Comes Siluæ ac Rheni, Vaucoleurio Gallia: vrbe, in quâ ipsius equestris legio statua habebat, profecturus esset, ab eius Gratiôsâ Generositate impetraui potestatem Coloniam proficiscendi, eâ conditione, vt sex hebdomadam euoluto curriculo me ipsius gratioso obsequio restituerem: quod etiam pro viribus annisus sum præstare. Cùm autem <sup>ab hoc iubetur</sup> iam itineri me darem, idem gratioso suo <sup>Electori</sup> imperio id mihi negotij dedit, vt apud Sere- <sup>Colon. offer-</sup> nissimam Clementiam vestram, præter hu- <sup>re restitu-</sup> millimam obsequendi promptitudinē, etiam <sup>tionem Re-</sup> indicarem, quâ ratione Reliquias S. Liborij, <sup>liquiarum</sup> à S. Liborij, <sup>S. Liborij,</sup> Christiano Brunswici Duce acceptas, asseruaret, & honori Paderbornensis Ecclesiæ non inuitus daret, vt eâ Patroni sui thesaurum sacrum reciperaret, & Sanctus in locum pristina: quietis, ac honoris sui gradum, restitueretur.

retur. Et quandoquidem sua Sereniss. Clem.  
etiam Paderbornensi Ecclesiæ, Dei & Apo-  
stolicæ Sedis gratiâ, præsideret, se libenter ve-  
nire in partem curæ, quam sua Sereniss. Clem.  
pro eiusdem Ecclesiæ sacris habere dignosce-  
retur.

3. Feci itaque quod mihi imperatum erat  
sanctè & ordine; ac 111. die Octobris eius-  
dem anni coram suâ Sereniss. Clem. mandata  
Illustriſſ. Comitſ expoſui; Nimirum, non  
multò ante eam diem Ducem Brunſwici  
Chriſtianum, cùm ciuitatem Paderbornen-  
ſem imperu belli ſui occupatam, expilaſſet,  
ſacras S. Liborij Episcopſ reliquias ex ſummâ  
æde abſtraxiſſet, ſecumque è Weſtphaliâ in  
Haſſiam ad Mœnum flumen vſque condu-  
xiſſet; conditorium verò Sancti pretioſum  
confregiſſet, & ex illius aliâque materiâ impe-  
rialibus nummis ſimilem procudi feciſſet  
monetam; demùm poſt ambigua itinera  
trium ferè horarum itinere ſupra Metenſem  
in Moſellæ ripis ſitam urbem conſediſſet;  
eoque loci prædictus Illuſtriſſ. Comes Rheni,  
eundem Ducem cum quinque vel ſex viro-  
rum comitatu familiariter inuiſiſſet, inter va-  
rios ſuper menſâ ſermones, vti fit, etiam de  
reliquijs S. Liborij ſermonem eſſe ſubortum.  
Cumque Illuſtriſſ. Comes confidenter inqui-  
ſiſſet, quonam eæ reliquiæ deueniſſent inter  
tot itinera Ducis, ipſum Ducem excepiſſe, di-  
xiſſeque eas adhuc apud ſecretarium ſuum  
aſſer-

quas Pader-  
bornâ abla-  
tas,

et circum-  
ueſitum,

asseruari, ac mox iussisse ex abaco supellecti-  
 lis argentæ exemptas afferri. Quod cum illi-  
 cò factum fuisset, Illustriss. Comiti esse osten- *linco inuo-*  
 las super mensâ, inuolutas obscuræ & inglo- *luta, & si-*  
 riæ mappæ, seu linco, attamen consuto & si- *gnatæ*  
 gillis Ducis ipsius munito. Cumque propitiùs  
 eadem reliquæ inspectæ fuissent, & vehe-  
 menter comminutæ apparuissent; ac Comes,  
 veluti dubitans, ampliùs inquisisset, num eæ  
 verè essent Reliquiæ, quas in S. Liborij condi-  
 torio reperisset; ibi Ducem respondisse, esse  
 ipsissimas tam verè quàm ipse sit Brunswici  
 Ducum sanguine natus, & præsens verè co-  
 ram assideret. Interrogante autem Comite, *sed successio-*  
 quanam igitur ratione adedè essent commo- *ne confra-*  
 litæ, Ducem respondisse, eò quòd abaco ar- *ctas.*  
 gentæ supellectilis inclusæ, cumque eâ per  
 itinera & hospitia sæpius contusæ fuissent.

4. Tum demùm Comitem cœpisse insta-  
 re, petijseque vt eas sibi Dux gratiosè cle-  
 menterque cederet, cum ei per religionem  
 suam, à Sanctorum reliquijs alienam, nihil  
 admodùm possent proficere, & Comes ipse  
 vicissim alio ipsi commodiore munere posset  
 honorare cognatum Ducem, nimirùm ge-  
 nerosiore equo & pilei honestamento præ-  
 claro. Ad quæ cum ipse Dux retulisset, se ad  
 eas reliquias neque dimittendas neque reti-  
 nendas sat cõsiliij habere, & esse perplexum, *a*  
 tandem tamen varijs modis precibusque  
 adhibitis Ducem Christianum, sine vilo pacto  
 mune-

*sibi Halber-* muneris alicuius, Illustriss. Comiti Ottoni  
*stadius do-* Philippo Reliquias easdem liberaliter esse  
*narrat,* largitū. Atque hæc vix xiv. diebus ante cladem

Duci in finibus Brabantia xxix. Augusti 1612.  
 (in quâ ei brachium contractum fuit) illatam,  
 prædicto modo accidisse. At Comitem sæpè  
 memoratū, lætum munere sacro, easdem ac-

*ipse in arce* ceptas obsignatasque statim Principi de Croy  
*suâ afferre* coniugi suæ in arcem Neuuiller, quæ fere  
*bat:* septem leucis supra Nanceium visitur, trans-  
 misisse: quæ illas pari gaudio reuerentiâque  
 exceperit, & (vt erant) sigillatas in sacello arcis  
 per Sacerdotem domesticum supra sacelli al-  
 tare reponi curauerit, ibidemque honorari.

§. His compendio ad Serenissimæ Clem.  
 suæ notitiam allatis apud Bonnam die tertiâ  
 Octobris anni MDCXXII. quoniam sequenti  
 die eadem Sereniss. Clem. sua erat iter ingres-  
 sura, quò Comitij Imperij Ratisbonæ agen-  
 dis adesset, iussus sum, per Reuerendiss. ac Il-  
 lustriss. Franciscum Wilhelmum Osnabru-  
 gensem Episcopum, iter Suæ Ser. prosequi,  
 ac Confluentia responsi opportunitatem op-  
 periri. Quæ cum ne eo quidem loco, ob plu-  
 rimorum negotiorum molem vndique in-  
 cumbentem, affulsisset. Hanouiam vsque sum  
 prosecutus; ibique viii. Octobris Serenitatis  
 Suæ litteras, de fide ac legatione mihi à suâ  
 Sereniss. Clem. demandatâ, impetraui, & cum  
 his ad Serenissimum Lotharingia Ducem,  
 atque Illustrissimum Comitem Rheni citato  
 itinere

*Auctor pro*  
*ijs mittitur*  
*in Lotha-*  
*ringiam ab*  
*Electore:*

itinere sum profectus. Cùm autem, Deo iter secundante, in columis VII. Nouembris eiusdem anni MDCXXII. in arcem Neuuiller peruenissem, & Illustriss. Comitem, eodem, quò Sua Sereniss. Clem. contenderat, iter instituisse comperissem, litteras Principi de Croy, pijssimæ Comitis coniugi, tradendas duxi, ac debitâ cum obseruantia porrexî. Quæ se Reliquias petitas, etiam Suâ Serenissimâ Clem. omnibus modis colendâ postulante, sine consilio & consensu Comitis coniugis, tradere posse prorsus negauit. Itaque infecto negotio tunc mihi quidem discedendum fuit: sed per litteras vtrîmque submissas, Serenissimæ Clem. Suæ ac Illustriss. Comiti ampla coram de Reliquiarum recuperatione occasio data est Ratisbonæ in ipsis Comitibus Imperij tractandi: quâ factum est vt vltro citroque habitis colloquijs Illustriss. Comes Reliquiarum S. Liborij restitutionem ratam habere voluerit, & addixerit: quæ etiam consecuta est, vt in sequentibus dicetur.

6. Nam Comitiorum apud Ratisbonam peracto tempore, cùm anno MDCXXIII. ad XXIX. Maij Sua Sereniss. Clem. ad Bonnense castrum salua, gratulante patriâ vniuersâ, redisset; iterum cum litteris fidei, & negotij eiusdem apud Illustriss. Comitem Rheni conficiendi gratiâ, missus sum in Lotharingiam, ad castrum Neuuiller, adiuncto mihi comite itineris Adm. Reu. & doctissimo Domino

*qui Ratisbonæ eas  
Electori  
pondit.*

*mittitur de  
nudo anno*

1623.

D. Ioan-

D. Ioanne de Blier Canonico SS. Cassij & Florentij in collegiatâ Bonnæ Ecclesiâ, nec non Aulico Sacellano : cumque eo, rhedâ ad iter clementer datâ, iter ingressus sum, deducente nos Sereniss. Clem. Sux caduceatore. Iter nobis fuit Bonnâ egressis per Eisliæ iuga & valles, Adenauiam, Merrimum, Vitelliacum, Treuiroꝝ Augustam, Ricciacum, siue Sirick, Theodonis Villam, Metas, Mussipontem, Nanceium.

7. Cùm autem ad Neuuillerium castrum peruenissemus, neque Illustriss. Comitem, neque Principem coniugem reperimus : sed Comitem quidem ad curiam Regiam Parisios profectum esse, Principem verò ipsam in Baudouiller concessisse comperimus. Ea causâ fuit, cur Neuuillerio castro duodecim leucas processerim, itinere facto per Rambervillariam & Aultrey, interiecta loca Neuuilleriensi castro & Baudouillerio. Ibi Principis Neuuillerium redituræ præsentiam nactus, oblati litteris, alijsque mihi clementissimè mandatis, postero die cum Principis aulâ Neuuillerium redijmus, & vi. Iunij in castrum peruenimus. In quo cùm pro Serenitatis Sux obseruantia, nos Missos eiusdem gratiosè recepisset, atque in octauum Iunij diem detinuisset, ex consilio & consensu Illustriss. Comitis Rheni, mariti sui, suoque gratificandi studio, magno sensu pietatis ac reuerentiæ, Reliquias S. Liborij, præsentibus aliquot Sacerdo-

*benignè ex-  
cepit,*

*Reliquias  
accipit à  
Ringrauij  
uxore,*



cerdotibus, per sacelli aulici Rectorem nobis  
 cum ipsâ, cui inuolutæ fuerant, mappâ, seu  
 linteo mensæ vsibus olim destinato, offerri &  
 tradi iussit. Quæ traditæ per Sacerdotes <sup>suam</sup> con-  
 festim apertæ, non sine insigni odoris fra- <sup>odorem ex-</sup>  
 grantiâ <sup>spirantes,</sup> expirante, positaque sunt in capitel-  
 lâ, quæ statim inclusa est cærulei coloris  
 panno, consutaque, circumducto sæpius  
 eiusdem coloris serico redimiculo, quod va- <sup>denuò obse-</sup>  
 rijs in locis ipsius Principis, in rubrâ cerâ in- <sup>gnata;</sup>  
 fixis, sigillis communitum fuit, nobisque con-  
 creditum.

8. Verumtamen eadem pijsissima Princeps  
 mappam, in quâ antea reliquiæ S. Liborij re-  
 quicuerant, in partes seissam, gratosè inter  
 præsentem distribuit, qui magno animi gau-  
 dio reuerentiâque suas quisque partes am-  
 plexi fuerunt. Ad hæc etiam partem ossis de <sup>osse istius</sup>  
 S. Libotio suo sacello seruauit, eamque in li- <sup>retento</sup>  
 gneâ, arte singulari efformatâ, & viuis colo-  
 ribus delibutâ hermâ, seu statuâ Episcopalis  
 habitus, pectore tenus productâ, recondi cu-  
 rauit, vt sancti hospitis memoria ex eius loci  
 incolarum animis numquàm deleteretur, sed  
 præsentia aliquantâ corporis sui ipse locum  
 sanctificaret, in sui ac Dei Optimi Maximi  
 obsequium. Cui spei optimæ sanè hætenus <sup>ob vicino-</sup>  
 non defuit pius effectus in animis circum- <sup>rum pietat-</sup>  
 positorum populorum, qui locum illum sup- <sup>remis</sup>  
 plices, votis etiam anathematis, frequentare  
 non desistunt.

9. Huic religioni causam non leuem dedit id quod per legationis meæ tempus ex ipsâ Principe accepi. Cùm enim illa, acceptis nuper sanctis Reliquijs, consideraret Reliquias S. Liborij è folio honoris & loco diuturnæ quietis suæ, Ecclesiâ scilicet Paderbornensi, violenter & contumeliosè abstractas, & huc illucque cum impio exercitu sine honore & reuerentiâ ipsi congruente, circumactas fuisse, Electa Princeps pium & decorum animo facinus concepit, nempe honore aliquo sancti hospitis sui lipsana celebrare; populoque vicino commendare. Itaque tam in memoratæ arcis parochiâ, per sacelli Rectorem, quàm in vicinis circumcircuitâ parochijs, etiam in ciuitate b Baionensi, præconiâ voce edictum fuit, quòd Reliquiæ S. Liborij Episc. per Christianum Ducem Brunswici Paderbornâ violenter ablatae, & cum exercitu circumductæ, demum in Illustriss. Comitibus Rheni, &c. Domini sui, potestatem deuenissent, & modò in arcis Neuuiller sacello ad cultum debitum essent repositæ; & ideò certus dies esset statutus, quo supplex circumcircuitâ populus ex utroque sexu collectus, sancti hospitis venerandi gratiâ, cum ipso Sancto sic processurus in publicum, succollantibus sacro oneri duobus Ecclesiastici ordinis viris, ipsaque Principe cum aulâ ac populo vniuerso prosequentibus per magnum agri circumiecti tractum, populo in hymnis & canticis

Domi-

quòd ijs solenniter in supplicatione ambar-  
tuali circumlatu,  
b

Dominum Sanctorum collaudante, donec Reliquiæ in sacellum & altare relatæ suo fruerentur honore.

10. Accidit eo die aliquod non leue sanitatis beneficium, vni, vel potiùs duabus personis in vno, collatum. Nimirùm fœmina probæ famæ, magno fidei & pietatis sensu, filium octennem, ab vtero matris contractum ad eò vt genua ad pectus eius contorta rigerent, magno nihilominùs labore in prædictâ procedentium turbâ circumtulit, orans Deum, vt meritis S. Liborij Episcopi ipsam & filium exaudire dignaretur; & si tam ipsi quàm filio salutare foret, puerum ab infirmitate suâ absolueret. Res mira: cùm mater processione peractâ, fessa & genibus nixa puerum ante se deposuisset, & ante Reliquias S. Liborij super altari repositas feruentius in medio templi oraret, ecce puer volutari occēpit, & mox in pedes erigi, & erectus ambulare, timidè tamen & nutando, vti solent qui primos gressus figere discunt, atque ita confestim ad altare pergens, ibi Deo & S. Liborio gratias agit. Mater pueri, videns virtutem Dei in filio, & ceteri qui aderant, puerumque nouerant, ingenti gaudio perfusi, lacrymas præ teneritudine cordis admittentis non tenebant, sed Deo & S. Liborio pro tam manifesto signo sanitatis laudem dicebant. Factum est hoc signum in ipso arcis Neuuillor sacello, vbi reliquiæ sacræ in conspectu

*contractus  
sanatus  
esset;*

pijsimæ Principis erant collocatæ : & ego, cum isthuc legatus adueni, auidè eundem puerum sum contemplatus, vnà cum socio itineris mei, ipsumque locum, in quo acciderat, non sine gaudio inspexi. Quin etiam fidelissimas de hoc miraculo litteras testes, Latino ac Francico sermone scriptas, Princeps de Croy ad Sereniss. Clem. suam transmisit, vnà cum Reliquijs S. Liborij.

11. Referebat etiam eadem pijsima Princeps plura sanitatis signa in ægris, maximè febri correptis, Dominum operari dignatum, ad honorem serui sui S. Liborij: sed exactam notitiam singulorum, quæ in Principis animo multa erat, mihi comparare tam breui tempore supersedi, cum festinarem citissimo reditu Sereniss. Clem. Sux mandatis satisfacere.

12. Itaque summo manè circa tertiam horam itineri nos dedimus cum Reliquijs in rhedam impositis. Quod cum non lateret plebem vicinam, ex hac plures personæ ad rhedam accedentes, eam supplices venerari, S. Liborij à se auhendi suffragia postulare, & in discessu ex arce lacrymari cœperunt. Nos autem Camponidem, Mussi-pontem, S. Iulianum, Ricciacum, denique Treuiros peruenimus: & sub vrbis muris in S. Maximini abbatiam religiosissimam cum factis pignoribus diuertimus. Ibi indicio sacrorum pignorum cum Abbate communicato, ipse insigni gaudio

cas Auctor  
desert Tre-  
uiros,

dio ex eorum præsentia affectus, sequenti die, qui fuit XII. Iunij, eodem in loco magnâ cum deuotione sacrum musicè in honorem S. Liborij per Religiosos decantari, & capsam, *ubi publicè honorata,* in quâ S. Liborij Reliquiæ recondebantur, in summo altari reponi curauit. Inter sacrorum mysteria, collecta vetus ex Treuirensi peruetusto Breuiario opportunè reperta, decantata fuit.

*Collecta de S. Liborio Episcopo*  
XXIII. Iulij.

**D**Eus, qui B. Liborium, pium Pontificem, speciali priuilegio in medendis vrinarum & calculi passionibus, ad salutem fidelium, decorasti, tribue, quasumus, vt ita ipsius meritis & intercessione ab eis malis eruiamur, vt æternis gaudijs perfruamur. Per Dominum. Absoluto sacro Reuerendiss. Abbas cum sanctis Reliquijs, omnibus qui aderant, benedictionem impertiuit, & omnes eandem capsam piè osculati sunt. Atque ita *dein Bon-* XIII. Iunij ex Abbatia S. Maximini in pagum *nam veritas,* Sweigh, Vitelliacum, Merrim, Adenau, Aldenar, Mariæ-Forestum xv. Iunij salui, Deo pro- *per eas & pe-* tegente, peruenimus, meritis S. Liborij ex pe- *riculu gra-* riculis diuersis erepti. *pimus:*

13. Ex eo loco, qui institutis S. Brigidæ sacer est, Sereniss. Clem. Suxæ significatum fuit, Reliquias S. Liborij appulisse. Idcirco eadem Sereniss. Clem. Sua altero die, qui erat xvi. Iunij, in prædictum locum duos ablegauit ex

*ex iussu Ele-  
cloris visi-  
tantur.*

aulâ viros, nimirum R. P. Georgium Schrotelium, Societatis I E S V Sacerdotem, Confessarium suum, & Nobilem ac strenuum Dominum D. Benedictum Schweindell Camerarium; qui præfente P. Priore monasterij Mariæ-Forestani, iussu Sereniss. Clem. Suxæ, cistam continentem Reliquias S. Liborij, referatis sigillis, aperuerunt, inspexerunt, & cognitione terminatâ, rursus sigillis pro suæ Serenitatis parte communierunt; mandantes, Vestræ Sereniss. Clem. iussu, Reliquias easdem in sacrario Mariæ-Forestano intactas seponi oportere. Quibus ritè constitutis, nos scripta, attestations miraculi, Latino ac Francico idiomate exaratas, nec non litteras Principis de Croy ad Sereniss. Cl. V. datas, prædictis viris delegatis porreximus, ad eandem Clementiam perferendas. Hæc summam gesta sunt in negotio Relationis Reliquiarum S. Liborij, eo tempore quo Sereniss. Clem. Suxæ operâ meâ paratissimâ uti dignata est: quam ut semper pluribusque in causis impendere Sereniss. Clem. Suxæ seruitio liceat, Deum precor, qui eandem Clem. suam patriæ diutissimè incolumem præstare dignetur. Ita precor, & ad posteritatem testor, in castro & oppido Seren. V. Cæsaris-Insulano anno MDCXXVII. XXIII. Decembris. SERENISS. CLEM. SVÆ

humillimus cliens

IOANNES CAROLVS ERLLENWEIN  
Prætor Lynnenfis & Vrdingenfis.

a Erat is, ut suprâ annotauimus, affeclarum magis-  
 suorum, quàm proprio vitio malus. Testatus nobis est  
 vir clarissimus Bartoldus Nibufius (qui Helmstadij  
 unâ cum ipso Christiano, an. mpcxv. studijs operam  
 dedit, ac postea litterarum scientiâ in Aulâ erudij  
 Saxonia Ducem Vinariensem Bernardum, praclari  
 dein nominis militem, si pro meliori causâ arma ges-  
 sisset) is, inquam, cùm iam prior pars huius commenta-  
 tionis excusa esset, testatus est nobis, Christianum Du-  
 cem eo tempore indoli fuisse optima: sed postquàm Epi-  
 scopatu Halberstadiensis auctus est, alios planè mores  
 induisse. fraude (ut omnium opinio erat) Billerfeldij  
 chirurgi, hominis impijssimi, qui aliquamdiu Constan-  
 tinopoli atque in Perside versatus, in huius deinde im-  
 prouidi adolescentis sese familiaritatem insinuauit, eiq;  
 pharmacum miscuit, quo fieret ex homine (ut aiebat)  
 nimium scholastico generosus ac vegetus: verùm ea  
 potio insanum eum quodammodò reddidisse visa est.  
 Hac tunc per Saxoniam fuit fama. Pessimè ipsi quoque  
 postea periit Billerfeldius, ab rusticano homine, cuius  
 uxori afferre stuprum moliebatur, trucidatus. Quanti  
 interest, quibus magistrie formanda committatur Prin-  
 cipum adolescentia!

b Non hac Aquitania, ad Cantabrorum consinia,  
 vrbs est Baiona; sed Lotharingia oppidum ad Mosel-  
 lam flumen, non longè ab Neuuillari arce.



## A C T A

## ECCLESIAE PADERBORN,

*De Reliquijs S. LIBORII Episc. Peregrino Carleno Abbati, pro Ecclesiâ Amerinâ, donatis.*



1. **I**N nomine Domini, Amen. Tenore præsentis publici instrumenti, cunctis pateat euidenter & sit notum, quòd anno post Christum natum millesimo sexcentesimo quadragésimo sexto, indictione decimâ quartâ, Pontificatus sanctissimi in Christo Patris & Domini D. Innocentij, eius nominis decimi Papæ, anno secundo, sabbathi nonâ mensis Iunij, inter septimam & octauam ante meridiem, coram me Notario Apostolico, in infrâ nominatorum testium præsentia, personaliter constituti fuerint, Illustrissimi & Reuerendissimi Domini, Theodorus Adolphus à Recke Præpositus, Casparus Philippus à Ketterler Decanus, Ioannes Gulielmus Baro de Syntzigh Cantor, & Cellerarius, Adolphus Henricus Droste Præpositus Cathedralis Monasteriensis, Arnoldus de Vitinghoff còdictus Schelle, Præpositus ad S. Mauritium Monasterij, Adolphus Henricus Droste Iunior

*Acta notarialia Monasterij confecta 9. Iunij 1646.*

nior, omnes Ecclesiæ Cathedralis Paderbornensis Canonici; prout & Illustriss. & Reuerendiss. Dominus Peregrinus Carlenus Abbas S. Mariæ, Plenipotentarius Ducis Geldriæ & Iuliæ, Comitum Egmondæ & Zutphanæ ad tractatus pacis vniuersalis; me Notarium & testes adhibitos requirentes, vt vnâ cum iisdem Dominationibus, vigore eum in finem portatæ singularis requisitionis schedulæ, certo cuidam ab ijs celebrando & dictæ schedulæ inserto actui interesse, eundemque sic peractum ad protocollum meum redigere, necnon desuper, erga condignum meum salarium, vnum vel plura conficere vellem, instrumentum & instrumeta. Actum Monasterij Westphaliæ in aulâ habitationis Reuerendiss. & Illustriss. Domini Bernardi à Westerholt Cathedralis Ecclesiæ ibidem Canonici, anno, indictione, papatu, mense, die, & horis, quibus suprâ; præsentibus circumspectis Dominis Michaële Sitthoff Notario & Registratore Cancellariæ Paderbornensis, & Ioanne à Versen Secretario antè memorati Illustriss. & Reuerendiss. Domini Abbatis Carleni, vti fide dignis, ad id specialiter requisitis & adhibitis testibus.

Tenor præfatæ singularis requisitionis schedulæ erat subsequentis tenoris:

2. Ad maiorem Omnipotentis Dei gloriam. Nos Theodorus Adolphus à Recke, Præpositus, Casparus Philippus à Ketteler

Decanus, ceterique seniores & Capitulares Cathedralis Ecclesiæ Paderbornensis, vobis Domino Notario & testibus ad hoc specialiter requisitis, pro rei dignitate, & meritis S. Liborij Patroni nostri, exponendum duximus; Quandoquidem magnus Dominus & laudabilis nimis etiam laudandus in Sanctis suis, propter quorum merita & preces, multa nobis, eaque non leuia, subinde largitur beneficia, etiam illis ad felicioram vitam sublati, vt existentes in cælis, etiam nunc honorificentur in terris, vbi fideliter Domino suo ministrauerunt; hic, inquam, miserator & misericors Deus, vt annuntietur inter gentes gloria eius, in omnibus populis mirabilia eius, sicuti honorem sancti Prophetæ Elisæi iam vitâ functi, per suscitationem mortui ad contactum reliquiarum eius, toti mundo voluit esse contestatû, sic etiam serui tui, Liborij, Patroni nostri, nomē non modò apud Cenomanos in Galliâ (vnde Dominicæ Incarnationis an. 836. quintâ Calend. Iunij, sanctæ eius reliquiæ, Paderbornam delatæ, multis in viâ miraculis honoratæ claruerunt) & Paderbornæ in Westphaliâ; sed & in alijs diuersis ac diffitis locis, regnis & prouincijs, diuersorum morborum, ac præcipuè calculi, curatione voluit esse celebre & honoratum.

*S. Liborij  
efficaci contra calculi  
dolores patrocinio*

3. Quâ quidem miraculorum experientiâ permotus, Illustriss. & Reuerend. Peregrinus Carlenus, patriâ Amerinus, dignitate Abbas beatæ

Beatæ Mariæ, functione Comitissæ Egmundæ  
 Ducis Geldriæ ad tractatus pacis vniuersalis  
 Monasterij Westphaliæ Plenipotentarius,  
 scriptis ad nos litteris, non modò Diuinæ bo-  
 nitati quas potuit gratias egit, sed & reliquias  
 nostri Sancti Liborij miris encomijs, magno  
 affectu & singulari deuotione commenda-  
 uit: Quòd ipse inprimis Monasterij magnis *intellecta,*  
 & insolitis calculi doloribus fatigatus, & tan-  
 tùm non exhaustus ac oppressus, intellectâ à  
 Venerando admodùm Patre F. Bonauenturâ  
 de Ruthæno Prædicatore Capucino, tunc  
 suo Confessario, mirâ S. Liborij deuotione,  
 eiusdemque ad calculi malum curandum  
 singulari virtute; pro suâ à calculo liberatio-  
 ne, aut saltem dolorum ipsius mitigatione, *et piè inua-*  
 oblatam sibi à dicto Patre antiphonam & *caso,*  
 orationem de S. Liborio, ad ipsum Sanctum,  
 sæpius magnâ fide, multisque cum gemitu-  
 bus, ac tandem de ipso Sancto sacrum à dicto  
 suo Confessario celebrari curans, celerem  
 sub eodem sacro expertus Diuinæ bonitatis *ijs doloribus*  
 gratiam, ab acerbissimi calculi puncturis, & *liberatus*  
 ab ipso (vt speraret) calculo miraculosè fue-  
 rit sanatus: Deinde quòd frater eius Augu-  
 stinus Carlenus, Ameriæ Cathedralis Eccle-  
 siæ Canonicus, de hoc ab eo certior factus, *Peregrinus,*  
 cum dudum vrinandi difficultate, & conse- *Carlenus,*  
 quenter calculo, laborasset, per eandem *(vsi et fra-*  
 transmissam sibi antiphonam & orationem, *ter eius dys-*  
 memorati Sancti intercessionem pro recu- *uria,*

*& alij in  
Vmbriâ)*

*partem reli-  
quiarum  
eius petis,  
ut Ame-  
riam mit-  
tat;*

perandâ sanitate efflagitans, illicò ab isto ma-  
lo liberatus sit: Demùm quòd plures in Vm-  
briâ partibus per eiusdem antiphonæ & ora-  
tionis deuotam recitationem magna à Diui-  
nâ misericordiâ beneficia obtinuerint. Id  
quod intercessioni huius sancti Patroni no-  
stri tribuens, pro patriâ suâ, Ameriâ in Vm-  
briâ, tam euidenti miraculo in deuotionem  
erga hunc Sanctum & reliquias eius raptâ,  
earumdem sanctarum reliquiarum, apud nos  
existentium, particulam, tam per litteras  
quàm per suum Confessarium, magno affe-  
ctu à nobis petijt ac postulauit. Non potui-  
mus quidem non cõmendare pium hoc de-  
siderium tum Illustriss. & Reuerendiss. Do-  
mini Abbatis, tum Capituli & populi Ameri-  
ni: verùm quia in potestate nostrâ non erat,  
sine consensu & expressâ concessione Sere-  
nissimi Principis nostri Ferdinandi, Electoris  
Coloniensis, & Episcopi Paderbornensis,  
vtriusque Bauariæ Ducis, thesaurum hunc  
vel aperire, vel minuere; ideò re & postula-  
tione tam piâ ad ipsius Serenitatem humi-  
liter delatâ, quandoquidem gratiam & man-  
datum aliquam sanctarum reliquiarum par-  
tem communicandi Clero & populo tam  
deuotè expetenti, statim obtinuimus, prout  
sux Serenitatis litteræ hisce insertæ fusiùs  
declariant.

Copia litterarum Serenissimi Electoris  
Coloniensis, Episcopi Paderbornensis, ad  
Capi-

Capitulum Cathedralis Ecclesiæ Paderbornensis; quibus conceditur, vt dentur Reliquiæ S. Liborij Cenomanensis Episcopi, Paderbornensium Patroni, Illustriss. & Reuerendiss. Abbati Carleno pro Ameriâ.

4. Ferdinandus Dei gratiâ Archiepiscopus Colonienſis, Princeps Elector, Episcopus Paderbornensis, Monasteriensis & Leodiensis, Administrator Hildesimensis, Berchtelgadensis & Stabulensis, Comes Palatinus Rheni, vtriusque Bauariæ, Westphaliæ, Angariæ & Bullionis Dux, Marchio Franchimontanus,

*assensiente  
Electore Co-  
lonien. 2. Ian-  
nuar. 1645.*

Venerabiles & honesti, dilecti deuoti, ex vestris ad nos XII. Decembris, huius iam ad finem currentis anni, datis litteris, earumque adiunctis, didicimus quo pio feruore S. Liborij, diœcesis nostræ Paderbornensis Patroni, nomen in peregrinis ac distitis prouincijs veneretur: & qualiter particula sacrarum eiusdem reliquiarum, ad maiorem deuotionem excitandam, & ad Dei honorem augendum, expetatur: quodque vos ad elargiendum illam, gratiosissimum nostrum consensum submissè exquiratis. Quemadmodum igitur nobis pergratum fuit intelligere, quod dicti sancti Episcopi veneratio, & ad illam subsecuta intercessio, tam mirabiles effectus ad exterarum nationes produxerit; & minimè dubitandum sit, quin elargitio Reliquiarum eiusdem maiorem in plebe deuotionem excita-

citabit; ita libenter concedimus, vt expetenti ac postulanti Abbati Carleno (quamuis ipsæ Reliquiæ, cū ab hostibus circumueherentur, multū comminutæ fuerint) aliqua earum particula, sine notabili tamen remanentium diminutione, donetur & tradatur. De hoc vicissim monere vos voluimus, quibus beneuolentes, gratiam nostram offerimus, Datum Bonnæ in ciuitate nostrâ secundo Ianuarij, anno 1645.

FERDINANDVS

Ioan. Stam Secr.

5. Idcirco nos Theodorus Adolphus à Recke, Præpositus, Serenissimi Electoris Colonienſis, Episcopi Paderbornenſis & Monasterienſis, Conſiliarius intimus, & ad tractatus pacis vniuerſalis Legatus, & Ioannes Guilielmus Baro de Syntzigh, Cantor & Cellerarius, à Reuerendiſſimo Capitulo Paderbornenſi ad hoc negotium ſpecialiter deputati,

*eam illi donant Canonicj Paderbornen. 9. Iunij 1645.* anno MDCXLV. die nonâ Iunij, manè inter ſeptimam & octauam, in Cathedrali Eccleſiâ Monasterienſi, ſacrarum reliquiarum, pro temporum tunc ſtatu, aſylo, ad tumbam ſanctarum reliquiarum conſeruatricem deuotè accedentes, duas particulas, vnâ cranij, alteram tibię, ex eadem ſublatas, hac intentione, vt Ameriam in Vmbriâ, ad augendam populi illius deuotionem, & maiorem Diuinæ bonitatis gratiam ipſi conciliandam, in ouali & varij coloris capſulâ repoſuimus: eamque præſen-



præsentibus tunc & astantibus, admodum Venerando Patre F. Bonauenturâ de Ruthæno, Prædicatore Capucino cum suo socio, Cathedralis Ecclesiæ Monasteriensis Thesaurario, Petro Buschman Iurium Doctore, Electoris Colonienfis, Episcopi Paderbornensis, intimo Consiliario, Cancellario, & ad tractatus pacis vniuersalis Monasterij Westphaliæ Legato, alijsque ex Clero & populo eiusdē ciuitatis, publicè tradidimus Illustriss. & Reuerend. Abbati Carleno, transferendas ad desiderantem Clerum populumque Amerinum.

6. Cùm verò fataliter acciderit, quodd ob varia bellorum pericula & impedimenta Monasterij denuò conuenire non potuerimus, ad consignandum debitè ipsas reliquias, & conficiendum in formâ attestationis instrumentum; atque inde ipsæ Reliquiæ ad *scilicet demum* destinatum locum translatae non fuerint, *an. 1646.* *9. JAN.* tamen anno elapso integro, Deo sic disponente, eodem die nono Iunij, eademque horâ inter septimam & octauam, Monasterij Westphaliæ, in aulâ habitationis Reuerendissimi & Illustris Domini Bernardi à Westerholt, Cathedralis Ecclesiæ ibidem Canonici, præter opinionem conuenerimus, Theodorus Adolphus à Recke Præpositus, Casparus Philippus à Ketteler Decanus, Ioannes Gulielmus Baro de Syntzigh Cantor & Cellerarius, Adolphus Henricus Drostæ Præpositi-

positus Monasteriensis Cathedralis Ecclesiæ, Arnoldus de Vittinghoff conductus Schelle, Præpositus ad S. Mauritium Monasterij, Adolphus Henricus Droste Iunior, omnes Paderbornensis Cathedralis Ecclesiæ Canonici; deinde Illustriſſ. & Reuerendiſſ. Dominus Peregrinus Carlenus, Abbas B. Mariæ, & P. Bonauentura Capucinus Prædicator cum socio, atque sæpè dictas sacras Reliquias ex prædictâ ouali capsulâ extractas, commodiori rotundæ, argenteo, aureo, viridi ac rubro colore variegatæ, & vittâ subrubicundâ quater ita circumligatæ, vt octo in locis contineatur, reuerenter inclusimus, eamque consignatam Illustriſſ. & Reuerend. Abbati Carleno retradidimus, securè transmittendam Ameriam: expressâ tamen hac lege, vt non solum eâ quâ decet, solenni deuotione deferatur, verum etiam vt à Capitulo & Clero, à Magistratu populoque Amerino in habitu decenti, secundum status differentiam processionaliter obuiante, & deuotè solemniterque acceptante, cum hymnis & canticis ad Cathedralē Ecclesiā, quæ est Ameriæ, honorificè deducatur: ibidemque, & non antè, ab Illustriſſ. & Reuerendiſſ. loci Episcopo, præſente Capitulo & Magistratu Amerino, tandem hæc capsula aperiatur, & productus inde sanctarum Reliquiarum thesaurus palam exhibeatur, dignisque encomijs Clero populoque commendatus, loco celebri & hono-

*in aliâ capsulâ positam, legitime signatam, ei tradunt.*

*eâ lego, vt honorificè Ameria recipiatur,*

honorato in eadem Cathedrali Ecclesiâ reponatur: imò & S. Liborij huius Patroni nostri, officium de Confessore Pontifice, quotannis dicatur; eiusque festus dies vigesimatertiâ mensis Iulij, conuocato ad hoc populo, & *anniversario sacro celebretur* sanctis Reliquijs solenniter expositis, more nostro Paderbornensi, in organis celebretur; & sit hic sanctarum Reliquiarum thesaurus, veluti vinculum & tessera fraternitatis mutui amoris, & symbolum piæ confœderationis inter Amerinum & Paderbornense Capitulum.

7. In cuius rei fidem, hunc Reliquiarum S. Liborij Confessoris Pontificis, Patroni nostri, thesaurum inæstimabilem, sigillo Serenissimi Ferdinandi Electoris Colonienfis, Episcopi Paderbornensis, in rubrâ cerâ superius, *Actu de hac donatione confectis,* Paderbornensis Capituli maiori, in viridi cerâ inferius; minori verò S. Liborij, in rubrâ cerâ Hispanicâ ad latus; præsentium autem Reuerendissimorum ac Illustrium Dominorum, necnon Illustriss. & Reuerendiss. Abbatis Carleni, annulis signatorijs, circumcircâ in rubrâ cerâ Hispanicâ super vittam subrubicundam consignari curauimus & communiri; atque sic consignatum Illustriss. & Reuerendiss. Domino Abbati Carleno eundem tradidimus, & hoc ipso retradidimus, fideliter transferendum: vos Notarium requirentes, vt super hac Serenissimi Electoris Episcopi nostri Paderbornensis gratiosâ concessione, suæ  
Sere-

Serenitatis litteris contestatâ, nostroque consensu & insuper secutâ consignatione & traditione, instrumentum & instrumenta in meliori formâ nobis conficere, & pro debito salario communicare dignetur. Actum Monasterij Westphaliæ, vbi hæ sanctissimæ Reliquiæ, ob sæuientis belli pericula, nunc asseruantur, nono die mensis Iunij, anno millesimo sexcentesimo quadragesimo sexto.

*per publicum  
Notarium,*

8. Et quia ego Henr. Vphaus ciuis Monasteriensis Westphalus, sacrâ Apostolicâ auctoritate publicus & approbatus Notarius, præinserto celebrato, inclusionis sacrarum Reliquiarum, consignationis & retraditionis actui, vnâ cum antè memoratis Dominis Requentibus & testibus, interfui, omniaque alia & singula sic fieri vidi, audiui, & in notam sumpsi; idcirco præsens publicum desuper confeci instrumentum, manuque propriâ illud ipsum conscripsi, nec non nomine & cognomine, signoque Notariatus mei solito subappositis communiui, ad hoc specialiter requisitus. Henr. Vphaus, qui suprâ, Notarius Apostolicus m.p.

*attestante  
senatu Mo-  
nasteriensi.*


Nos Consules, Proconsules, ac Senatus ciuitatis & Reipublicæ Monasteriensis partium Westphaliæ, notum facimus & attestamur, quod suprâ nominatus Henricus Vphaus concinis noster, qui præsens instrumentum expediuit, illudque manu suâ propriâ nobis abundè cognitâ subscripsit, & signo

figno suo notariatus muniuit, sit publicus & legalis Notarius, cuius documentis, & instrumentis in & extra iudicium publica vbique fides adhibetur. In cuius rei testimonium sigillum ciuitatis nostræ secretum hisce appendi, & Secretarij nostri iurati subscriptione roborari iussimus. Actum anno salutis millesimo sexcentesimo quadragesimo sexto, die 17. mensis Iulij. Loco & signi. Henricus Holland, ciuitatis ac Reipublicæ Monasteriensis, partium Westphaliæ, Secretarius iuratus, iudicij Imperialis Cameræ Notarius immatriculatus, in fidem manu propriâ subscripsi.

# A C T A

## ECCLESIAE AMERINÆ,

*De Reliquiarum S. LIBORII  
receptione.*

1.  N nomine Domini, Amen.  
Presenti publico instrumento cunctis vbique pateat euidenter, & notum sit; quod

anno à Natiuitate Domini nostri Iesu Christi millesimo sexcentesimo quadragesimo septimo, Indictione xv. die vero xv. mensis Martij, Pontificatus autem Sanctiss. in Christo Patris & Domini nostri D. Innocentij Diuinâ prouidentia Papæ decimi, anno eius tertio, coram Illustriss. & Reueren-

*Coram Epi-  
scopo & Ca-  
nonicis  
Amerinis  
15. Martij*

L

dist.

1647.

diss. Domino Gaudentio Polo, Dei & Apo-  
 stolicæ Sedis gratiâ Episcopo Amerino, ac  
 Perillustri & Reuerendiss. Domino Delio  
 Vectio Protonotario Apostolico, eiusdem Il-  
 lustriss. & Reuerend. Domini Episcopi Vica-  
 rio Generali; necnon Perillustribus & Ad-  
 modum RR. DD. Nicolao Racano Priore,  
 Iulio Geraldino Archidiacono, Ioanne Vin-  
 centio Mandosio Prapósito, Augustino Car-  
 leno, Claudio Picoto, Petro Carleno, Hiero-  
 nymo Roscio, Curtio Mandosio, Fabiano  
 Zucchante, Petro Venturello, Ioanne Bapti-  
 stâ Sandro, Iosepho Venturello, & Petro Fran-  
 cisco Racano, Canonicis venerabilis Cathe-  
 dralis Ecclesiæ S. Firminæ de Ameriâ; meque  
 Notario, & testibus infrascriptis, ad hæc spe-  
 cialiter vocatis atque rogatis; in infrascripto  
 loco, præsens & personaliter constitutus fue-  
 rit R. P. Frater Bonaventura de Rutheno,  
 Prædicator Capucinus prouinciæ Rhenanæ  
 cum suo socio, & extraxerit ex coloris cine-  
 ricei sacculo stamineo illatam pyxidem: eam-  
 que ex vtraque parte aperiens, inde aliam  
 produxerit; inde aliam capsulam rotundam  
 argenteo, aureo, viridi, rubro colore variega-  
 tam, vittâ subrubicundâ quater ita circumli-  
 gatam, vt octo in locis contineretur; signa-  
 tam Sereniss. Ferdinandi, Electoris Colonien-  
 sis, Episcopi Paderbornensis, cum rubrâ cerâ,  
 superiùs Paderbornensis Capituli ex viridi  
 cerâ, inferiùs circumcircâ super vittam S. Li-  
 borij,

exposita est  
 capsula reli-  
 quiarum S.  
 Liborij,

borij, Theodori Recke Paderbornensis Cathedralis Præpositi, Gasparis Philippi à Keteler Decani, Ioannis Gulielmi Baronis de Syntzigh Cantoris & Cellerarij, Adolphi Henrici Droste Præpositi Monasteriensis Cathedralis, Arnoldi de Vittinghoff conditi Schellæ Præpositi ad S. Mauritium, Adolphi Henrici Droste iunioris, Canonicorum Paderbornensis Cathedralis, & Abbatis Carleni in rubrâ cetâ Hispanicâ sigillis: deinde explicato in pergamenò dōnationis, & attestationis instrumento, dicto Illustriss. & Reverendiss. Episcopo, Capitulo, & Canonicis Amerinensibus, in optimâ formâ legerit; & ostendens omnia dicta sigilla integra & in nullò violata; ex ipso instrumento abundanter docuerit, dictam capsulam verè, & eam ipsam esse, quæ & ab Illustriss. & Reverend. Cathedralis Paderbornensis Prælati & Canonicis, annò MDCXLVI. nono die mensis Iunij, Monasterij Westphaliæ, in aulâ habitationis Reuerend. & Illustr. D. Bernardi Westerholt Cathedralis ibidè Canonici, tradita fuit fideliter Ameriam transferēda: quòd demum dictam capsulam in dictâ pyxide, & hanc eam illâ in dicto sacculo reposituerit. huic Illustriss. & Reverend. Dominus Episcopus Amerinus quatuor charras in modum stellæ sic superposuit, ut octo radios constituent: in medio verò ubi sese contingunt, posuit Capitulum in quatuor radijs suum; dictus autem P. Bonaventura in

*tit. signata  
à Canonicis  
Paderbornensibus,*

*donus ostē-  
gnata,*



*in h. arma-  
rio clausa:*

alijs quatuor radijs suum sigillum rubrâ cerâ Hispanicâ. Ita his peractis sic sigillatam pyxidem cum capsulâ deposuit idem Illustriss. & Reuerendiss. Dominus Episcopus Amerinus reuerenter in armario, in dictâ sacristiâ, quod respondet ianug ducenti in ecclesiam: & clausum fuit duabus clauibus, quarum vnam retinuit idem Illustriss. & Reuerendiss. Dominus Episcopus, alteram dedit Perillustri & Admodum Reuerendo D. Augustino Carleño custodiendam. Super quibus omnibus & singulis præmissis, petiitum fuit à me Notario & Cancellario publico infra scripto, vt vnum, vel plura, publicum, seu publica, conficerem atque traderem instrumentum & instrumenta, prout opus fuerit, & requisitus ero.

*Acta cons-  
cripta,*

2. Actum Ameriæ in dictâ venerabili sacristiâ dictæ venerabilis Cathedralis Ecclesiæ S. Firminæ, præsentibus ibidem audientibus & intelligentibus Admodum R.R. DD. Iulio Ghiringhello Magistro cæremoniarum, & Christophoro Varatio Capellano eiusdem Cathedralis Ecclesiæ, Amerinis, testibus ad prædicta habitis, vocatis & rogatis.

*Acta Mo-  
nasteriensis  
bus præle-  
ctis,*

Tenor autem donationis & attestationis instrumenti, de quo supra fit mentio, talis est, videlicet. Hic inserta erant integra Acta Monasteriensia, quæ iam antè è tabulis Monasterio acceptis retulimus: & quæ rursus in fine nu. 11. recitantur in schedula descripta.

3. Eisdem anno, Indictione & Pontificatu,  
quibus

quibus suprà, die verò viii. mensis Maij, Admodum R. P. Bonauentura de Rutheno Prædicator Capucinus prouinciæ Rhenanæ, vnà cum Adm. Ven. P. Iosepho Maria Perulino Prædicatore socio Romano, reuersus Ameriam, egerit cum Illustriss. & Reuerend. eiusdem Episcopo, de modo, diebus, & horis resignationis sanctarum Reliquiarum S. Liborii Episcopi Cenomanensis, Patroni Paderbornensis, & institutione processionis cum eisdem: conuentumque inter ipsos fuerit, dictas Reliquias vndecimo Maij resignare, & processionem cum eisdem sequenti die duodecimâ Maij.

8. Maij  
1647 deli-  
beratur de  
Translatio-  
ne.

4. Vndecimâ igitur dicti mensis die post vesp̄as prædictus Pater cum suo socio ad Episcopalem aulam ciuitatis Ameriæ se contulit: ex quâ paullò post prodijt Illustriss. & Reuerendiss. Dominus Gaudentius Polus, Dei & Apostolicæ Sedis gratiâ Episcopus Amerinus, rochetto indutus, comitatus à Perillustri & Reuerendiss. Domino Delio Vectio, Protonotario Apostolico, & Vicario Generali, nec non ab Illustriss. DD. Carolo Mandosio, Martio Boccarino, Campeggio Carleno, & Iacobo Moricono, Ancianis Illust. ciuitatis Ameriæ, & antedicto P. Bonauentura cum suo socio Capucinis, multisque alijs Amerinis, ad Cathedralem Ecclesiam S. Firminæ, expectatus in eâ à Perillustribus & Adm. RR. DD. Capitularibus & Canonicis

11. Maij in  
solemni con-  
uentu Ca-  
nonicorum  
& Magi-  
stratuum  
Amerina-  
rum,

eiusdem, videlicet, Nicolao Raçano Priore,  
 Ioanne Vincentio Mandosio Præposito, Au-  
 gustino Carleno, Claudio Picioro, Petro Car-  
 leno, Hieronymo Roscio, Curtio Mandosio,  
 Fabiano Zucchante, Petro Venturello, Ioan-  
 ne Baptista Sandro, Iosepho Venturello, Pe-  
 tro Francisco Raçano, & Dominico Petruc-  
 cio, superpelliceis indutis. In ecclesiæ ingres-  
 su porrectum fuit à præfato Priore Illustriss.  
 & Reuerendiss. Domino Episcopo aspergil-  
 lum cum aquâ lustrali, quâ se primùm, dein-  
 de Dominos Canonicos, Ancianos, Capuci-  
 nos, aliosque Amerinos aspersit: statimque ad  
 altare Venerabilis accessit, & factâ aliquan-  
 tisper flexis poplitibus oratione, cum comi-  
 tatu, & expectantibus sacrarium intrauit, in  
 cuius medio ampla mensa stabat pro para-  
 mentis celebrantium; ad latus verò ante ar-  
 marium, in quo decimoquinto die Martij  
 currentis anni sigillata pyxis cum sacris Re-  
 liquijs S. Liborij deposita fuerat; necnon  
 existentibus sex candelabris, totidemque can-  
 didis ardentibus cereis ad illam ductis om-  
 nibus in gyro, datisque Patri Bonauenturæ  
 Capucino clauibus duabus dicti armarij, de-  
 tulit & Adm. Reu. Dominus Iulius Ghirin-  
 ghellus cæremoniarum Magister stolas duas,  
 primam Illustriss. & Reuerendiss. D. Episco-  
 po, alteram P. Bonauenturæ: quibus collo ap-  
 pensis, hic duo candelabra cum suis cereis ex  
 minori mensâ sublata, in amplâ ante illum  
 depo-

deposuit, statimque se ad præfatum armarium conuertit, ad cuius latus oratio ad S. Liborium contra morbum calculi affixa erat: Illud clauibus ipsis aperuit, & inde sacrarum Reliquiarum custodiam ablatam, in amplâ mensâ inter duo illa candelabra ac Illustriss. & Reuerendiss. D. Episcopum, in sacculo coloris cinericei, nouem sigillis ex rubrâ cerâ Hispanicâ, decimoquinto Martij, consignato, reuerenter reposuit: lectoque eodem die confecto depositionis instrumento, ostendit omnia illa sigilla adhuc integra, quæ Illustriss. & Reuerendiss. D. Episcopus mox aperuit, & P. Bonauentura Capucinus, detracto illo sacculo stamineo, illicò pyxidem ex vtraque parte aperiens extraxit, variegatam, rotundam, vittâ coccineâ circumligatâ, capsulam, signatam sigillis decem, superiùs in rubrâ cerâ Sereniss. Electoris Colonienfis, Episc. Paderbornensis; inferiùs viridi cerâ Hispanicâ S. Liborij, Theodori à Recke Paderbornensis Cathedralis Præpositi, Gasparis Philippi à Ketteler Decani, Ioannis Gulielmi Baronis à Zyntfigh Cantoris & Cellerarij, Adolphi Henrici Droste Præpositi Monasteriensis Cathedralis, Arnoldi de Vittinghoff conditi Schelle, Præpositi ad S. Mauritium, Adolphi Henrici Droste Junioris, Canonorum Paderbornen. Cathedralis, Abbatis Carleni: eamque Illustriss. & Reuerendiss. D. Episcopo *aperta ab* aperiendam in manus tradidit, Qui relictis *Episcopo cap* illis *pyxidibus*

illis decem sigillis integris p̄cto in locis, partim forficibus, partim cultello incidit, F. Bonaventuræ Capucino ad producendas inde reliquias reddidit. Qui ablato operculo inde extraxit primum tres S. Liborij imagines chartæ impressas, 2. schedulam, ex quâ clarè legitur contentas in illâ capsulâ reliquias esse verè S. Liborij, sibi anno MDCXLVI. die nonâ Iunij Monasterij Westphaliæ traditas, fideliter Ameriam transferendas. 3. supra rubrum pannum sericeum explicatum ostendit duas sacrarum Reliquiarum partes, vnam cranij, alteram tibiæ, quas Illustriss. & Reuerendiss. D. Episcopus, Canonici, Anciani, Capucini, alijque præsentes, in genua prouoluti, & pectora tundentes, debito honore affecerunt; leuatis verò sursum omnibus Illustriss. & Reuerendiss. D. Episcopus exosculatus fuit. Moxque reliquiarium ex nigro ebena in modum altaris affabrè factum, cum pede quò stare possit, latum verò & altum duobus cum dimidio pedibus, ornatum duabus columnis marmoreis, cruce deauratâ superiùs ac alijs. ex argenteo, & ex deaurato ornamentis, à parte posteriore aperiens, eduxit inde capsulam, duo oualia caua continentem, quorum fundus erat rubro ex serico aureo intertexto; his sanctas Reliquias imposuit, partem cranij superiori, tibiæ inferiori glutine ad id parato agglutinans, ne deuant.

*prolata Reliquia.*

*mox reliquiarium non inclusit.*

5. Hoc facto sacras Reliquias pluribus

S. Li-

S. Liborij imaginibus, plurimisq̃ue rosarijs, tetigit: deinde plurium, genibus flexis id pe-  
tentium, capitibus imposuit, dicens: PER IN-<sup>datâque</sup>  
TERCESSIONEM S. LIBORII LIBERET TE <sup>presentibus</sup>  
DEVS A MALO. Demum reliquiario imposuit <sup>benedictione,</sup>  
vitrum, & capsulam cum Reliquijs, sicq̃ue ta-  
bellâ conglutinatâ occlusit, vt deinceps ape-  
riri non possit. His ita peractis & in circum-<sup>et imagini-</sup>  
stantes ducentis & quinquaginta S. Liborij <sup>bui,</sup>  
distributis imaginibus, quæ eiusdem reliquias  
tetigerant sacras, P. Bonaventura Capucinus  
supradictâ pyxidem, cum decem sigillis si-  
gnatâ illâ capsulâ, attestationis, donationis,  
concessionis, traditionis instrumento & sche-  
dulâ, Capitulo & Canonicis tradidit in per-  
petuam rei memoriam conseruanda, reli-  
quiasq̃ue traditas, in loco decenti collocan-  
das ac debito honore commendauit, quas  
tandem ab Illustriss. & Reuerend. D. Episco-  
po in factâ ad id cistellâ cum Reliquiario de-  
positas acceptauit memoratus Prior, & ex  
sacrario per ecclesiam, præcedentibus duabus  
ardentibus facibus cereis, totidemq̃ue, se-  
quentibus verò Illustriss. & Reu. D. Episcopo,  
Canonicis, Ancianis, Capucinis, ceterisq̃ue  
præsentibus Amerinis, ad sacellum sanctissimi  
Rosarij delatas, in armario à sinistris eiusdem <sup>in armaria</sup>  
reposuit: quod ipsemet Illustriss. & Reuerend. <sup>deposita:</sup>  
D. Episcopus tribus clauibus clausit, easq̃ue  
P. Bonaventuræ Capucino in crastinum cu-  
stodiendas concedidit, qui ipsum comitan-

tibus ceteris ad Aulam suam conduxit, & acceptâ benedictione cum suo socio abiit.

6. Sed posterâ die, quæ erat xii. Maij, & Dominica tertia post Pascha, rursus ante vespas tam ipse Pater Bonauentura cum suo socio, quàm DD. Canonici cum pluribus Presbyteris, Clericis, Religiosis, personatis Angelis, Gubernatore, Ancianis, Nobilibus ciuibus Amerinis, & externis, in Episcopali Aulâ comparebant: cumque inde Illustriss. & Reuerendiss. D. Episcopum ad Cathedralen Ecclesiam sequerentur, vespas aut decantaturi aut audituri; ipse acceptâ ab eodem benedictione, sese vnâ cum socio, & Adm. R.R. DD. Egidio Delphino, & Petro Leonino, ad supradictum sacelli armarium conferens, eo aperto inde sublatam cistellam cum Reliquiario ac Reliquijs ad ecclesiam S. Francisci Conuentualem deferebat.

*post vespas  
pō infensus a  
supplicatio;*

7. Finitis interim vespis, & congregatis in Cathedrali Illustriss. & Reuerend. D. Episcopo, Canonicis, Presbyteris, Clericis, Religiosis, Gubernatore, Ancianis, Nobilibus, confraternitatibus, vtriusque sexus hominibus, solennis processio ex eadem ad S. Francisci Conuentualem hoc ordine instituta fuit: precedebant in sacris cum vexillis & crucibus confraternitatis, societas Venerabilis Sacramenti, Mortis, Sanctorum Ioannis & Pauli, Decollationis S. Ioannis Baptistæ sub titulo Misericordiæ, S. Sebastiani, S. Rochi, S. Angu-



stini, S. Francisci, S. Firmi. Sequebantur primò Religiosi cum crucibus & vexillis RR., PP. Capucini, Eremite S. Augustini Discalceati, Observantes de Familiâ, Observantes Reformati, Eremite S. Augustini Calceati, Minoritæ Conventuales, Somaschi, deinde Clerici, Presbyteri, Musici & Canonici, postremò Illustriss. & Reverendiss. D. Episcopus, quem præcedebant duodecim personati Angeli, Adm. RR. DD. Julius Ghiringhellus Margister cæremoniarum, & Hieronymus Douarellus, induti superpelliceis, comitabantur Ioannes Vincentius Mandosius Præpositus cum dalmaticâ, & Claudius Piciorus Canonicus cum tunicellâ: sequebantur Dominicus Studiussus, Nicolaus Santes Illustriss. & Reverendiss. D. Episcopi Capellanus ipsius, Illustr. D. Gubernator Iosephus Brianza, Antiani, Nobiles, ciues & vtriusque sexus innumeri fideles.

8. Vbi ad ecclesiam Conventualium per- *indeq; repot-*  
 ventum erat, & Illustriss. & Reverend. D. Epi- *tata solen-*  
 scopus sacristiam se vestiturus intrauit, illicò *niter,*  
 P. Bonaventura Capucinus stolâ indutus, Rê-  
 liquiarium cum sacris Reliquiis, præcedenti-  
 bus duabus ardentibus facibus candidis, inde  
 efferens, in medio summi altaris deponebat:  
 quò Illustriss. & Reverendiss. D. Episcopus  
 paullo pòst in pontificalibus sequens, sacris  
 Reliquiis debitos thuris honores solvebat, &  
 ante illas genibus flexis orabat, donec à mu-  
 sicis

ficis CHRISTI PRÆSVL EGREGIVS, ter ad finem vsque decantatum esset. Interim præter allatas à pijs fidelibus, aliæ plures faces, & plurimi cerei candidi inter Clerum, Angelos, Religiosos & primarios distribuebantur: quibus accensis, & datâ ab Illustriss. & Reuerendiss. D. Episcopo benedictione cum sacris Reliquijs, processum fuit ex hac ecclesiâ eo ordine quo ad eam deuentum, per septem alias, S. Elisabethæ, S. Monicæ, S. Augustini, S. Magni, S. Stephani, S. Catharinæ, S. Ioannis Euangelistæ, ad nouam Cathedralem S. Firminæ. In singulis illis ecclesijs Illustriss. & Reuerendiss. D. Episcopus sacras Reliquias, solus eas circumferens, in summo altari depositas adoleuit; & decantato à musicis CHRISTI PRÆSVL EGREGIVS, benedictionem cum iisdem dedit. Per plateas musici sacris Reliquijs continuò CHRISTI PRÆSVL EGREGIVS præibant. Summi Pontificis præsidarij milites easdem sæpius diuersis in locis, bombardarum explosione, consalutabant; & triste cælum, quod antequàm processionem inchoabant, imbres depluebat, iam effectum lætius, sic omnes continuit, quòd nulla gutta processionem turbauerit.

9. Cùm processio ad Cathedralem reuersa fuisset, Illustriss. & Reuerend. D. Episcopus, factâ incensatione sacris Reliquijs, eas in summo altari reliquit abiit. Tunc P. Bonauentura Capucinus accedens, innumeris rosarijs Reliquia-

*per varias  
ecclesias,  
ad Cathedralem;*

*celo inspiratè  
serenato;*

*in vnam  
conditæ;*

quarium tetigit: illud tandem in capsellam suam supposuit, & postquàm illam plurimorum viriusque sexus deuotorum capitibus imposuisset, ad armarium suum, in sacello sanctissimi Rosarij, præcedentibus luminaribus, retulit: eoque clauso, vnam clauem Illustriss. & Reuerendiss. D. Episcopo, alteram Archidiacono, tertiam Augustino Carleno custodiendam reliquit.

10. Acta sunt die decimâ in Ecclesiâ S. Firminæ, eiusque sacristiâ, præsentibus, audientibus, & intelligentibus perillustribus DD. Abbate Paulo Sandro, Mario Archilegio V. I. D. Marco Aurelio Mandosio V. I. D. Capitaneo Romulo Cerichello, Nicolao Archilegio, & Carolo Morello; & die duodecimo præsentibus Iulio Ghiringhella Magistro cæremoniarum, & Hieronymo Douarello Amerinis testibus.

*Acta viri-  
usque dieb.*

II. Tenor autem supradictæ schedulæ, de quâ fit mentio suprâ, talis est, videlicet. In nomine Domini ad honorem sui Sancti: hæ sunt veræ duæ partes, vna cranij, altera tibie, sacrarum Reliquiarum gloriosi S. Liborij Episcopi Cenomanensis, Patroni Paderbornensis, quas ad instantiam Ven. P. F. Bonaventuræ de Rutheno Prædicatoris Capucini, & de licentiâ Sereniss. Electoris Colonien-  
sis, Episcopi Paderbornensis, dederunt & tradiderunt, vnâ cum attestationis instrumento, Reuerendiss. DD, Capitulares Cathedralis Eccle-

*Testimoniâ  
capsula in-  
clusam.*

Ecclesiæ Paderbornensis, Illustriss. & Reuerendiss. D. Peregrino Casleno Amerino, Abbatu B. Mariæ, ex ipsâ tumbâ dicti Sancti ad altare summum in Cathedrali Ecclesiâ Monasterij Westphaliæ, præsentem dicto Patre, ubi ob bellorum pericula conseruantur, transferendæ per eundem Patrem Ameriam in Vimbriâ pro Cathedrali ibidem Ecclesiâ anno Domini MDCXLV. die nonâ Iunij.


12. Ego Benedictus Flametta de Ameriâ, publicus Dei gratiâ, Apostolicâ auctoritate, Notarius, & pro Archiuio Rom. Curia descriptus, & ad præsens Curia Episcopalis Amerinæ Notarius & Cancellarius. de præmissis rogatus fui, & in fidem hîc me subscriptis, & publicauî, ac solito meo signo requisitus signaui.

**DOLOR**

## DOLOR CALCULI

Ope S. LIBORII sedatus

Amerinæ. MDCXLVII. &amp; MDCXLIIIX.

1.  Eminum: lubet attexere S. Li-  
borij beneficium, ipsorum, qui  
id percipere, narratione testa-  
tum; alterius etiam, quod me  
penes est, chirographo. Est hic

Romulus Cerichellus, Centurio Amerinus, vir  
genere clarus cum primis & honoratus. Is ad Abba-  
tem Carlenum, veterem amicum & consangui-  
neum suum, Amerinâ xxv. Aprilis, MDCXLVIII. ita  
scribit: Octo annis graui & assiduo uelut con-  
flictatus sum morbo, ut postremis quatuor  
numquam nisi ardente intra cubiculum lu-  
cernâ somnum ceperim. Urina sæpè cruenta,  
fœda semper, itaque mordens, ut expellere  
eam, quamuis creberrimè ciceretur, nequi-  
rem, quin toto corpore sudor manaret. Iam  
nec equo vehi, nec laborem ferre vllum, exer-  
citationemque corporis poteram. Nulla cibi  
erat appetentia, virium imbecillitas summa;  
neque hæc quiete relenari satis poterat, cum  
eam identidem urinae cupiditas difficultasque  
excuteret. Illud tandem sedit animo consi-  
lium, ut excindi mihi calculum, qui indubi-  
tata horum dolorum origo esset, curarem:

Romulus  
Cerichel-  
lus graui &  
diuturno  
calculi do-  
lore,

Romamque eâ causâ ætam ante biennium profectus. Sed absterruerunt isthic amici, negantes ei remedio opportunum adedò iam prouectam ætatem meatu videri.

2. Dum his discrucior doloribus curisque, allatus Ameriam est cælestis ille thesaurus, abs Te, ad patriæ nostræ salutem, peregrè obtentus; S. Liborij venerabiles Reliquiæ. Hæc mihi admouit Episcopus noster; & pij quidam homines pro meâ incolumitate preces vota que concepere. Post solemne supplicationem Maio superiore institutam, quâ sacræ translatae reliquiæ sunt, quando S. Liborij opem quanto potui sensu pïetatis imploravi, nihil ad hanc usque diem pristini doloris expertus sum, ac modò percommodâ vtor valetudine: ob quam immensas Deo laudes, sanctoque eius Confessori Liborto debeo; Tibique grates, Illustriss. Domine, cuius studio hunc adepti thesaurum sumus. *Ista Romulus.*

*per S. Liborij Reliquias,*

*liberatur;*

*& Ioannes Clementinus*

3. Ioannes Clementinus, & ipse Nobilis Amerinus, inq. militiâ Pontificiâ turma equitum ductor, cum hoc anno MDCXLVIII. sub initium veris, acutissimis calculi doloribus vrgeretur, humanis omnibus remedijs frustra tentatis, ad cælestia animum vertit, ac feruenter S. Liborium precatus, ad Augustinum Carlenum, summae adis Canonicum, è domesticis quempiam allegat, qui ad se mitti oret eius Diui imaginem, impressam in rubrâ bysso. quâ inuolutæ Reliquiæ fuerant, cum Monasterio Amerinam

*riam* apportarentur. Hanc ad se allatam effigiem per imagi-  
 summâ reuerentiâ & pietate accepit: vixq; tantillo *nem, sacra-*  
 elapso spatio quo bis posset Psalmus Miserere per- *tam Reli-*  
 curre, duos eiecit prae grandes calculos, absque vlllo pla- *quiarum*  
 nè doloris sensu. Mox è lecto surrexit sanus ac hila- *contactu.*  
 ris, templum adiit, vulgavit ipsemet totâ vrbe mi-  
 raculum. ita enim acceptum talitur beneficium  
 vocat.

4. Euentum hoc vtrumque, quia necdum mihi *PROTE-*  
 constat an sit Ecclesia auctoritate probatum, non ali- *STATIO*  
 ter hîc recito, quàm vt duorum nobilium & gra- *Auctori.*  
 uium virorum testimonium, qui se agnitudinis alle-  
 uamentum & suppliciter petiisse à S. Liborio, &  
 impetrasse profitentur: neutiquam, quod V R B A-  
 NI VIII. Pontf. Max. decretis vetitum est, vt verum  
 miraculum prae dico: donec ita fuerit, re discussâ, ab  
 ijs quorum id munus est, pronuntiatum. Quae cautio  
 in ceteris quoque vt valeat, postulo, si qua hoc libello  
 tradantur noua, nec adhuc legitimè examinata &  
 approbata, S. Liborij beneficia; vt tantisper non-  
 nisi humana historia fidem pondûsque obtineant. At  
 neque dum aliena profero scripta, si cuiquam digna-  
 tionis honorisve titulus tribuitur, qui censeatur haud  
 conuenire, id mihi imputari aequum est. Quod enim  
 ipse nullâ ratione affirmo, eius in me deriuari, si qua  
 erit, inuidia non debet.



## HYMNI ANTIQVI

## AD S. LIBORIVM.

## I.

*In membranâ descriptus, affixâ tabellæ,  
appensa in choro Cathedralis Ecclesiæ  
Paderbornensis, iuxta summum alta-  
re, in sedibus ad cornu Epistola.*



LIBORI, Confessor Christi, sobriè  
sanctèque vixisti:

Tu in humanis cùm egisti, vitam  
bonam assumpxisti:

Vna harum erat ætiua, reliqua cōtemplatiua;  
Vnde hæc virtus contentiua, in corde tuo du-  
ratiua,

A te fecit operarium, fidelemq; carpētarium,  
Ac nobile vas vinarium. Quare diurnum de-  
narium

Tu in vineâ acceptasti Dei, quē sincerè amasti:  
Horas vndecim laborasti, frigus æstusque  
portasti.

Talentum tibi destinatum per Verbum Dei  
incarnatum,

Non tenuisti occultatum, sed reddidisti du-  
plicatum;

In verbo Dei proferendo, tuosque subditos  
docendo,

*S. Liborij  
labores,*

Viam

Viam veritatis tenendo, & ab eâ non auer-  
tendo,

Sua peccata propalare, & de cetero nō amare,  
In factis bonis insudare, fratrem suum num-  
quā turbare.

Ecclesiarum seruitores, habentes probatos  
mores,

Quosdam ad ordines minores, magis dignos  
ad altiores

Ex tunc dedicasti promotos: insufficientes,  
ignotos

Et conscientia non lotos, à te spreuisti vt  
amotos.

Lux tua palàm sic lucebat, ac in hominibus  
pollebat,

Cur eis meritò licebat, Patrem de cælis, qui  
regebat

Opus tuū, glorificari: nam studuisti coarctari  
Lumbos tuos, nec inquinari, sed stricto cin-  
gulo ligati

Continuæ continentia. Sic Spiritu sapientia, *virtutis*  
Timoris & patientia vixisti, & innocentia.

Deinde ad secularia tuæ domus necessaria,  
Summa & particularia complesti opera varia.

Pòst ab omnipotenti Deo, pro vero anno iu-  
bilæo,

Assignato tibi ab eo, quod & statuit lex Iudæo,  
Qui quinquagesimus fuerat, Episcopatus du-  
rauerat

Tuus, sic Christus impleuerat vitam tuam,  
quam amauerat.

Tunc ab hac luce te amouit, fidelissimumque  
cognouit,

Ad miracula tibi vouit, per te facienda pro-  
mouit.

Attamen prius uisitatus, ac post egressum tui  
flatus

*sepultura,* A Martino es humatus, a de tua morte tri-  
bulatus.

Corpore tuo subleuato, suauissimo odore  
dato,

Dæmoniaco liberato, de corpore obsesso fu-  
gato,

Legati qui missi fuerunt, Cenomanicos peti-  
uerunt:

*translatio,* Qui eundem assensum dederunt, & tuum  
corpus obtulerunt,

Vt ad ecclesiam portarent, in Paderbornâ  
præsentarent,

Honorificè collocarêt, ac fidelissimè amarêt.  
In viâ tu Dei amator, bonorum meorum in-  
spirator,

*b*  
*in hac mi-* Fuiſti *racula.* tritium suscitator mortuorû, ac liberator  
Paralyticis, guttosis, mutis, surdis ac calculosis,  
Maniacis atque leprosis, claudis, cæcis, & sca-  
biosis:

Hisq̃ue omnibus sic ægrotis, Christo atque  
tibi deuotis

Subuenisti. Fide promotis Catholicâ, nobis  
tibi votis,

O Libori, dignare tamen tuum verum dare  
solamen.

Nostrumque fieri tutamen, quod præstet nobis Christus. Amen.

✠. Ora pro nobis S. Libori. R. Vt digni, &c.

Or. Adesto, Domine, precibus nostris, quas in sancti Confessoris tui atque Pontificis Liborij commemoratione deferimus; vt qui nostræ iustitiæ fiduciam non habemus, eius, qui tibi placuit, precibus & meritis adiuuemur.

a *Vel deest aliquid, vel hæc male disjuncta.*

b *Idem Ode quinta confirmat. Mirum id ab auctore Saxone, qui Vitam & Translationem ante 750. annos scripsit, non tradi: nisi post illius auum acciderit.*

## H Y M N V S II.

*Ex eadem tabulâ.*

Felix Præsul, ô Libori,  
 Stirpe natus meliori,  
 Luxus mundi refutasti,  
 Genus tuum adornasti  
 Vbertate, ad virtutum  
 Claruisti Christi nutum:  
 Visus inopum amator,  
 Et Sanctorum imitator,  
 Castus, largus, & benignus,  
 Omni laude mundi dignus.  
 Ob hoc Deus dedit tibi  
 Dona sacra hîc & ibi:  
 Multa mira per te fecit,  
 Ab obsessis sordes iecit,

*S. Liborius* Mutos, surdos tu curasti,  
*clarus mi-* Cæcis visum reformasti,  
*raculis,* Colicæ tu sanas curas,  
*præsertim* Aufers calculi torturas,  
*euyatione* Qui & prece fortunatus  
*calculi,* Promoues piorum status,  
*ad pium sta-* Hos ad sancta conuocando  
*sum iunat:* Vales consequi precando.

Hinc in bonum meum statum  
 Aptes ipsum Deum gratum:  
 Me virtutum claritate  
 Fæci fac, & sospitate;  
 Vt procedat hinc laus Deo,  
 Ac profectus mihi reo.  
 Quod sum, tuum in exemplum,  
 Da me fore Dei templum;  
 Sua seruem vñ mandata,  
 Vitem mortis & peccata.  
 Precor supplex te, Libori,  
 Me dispone sanctè mori;  
 Vt post istum finem ita  
 Queam in cælesti vitâ  
 Deum verum collaudare,  
 Gaudijs & abundare. Amen.

ÿ. Ora pro nobis S. Libori. &c. Vt digni efficiamur, &c.

Deus qui populo tuo æternæ salutis B. Liborium ministrum tribuisti, quæsumus, vt quem Doctorem vitæ habuimus in terris, intercessorem semper mereamur habere in cælis. Per Dominum.

## .III.

*Ex eadem tabulâ.*

**D**euota præsens concio  
 Pio plaudat Liborio,  
 Sacro cum tripudio;  
 Sacer Clerus cum populo,  
 Vnâ sexu fœmineo  
 Exultet deuotio,  
 Flos surgit nobilissimus,  
 Sacris plenus virtutibus  
 Primas Cenomanicus;  
 Vnctus oleo Spiritus  
 Suis præ participibus,  
 Pontifex Liborius.  
 In caput eius cidaris,  
 Corpusque ornât poderis,  
 Dum cœlica dat iura,  
 Pedes sacri sandalijs  
 Astriçti, femora lineis,  
 Sub mysticâ figurâ,  
 Ingressus tabernaculum,  
 Conciliauit populum  
 Summo cœlorum Regi.  
 In sermone verbi sacri  
 Factus Pastor populi,  
 Lumen quod dedit legi,  
 Hinc conuiuia factus Christi,  
 Azyma vetus proiecisti  
 Paschalibus epulis,  
 Iocundare Sançte Dei:

*mysticis*  
*Pontificum*  
*insignibus*  
*ornatus:*

Miserere tuo gregi  
Tuis in delicijs.

Nutantes mente erige,  
Aduersantes tuis preme,  
Et da tempus placidum.

Reatus nostros dilue,  
Iram Diuinam remoue,  
Da felicem transitum.

Iuna vota humilium,  
Terge fletus fidelium,  
Da cunctis solatium.

IESU Rex Regum omnium,  
Fac nos post hoc exilium  
Habere Liborium. Amen.

ψ. Amauit eum Dominus & ornavit eum.  
R. Stulam, &c.

Benedic, Domine, populum tuum tuâ dextera supplicantem, & Beati Liborij Confessoris tui atque Pontificis suffragantibus meritis, ab omni aduersitate defende. Per Dominum.

## I V.

*Ex veteri Breuiario Eccles. Moguntina.*

E la iubilemus Deo,  
Cum concentu iubilæo,  
Cum affectu cordium.

Delectetur laus in eo,  
Qui mirifico tropæo  
Donauit Liborium.

Stirps



Stirps elongans & præclara, *nobilis,*  
Mundo grata, Deo cara,

Protulit hunc seculo.

Sed excessit genus clarum,  
Tàmquam sol iubar stellarum,  
Fide, morum speculo.

Nil vltra potens natura *sanctus,*  
Transcendit creandi iura,

Talem creans puerum.

Ætas in quo tenera

Vilipendit scelera,

Contemplatrix operum.

Mundo placens adolescens,  
Flos virtutum, fructus crescens,  
Dedit philosophicis

Disciplinis operam; *discendi*  
Nec mens egit perperam, *avidus,*

Imbuta magnificis.

Lux honestæ claritatis,  
Sedis gemma sanctitatis

Addit Pontificio.

Non remissus, non elatus,

Deificè præfulatus

Præfedit officio.

Non sunt linguæ tam facundæ,

Quæ depromerent abundè

Eius beneficia.

Nam quantorum meritum

Sit, crebra miraculorum

Declarant indicia.

Annis quostquàm quadragenis

Præsul vixit & nouenis

Urbi Cenomanicæ,

A Martino visitatus,

Est humatus, æternatus

Hierarchiæ cælicæ.

O Pontificem beatum,

Cuius corpus eleuatum

De concluso tumulo,

Passim diffundit odorem

Aromatis suauiore,

Circumfuso populo.

*& in trans-*  
*latione,*

Hinc locandus dum purgatur,

Dæmoniacus curatur:

Mulier erigitur

Incuruata per naturam:

Surdus atque mutus curam

Puer adipiscitur:

Virgo tribus pænis data,

Per dæmonium vexata,

Surda, muta, tot curata

Gaudet doloribus.

Cæca lumen oculorum

Sumit curam languidorum,

Quique multis afflictorum

Corpora languoribus.

Præter tot & plurimorum

*ac postea,*

Ostenta miraculorum,

Temporibus modernorum

Signis euentibus

*praesertim*  
*curations*  
*calculi;*

Claret per morborum curas:

Aufert calculi torturas,

*Infec-*

Infortunia, pressuras,  
Sibi se vouentibus.

Sis Libori tu Patrone,  
Salutaris, fide, bone,  
Sta pro tuâ cautione,  
Nos in gratiam dispone,  
Cassa quæque noxia.

Hostium seda furores,  
Corporum sana languores,  
Animabus da nitores,  
Posce mundi post mærores  
Cæli nobis gaudia,

V.

ODE SAPPHICA

*F.M. de Gieffun.a ex eadem tabulâ  
Paderborn.*

**P**Urpurâ sacræ decorantur aræ,  
Cerei flammæ nutriunt perennes,  
Diuitum fulgent pretiosa sacro  
Munera templo!

Hostias mecum tenues egenus  
Affero, & donum viduæ celebris  
Infero ad sacram exiguum Liborî  
Præsulis aram.

Luc. 21. 2.

Sapphici laudes patriæ Patrono  
Versibus dicam, referamque digno,  
Impari quamuis, celebrem piumque  
Carmine Patrem.

Quis tuis æquos meritis honores,

Quis

Quis tuæ dicet veneranda vitæ  
 Laudibus dignis opera & labores  
 Sancte Libori?

*Liborius  
 studet:*

Lac puer primum sophiæ imbibisti:  
 Pòst vigil sacros legis & pererras  
 Codices, iungens gelidæ diebus  
 Tempora noctis.

*sanctè &  
 castè vivit:*

Stirpe de clarâ satus, impudicos  
 Reprimis motus scelerum: superbas  
 Seculi pompas, genus, arua, & omnes  
 Spernis honores.

Contugis spernis thalamos: orexin  
 Edomas ventris ravidam: labore  
 Atteris carnem nimio, rebellem.

*fit Episco-  
 pus:*

Ne patiaris.  
 Te sacro hæc virtus tua præsulatu  
 Fecerat dignum: populus se habenas  
 Præsulis digno tibi Cenomanus  
 Credere gaudet.

Inde nil sucti minuens rigoris,  
 Acriùs carnem maceras: superni  
 Peruigil pulsas prece crebriori  
 Iudicis aures.

*prædicat:*

Pontifex verbo populos salubri  
 Dæmonis vitare mones cruenti  
 Noxias fraudes: iter ad superna  
 Gaudia pandis.

Quinquies denum Ingrediens Decembrem  
 Pontifex, morbo moriturnus acri

*moritur:*

Carperis: dira Lachesis sorores  
 Stamina rumpunt.

Liberum à culpis,meritis opimum  
 Spiritum,lapsi tenues per auras  
 Angeli,dulces modulos canentes,  
     Æthere sistunt.

Sacra thesaurus tua gloriosus  
 Ossa vt ad externam ierant ferenda  
 Saxonum gentem,Paderæ propinqua  
     Quæ tenet aqua;

*transfertur*

Mira per sacros cineres peregit,  
 Plurimum vt monstret Deus esse dignum  
 Te,suam cui Westphali salutem  
     Credere possent.

*multa facis  
miracula,*

Dæmones aulæ stygiæ superbi  
 Principes,membris hominum manentes,  
 Horridâ mentem furiâ mouentes,  
     Eijciuntur.

Qui sibi lumen doluère ademptum,  
 Lucidos solis radios videre,  
 Impôtes,te dum rogitant,receptant  
     Luminis vsum.

Clamat,& laudes Domino sonoras  
 Reddit,& voces super astra tollit,  
 Ægra cui natura priùs ligârat  
     Organa vocis.

Tibiæ arentes superinduuntur  
 Carne viuaci,saliuntque claudi,  
 Membra contractis proprios ad vsus  
     Restituuntur.

Impium fati imperium potentis  
 Fleâitur,cæco reuocatur vmbra  
 Carcere,& vitæ gelidum çadauer

*mortuum  
suscitatur.*

Munere donat.

Surdus insuetas hominum loquelas

Audit, vt fidâ prece sospitatem

Postulat sancti gemitu silenti ad

Præsulis aram.

Ossa præcelso veneranda postquàm

Condidit templo populus, deesse

Artubus numquàm voluit sacratis

Cælica virtus.

*sempesta-*  
*tem sedat:**b**b* Nauta disiectus Pelagi per vndas,

Expauens mortis faciem cruentæ,

Dum tuam deposcit opem, resedit

Sæua procella.

*captivos li-*  
*berat:*

Ferreæ strinxêre alios catenæ,

Compedes torsêre alios: periculo,

Te duce, elapsi, hoc sua collocarunt

c Vincula templo.

*c*  
*curat cal-*  
*culum.*

Calculi dirum &amp; colicæ dolorem

Lenis: infirmus prece si fideli

Postulet, cunctos potis es nocentes

Pellere morbos.

Antè sol condet roseas quadrigas

Æquore, &amp; noctis tenebræ redibunt;

Mira quàm possint, quibus es coruscans,

Cuncta referri.

Ergo te Cleri veneranda turba

*Auctor enim*  
*innocat,*

Supplici deuota rogat precatu,

Prospero pergat, duce te, ad superna

Gaudia cursu.

Te patres cani, tremulæque matres,

Coniuges castæ, pueri &amp; puellæ,

Poplite in terram posito, Libori  
Sancte, precantur.

Nos ab excelsis aspiciens Olympo,  
Corporis morbos, animæque pestes,  
Et famem auertas subitamque mortem &  
Bella precamur.

Da probos mores teneræ iuuentæ,  
Da senectuti placidâ quiete  
Perfrui, & nos post fera fata, cæli  
Transfer ad arcem.

Tu Paderbornis nimium beata,  
Dum tuis seruas veneranda templis  
Sacra, dum iusto cumulas honore  
Ossa Libori;

Gloria vincis bimarem Corinthum,  
Niniuen grandem superas honore:  
Reblatha insignis tibi cedit, ultro  
Regia Memphis.

Improbis iras Superum potentes  
Actibus noli cumulare demens;  
Ne flagellari mage quàm iuari  
Digna proberis.

*Paderbor-  
nenses mo-  
net.*

*a Quando is vixerit, patet ex sequenti Epigram-  
mate, ubi Kerſenbrockij] Buschijque meminit.*

*b Pendet etiamnum à medio templi fornice nautæ &  
setus, ab iis qui naufragium euaserant, posita anathe-  
mata: quæ quædam ante Virginis Dolorosa (ut vocant) sta-  
tuam sint, illi à quibusdam tribuuntur.*

*c Aliqua adhuc in Choro appensa visuntur: plura  
fuerant ante Christiani Brunſuicensis irruptionero.*



## Ad Lectorem maleuolum.

**D**esine verba malis in nos armata venenis  
Fundere, nec telis carmina nostra pete.  
Nos tenues humili canimus sermone ca-  
mœnas:

*a b* Non sunt *a* Tedigenæ aut *b* Buschia ple-  
ctra mihi.

*c* Scripta *c* Palatino tua si Ioue digna putâris,  
Nostra Liborinâ carmina laude beo.

Doctus si yndosum potis es nauare per æquor,  
In modico ludat nostra carina vado.

*a* Hermannus Kersebroock, alijs Kersebergh  
dictus, Monasterij superiore seculo Ludimagister, Hi-  
storiâ Anabaptisticâ, siue bellum Monasteriense, ele-  
ganter & accuratè descripsit. Tedigenâ vocat Giessu-  
nus, quia cognomen eius Kersebroeck, quasi can-  
delæ paludem sonat, vel Kersebergh, candelæ  
montem. Rectius fortè Cerasorum palus, monsue  
verteretur: Kêise enim Teutonicè cerasum significat,  
Keerisse candelam.

*b* Hermannus Buschius Pasiphilus, Dulmanien-  
sis ex diœcesi Monasteriensi, multa carmine scripsit ac  
solutâ oratione, & Catholicus, & postquàm ab Eccle-  
siâ defecit, qua recenset Gesnerus.

*c* Alludit, opinor, ad Buschij Hypanticon, Georgio  
Spirensi Episcopo, Philippi Electoris Palatini filio, dica-  
tium, quo solemnem eius in Spiram urbem introitum  
celebrat. Extinctus est Georgius sudore Anglico, ut  
tunc insolitus planè morbus appellabatur, 27. Septemb.  
anno Christi 1529. cum Episcopatum administrasset  
annos 16. vti Eysengreinus in Chronico Spirensi testâ-  
tur.

*Epigrammata quinque de S. LIBO-  
RIO calculi dolores curante, ab  
N.N.S.I.composita.*

I.

*Præsens laudis argumentum.*

**A**Ngitur horrificis pressus cruciatibus  
æger,  
Cui læsa inclusus calculus exta premit.  
Pharmaca mille bibit; sunt pharmaca mille  
dolores:

Nulla datur requies: mors erit vna quies.  
Ast imploranti extemplò LIBORIVS adstat:  
Excutiturque dolor, discutiturque lapis.  
Est tua iam virtus albo signanda lapillo,  
Quem tibi tam mirâ laudibus arte paras:

II.

*Ornamenta omnium nobilissima.*

**L**Vx alios tumulos pretiosi marmoris or-  
nēt,

Et tessellatum conficiatur opus:  
Mille lapillorum sæcunda corona niteſcat,  
Contegat ex auro lamina vtrumque latus.  
Nam tua LIBORI fastigia sacra sepulchri  
Condecorat pretio nobiliore lapis.

N

Scili-

194 VITA S. LIBORII PATRONI  
Scilicet illa maris genuêre & viscera terræ  
Dona, sed hæc homines parturiêre tibi.

III.

*Morbi vis elusa.*

**L**IBORI primos hominum libans hono-  
res,

Tam pronâ lacrymis si capis aure preces.  
Quidnam in saxa iunat diras concreescere  
arenas,

Si nutu in laticem saxa liquata fluunt?  
Postmodò mi liceat lapidescere, & extra ri-  
gere:

**LIBORII** imperio desinet esse lapis.

IV.

*Virtus caelestis mora impatiens.*

**M**Armora in ignivomis cudent lique-  
facta caninis:

Cuncta diuturnò nam vorat ignis edax.  
At subitò hîc cerno lapides marcescere fibris;

Arbor ut in cineres fulmine tacta cadit.  
Ignea (quid mirum?) **LIBORI** iussa parasti  
Terrenus dio vincitur igne focus.

V.

*Benè repensa virtus.*

**P**Ervigil Antistes, quo cultu reddat honores,  
Excitat impensè plurima templa Deo.

Mille

Mille ferunt animos dictis domuisse feroces,

Atque orco creptos restituisse polo.

Multa tulit pietate Pater, sudavit & alsit,

Vt reuocata solo sisteret vna fides.

Qui duos vitij mores emollijt ergo,

Hic benè duritiem perdere laxa iubet.

*Coll. Gualt. Juv. Palat. 1651.*

A D D E N D A.

*Pag. 176. lin. 21. post. Hac Romulus, adde: qui deinde  
authenticas tabulas, publici tabellionis operâ confici  
curauit v. lunij MDCXLVIII. suo ac Caroli Boccarini,  
Ioannis Caroli Cerichelli, Claudij Delphini, Ia-  
cobi Moriconi chirographo, Antianorumq; Ameri-  
norum auctoritate firmatas.*

F I N I S.





THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.  
1881

THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.  
1881


1111














BIBLIO  
Vitto